

মাননীয় শিক্ষাবিভাগের ডিরেক্টর বাহাদুর কর্তৃক প্রাইজ ও লাইব্রেরীর
জগৎ অনুমোদিত (কলিকাতা গেজেট, ৩১শে মার্চ ১৯৪১)

মৃত্যু পথের যাত্রি



শ্রী আশুতোষ বন্দ্যোপাধ্যায়

দেব সাহিত্য-কুটীর
কলিকাতা

প্রকাশক
শ্রীম্ভবোধচন্দ্র মজুমদার
দেব সাহিত্য-কুটীর
২২।৫ বি, বামাপুকুর লেন,
কলিকাতা



দশহারা
১৩৪৯

দাম দশ আনা


প্রিণ্টার—এস, মজুমদার
দেব প্রেস
২২।৫ নং বামাপুকুর লেন,
কলিকাতা





শেষে চোরাই মাল বেরুলো আমারই বিছানার তলা থেকে ।

মৃত্যু পথের যাত্রি



এক

ঢং ঢং ঢং—মাঝ
রাতে জমাট অন্ধ-
কারের বুক চমকে
দিয়ে এলাহাবাদ সেন্ট্রাল জেলের
ঘণ্টাঘড়ীতে বারোটা বেজে গেল।

সারা সहर নিস্তরু। জেলখানার প্রতি কক্ষে কয়েদার দল
সারাদিনের পরিশ্রমের পর গাঢ় ঘুমে অচেতন। কেবল প্রবেশ-
দ্বারের লৌহ-কটক বন্ধ করে, তার ভিতরে দু'জন সঙ্গীন-ধারী
প্রহরী সজাগ হয়ে বসে আছে। এদের পালা রাত একটা

মৃত্যুপণের ব্যতী

পর্যন্ত। তার পরেই অপর দু'জন কনস্টেবল এদের স্থান অধিকার করবে। জেলখানার এই কঠোর নিয়মের এক চুল ব্যতিক্রম হওয়ার উপায় নেই—অন্ততঃ যতদিন আমি এখানকার ভারপ্রাপ্ত জেলার।

জেলখানার বাইরে, ফটকের ঠিক সন্মুখেই জেল অফিস আর পুলিশের থানা। তার ও পাশেই আমাদের কোয়ার্টার। আমার এ্যালিস্ট্যান্ট্‌ রামশরণ চৌবে অন্য দিন নাইট্‌ ডিউটি করে থাকেন। কিন্তু আজ আমি ইচ্ছা করেই তাঁকে ছুটি দিয়েছি। নাইট্‌ ডিউটি আজ হচ্ছে আমার—কারণ, তাতে আমার একটা প্রয়োজন আছে।

আজ ২৩শে এপ্রিল। আজকের রাতটা শেষ হওয়ার সঙ্গে সঙ্গেই বিখ্যাত দস্যু-সর্দার তেজশঙ্কর ফাঁসি কাঠে বুলবে। পুলিশের বুক থেকে একটা নির্ভর সন্দেহের অস্তিত্ব চিরদিনের জন্য মুছে যাবে। সমগ্র অযোধ্যা প্রদেশ সেই সন্দেহ শোভনার জন্য রক্ত-নিঃস্রামে অসংকোচ করছে।

তেজশঙ্কর বিখ্যাত দস্যু—তেজশঙ্কর মহা দুর্কর্ম। দস্যু হলেও সে একজন সাধারণ দস্যু নয়,—দস্যু-সম্রাট। সারা বাংলা আর বিহার প্রদেশে যতগুলি গুপ্ত দস্যু দল আছে, তেজশঙ্কর সেই সব দলেরই দলপতি। তার নামে পুলিশের মুখ চূর্ণ হয়ে যায়—রাজপুরুষদের বুক কেঁপে ওঠে। এই মহাপ্রতাপশালী দস্যু-সর্দারকে ধরবার জন্যে সরকারপক্ষ বহু দিন ধরে বহু চেষ্টাই করে এসেছেন—কিন্তু সবই ব্যর্থ হয়েছিল।

মৃত্যুপথের যাত্রী

তাঁকে ধরা তোঁ দূরের কথা, উপরন্তু তার হাতেই বিস্তর পুলিশকে প্রাণ দিতে হয়েছে।

ভেজশঙ্কর নামজাদা নরহস্তা, বড় বড় ধনী মহাজন, রাজী আর জমিদারের উপরেই তার যত আক্রোশ। বিস্তর ঐশ্বর্যাশালী ব্যক্তিকে সে নিশ্চয়মভাবে হত্যা করে এসেছে। দীর্ঘ বারো বৎসর ধরে এই দুইটি প্রদেশের বুকের উপরে মহা নরপের সঙ্গে সে চালিয়ে এসেছে তার অত্যাচারের রথচক্র— কিন্তু এতকালের মধ্যে কেউ তার কেশাগ্রও স্পর্শ করতে পারেনি। কিন্তু অদৃষ্টের চাকা এবার খুব অসম্ভব রকমেই ঘুরে গিয়েছে। বনের দুর্দান্ত সিংহ তাই আজ এসে ঢুকেছে মানুষের কাঁপাগারে। আজ আর সে শৌর্য-বীর্য তার নেই। সে এখন বন্দী—সে এখন ফাঁসির আসামী।

তার শেষ বিচারের দিন এলাহাবাদের হাইকোর্টে লোক আর ধরে না। কোর্টের বাহিরে, পথের দুই ধারে লোকে লোকারণ্য। কত দূর-দূর থেকে কত রকমের লোক এসেছে তাঁকে দেখতে। তার বিচারের ফলাফল জানবার জন্যে কি তাদের উৎসাহ! কি উৎকর্ষা! ফাঁসির ছকুম হয়ে যাওয়ার পর তাকে সেই ভীড় ঠেলে জেলখানায় ফিরিয়ে আনাই কঠিন হয়ে পড়েছিল।

কাল ভোরে তার সেই ফাঁসির দিন। আজকের রাতটাই তার জীবনের শেষ রাত। আজ রাতেই তাই তার সঙ্গে আয়ায় দেখা করতে হবে—তার সেই লোহার ডাণ্ডাঘেরা হাজত-

মৃত্যুপথের যাত্রী

‘ঘরের মধ্যে । এ ঘেন সিংহের খাঁচার ভিতরে ঢোকা,—সিংহের সঙ্গে কোলাকুলি করতে ।

“ কাজটা দুঃসাহসের বটে—কিন্তু তবু তা আমাকে করতেই হবে । এরই জন্মে রামশরণ চৌবেকে ছুটি দিয়ে নিজেই এই ‘নাইট ডিউটির’ ভার নিয়েছি ।

তেজশঙ্কর দস্যু, তেজশঙ্কর দেশবাসীর আতঙ্ক, তেজশঙ্কর নরসমাজের শত্রু । তবু আমার কাছে মোটেই সে একটা বিভীষিকা নয় । সে যে কে, এবং কি, তা আমি ঠিক জানি না ; কিন্তু তবু সে আমার একজন আপনার লোক ।

তেজশঙ্করের সঙ্গে আমার পরিচয় দুই এক দিনের নয়—কয়েক বৎসরের । অথচ এর আগে তাকে আমি চক্ষেও কখনো দেখিনি ; আমার পরিচয় ছিল তার নামের সঙ্গে আর তার এমন কতকগুলি বিশেষত্বের সঙ্গে, যা নিয়ে অনেক মাথা ঘামিয়ে, অনেক বিচার-বিবেচনা করেও আমি কোন সিদ্ধান্তে উপস্থিত হতে পারিনি ।

তবু আমি জানতাম যে দস্যু-সর্দার তেজশঙ্কর একটা অতি অসাধারণ লোক । মানুষের সমাজ দীর্ঘকাল ধরে তার এই নৃশংস বৃত্তির বিরুদ্ধে যত কিছু ঘণিত মন্তব্য প্রচার করে আসুক না কেন, তবু আমি কিছুতেই বিশ্বাস করতাম না যে সে বাস্তবিকই এই সব কুৎসার উপযুক্ত । তাই সর্বসাধারণের কাছে সে যখন নির্ধূর নরঘাতক দস্যু, আমার ধারণায় সে তখন সেই বাহ্যিক পিশাচের ছদ্মবেশে একজন পরম দয়াল, পরম

মৃত্যুপথের যাত্রী

উপকারী দীন-দুঃখীর বন্ধু—অসহায়, অনগোপায় গরীব লোকদের মা-বাপ ।

ফাঁসির আসামী তেজশঙ্করের সম্বন্ধে আমার এই উচ্চ ধারণা জন্মেছিল অনেক বৎসর আগে, যখন আমি কলেজের ছাত্র, আর যখন মাত্র অল্পকাল পূর্বে আমার বিবাহিত জীবন আরম্ভ হয়েছিল । তার আগে এই দস্যু-সর্দারের নাম, সর্ব-সাধারণের মত আমারও কাছে অতি ঘণার বস্তু ছিল ।

খঞ্জনপুরের মৃত রায়বাহাদুর শশিশেখর ঘোষালের কন্যা অনিতাকে আমি বিবাহ করি । বিবাহের পর হঠাৎ একদিন আমার স্ত্রীর কাছে শুনলাম তার এক মহানুভব ধর্মভায়ের নাম । ভগীর শুভ বিবাহে দাদার আশীর্বাদের উপহার বলে সেই ধর্মভাই নাকি এক জোড়া জড়োয়ার ব্রেসলেট, আর গলার একছড়া জড়োয়ার নেকলেস তা'কে পাঠিয়েছিল । আমার স্ত্রী অনিতা অতি শ্রদ্ধা ও সম্মানের সঙ্গে সেগুলি ব্যবহার করত ।

জিনিষ দুটোর দাম দশ হাজারের কম কিছুতেই নয় । অথচ এত দামী যৌতুক দেওয়ার প্রতিশ্রুতি কন্যাপক্ষের একেবারেই ছিল না । কাজেই এই মহামূল্য অলঙ্কারগুলি আমাদের বাড়ীর সকলেরই মনে বিস্ময়ের হিমালয় রচনা করে তুলেছিল । সকলেই বলাবলি করত, “কথা না থাকলে এমন দামী গয়না কেউ কখনো দেয় নাকি ?”

খঞ্জনপুরের ঘোষালরা অতি সম্ভ্রান্ত বংশ । নবাবী আমলে তাঁরা ছিলেন প্রকাণ্ড জমিদার—যদিও বর্তমানে তাঁদের তত্ত্ব

মৃত্যুপথের বাত্রী

‘জমিদারী আর নেই ; তবু ওই অঞ্চলের অধিবাসীদের কাছে বনেদী বংশ বলে বিশেষ একটা খাতির তাঁদের আছে ।

‘‘ অনিতাকে বিয়ে করেছিলাম কেবল মাত্র তাদের সেই বংশ পরিচয়ে,—যৌতুকের লোভে নয়। কারণ, যৌতুক তারা যা দিতে চেয়েছিলেন তার দাম দু হাজারের বেশী মোটেই নয় ।

কিন্তু দু হাজারের উপর আবার দশ হাজার টাকা গয়না ! কাজেই সে সম্বন্ধে জিজ্ঞাসাবাদ হয়েছিল অনেক, কিন্তু সম্ভ্রামজনক কারণের সন্ধান কিছু পাওয়া যায় নি ! এইটুকু শুধু জানা গিয়েছিল যে ওই অলঙ্কারগুলি অনিতার শুভ বিবাহে প্রদত্ত তার ধর্মভায়ের প্রীতি উপহার ।

‘ কিন্তু কে সে ধর্মভাই ? কত বড় লোক সে ? একটা ধর্ম-সম্পর্কের খাতিরে দশ হাজার টাকা যে উপহার স্বরূপ দান করতে পারে, সে যে একজন কোটীপতি তাতে আর সন্দেহ কি ?

কিন্তু অনিতার কাছে জানলাম যে, সে ধনধান মোটেই নয়—সে একজন আশ্রয়হীন গরীব । চালচুলো তার কোথাও নেই । থাকে সে এখানে-সেখানে, বনে জঙ্গলে, গাছতলায়,—তাও যে কখন কোথায়, তা কেউ বলতে পারে না ।

হেঁয়ালী মন্দ নয় । কাজেই সেই অসাধারণ ধর্মভায়ের পরিচয় পাওয়ার জন্যে ওৎসুক্য হয়েছিল খুবই । কিন্তু প্রশ্নের পর প্রশ্ন করেও তার নামটি ছাড়া অনিতার কাছে আর বেশী কিছু পাওয়া গেল না । শুনলাম তার আসল নামটা বোধ

মৃত্যুপথের বাতী

হয় আজকালকার কেউই জানে না—অনিতাও নয়। তবে “দয়াল দাদা” নামে সে বঙ্গ, বিহার, উড়িষ্যা, এমন কি ভারত-বর্মের অন্য অনেক স্থানেও সুপরিচিত—বিশেষ করে সেই সর্ব-দেশের যত দীন-দরিদ্র, অসহায় ও দুঃস্থ উৎপীড়িত লোকদের কাছে।

বিস্ময় বাড়লো বই কমলো না। উপরন্তু একটা দারুণ অনুসন্ধিৎসার প্রবৃত্তি জেগে উঠলো। এই রূপকথার অপরূপ চরিত্রটাকে কেন্দ্র করে। স্থির করলাম জানতেই হবে কে সেই অদ্ভুত লোক, যে বাস করে বনে-জঙ্গলে, গাছতলায়—তাও কখন যে কোথায়, কেউ তা জানে না,—বিলোয় হীরে, মণিক, রত্নরাজি। দেশ-বিদেশে সুপরিচিত, অথচ কেউ জানে না সে লোকটা কে ?

বি, এ, পরীক্ষা দিলাম বিয়ের নাম চারেক পরেই। তারপর দেশ ভ্রমণের ছল করে বেরিয়ে পড়লাম, দয়াল দাদার অনুসন্ধান করতে। আমার উদ্দেশ্যের কথা কাউকে জানতে দিলাম না, অনিতাকেও নয়।

দুই

প্রথমেই গেলাম খঞ্জনপুর। শশুরালয়ে প্রবীণ পুরুষ কেউই নেই! বিধবা শশুমাতা ঠাকুরাণীই সংসারের অভিভাবিকা। স্পষ্টভাবে তাঁকে কিছু জিজ্ঞাসা করতে সাহস হয় নি। তবু প্রকারান্তরে প্রশ্নটা উত্থাপন করেছিলাম।

প্রশ্নটি শোনবার সঙ্গে সঙ্গে তাঁর মুখটি গম্ভীর হয়ে এক অপূর্ব শ্রীমণ্ডিত হয়ে উঠলো। দেখলাম এক পরিপূর্ণ মাতৃমূর্তি। সম্ভানের শুভকামনার সঙ্গে সঙ্গে যেন মাতৃআশীর্ব্বাদের পূর্ণরূপ তাঁর চোখে ও মুখে ফুটে উঠেছে। অলক্ষণ নিস্তরুভাবে থেকে তারপরে ধীরে ধীরে কোমল উপদেশের স্বরে তিনি উত্তর দিলেন :

“বাবা! তুমি ছেলে মানুষ। লেখাপড়া শিখেছ—তাই করে যাতে দশজনের একজন হতে পারো, তারই চেষ্টা করে যাও! ওসব ঘরছাড়া, পথহারা লোকের পরিচয় জেনে তোমার উপকার কিছুই হবে না। দয়াল যেমনই হোক, সে আমার ধর্ম্মছেলে; কিন্তু আমার নিজের ছেলে থাকলেও, দয়ালের চেয়ে সে বোধ হয় আমার বেশী প্রিয় হ’তো না।

চৌদ্দ বছরের সেই হতভাগ্য ছেলেটিকে তার বাপ-মা আত্মীয় স্বজনেরা অত্যাচার করে তাড়িয়েছে, জ্ঞাতিরা উৎপীড়নের অন্ত রাখে নি, দেশের লোকেরাও অবিচার করেছে যতদূর সম্ভব।

মৃত্যুপথের যাত্রী

মানুষের সমাজে ঠাই তার মেলে নি, তাই প্রাণের জ্বালায় ছুটে বেরিয়েছিল সে অনির্দিষ্টের পানে। স্নান করতে গিয়ে আমাদের গ্রামের পাশের নদীর তীরে একটা তাল গাছের তলায় তাকে পেয়েছিলাম মরণাপন্ন অবস্থায়।

ছ' বছর সে ছিল আমার কাছে, আমার ছেলের স্থান অধিকার করে। সেই অল্প কয়টি বছরেই মায়ের চোখ দিয়ে দেখে আমি বুঝতে পেরেছিলাম যে, দয়াল আমার সাধারণ ছেলে নয়। তার ভেতর একটা অতিমানুষের মহাপ্রাণ কোনোরকমে আত্মগোপন করে আছে। আমার কাছে এই সব সাধারণ বাঁধনে বাঁধা পড়তে সে আসেনি—বাঁধা সে থাকবে না। তার ভেতরকার অতিমানুষটি একদিন না একদিন গা ঝাড়া দিয়ে উঠে তাকে কোথায় কোন্ তেপান্তরের দিকে উড়িয়ে নিয়ে যাবে।

হ'লোও তাই। কুড়ি বছর বয়সে, যেমন অতর্কিতে সে এসেছিল, তেমনি অতর্কিত ভাবে চলে গেল। সে আজ ৯১০ বছরের কথা। সেই থেকে আমরা তার কোন সন্ধান পেতাম না বটে, কিন্তু আমাদের সকল খবরই সে রাখতো।

একথাটা জানলাম আজ স্তূতে বছর সাতেক আগে। ওঃ! সে কি এক ভীষণ দিনই গিয়েছে! আমাদের পরম শত্রু গোবিন্দলাল আমাদেরই যথাসর্বস্ব অপহরণ করে হয়ে উঠেছে একজন মহা ধনবান্ লোক—তবু আমাদের উপর আক্রোশ তার মেটে নি।

মৃত্যুপথের যাত্রী

অনেক টাকা ব্যয় করে সে একটা প্রকাণ্ড গুণ্ডার দল গড়ে তুলেছিল আমাদের সর্বনাশ করতে। সে দিন অমাবস্যা—‘ভায়’ আকাশ জোড়া জমাট মেঘের নীচে পৃথিবীর বুক কাকের পাখার মত কালো হয়ে উঠেছে। তার উপরে টিপ্ টিপ্ করে বৃষ্টি। পথে, ঘাটে, লোকের বাড়ীতে মানুষের সাড়া শব্দ একেবারেই নিভে গিয়েছে। দুপুর রাতে হঠাৎ কি চীৎকার! আর কি ভয়ানক দরজাভাঙ্গার দমাদম শব্দ! রে রে রে, মার মার প্রভৃতি লঙ্কার শুনে সকলের গায়ের রক্ত জল হয়ে আসতে লাগলো! ভাবলাম—ডাকাতির হাতেই বুঝি আমাদের ধনপ্রাণ তুলে দিতে হবে।

অনিতাকে বুকে জড়িয়ে ধ’রে একটা ছোট ঘরের অন্ধকারের মধ্যে অচেতন হয়ে পড়েছিলাম কতক্ষণ তা জানি না! হঠাৎ একটা “মা! মা!” ডাক কানে যেতেই চৈতন্য ফিরে এল। চোখ চাইতেই দেখলাম, আমার সেই ঘরটা একটা জ্বলন্ত মশালের আলোয় আলো হয়ে উঠেছে, আর সেই আলোয় আমার ঠিক স্মৃতিখোঁই এক অপূর্ব সাজে সেজে দাঁড়িয়ে রয়েছে আমার সেই ধর্ম্যহলে দয়াল!

দয়ালের কোমরে একটা গাঢ় লাল রঙের জাম্বিয়া আঁটা, শাখায় একটা চক্চকে লোহার গড়া পাগড়ী, কোমরে প্রকাণ্ড একটা ছোরা আর ডান হাতে বর্শা। হাসি-হাসি মুখে আমার দিকে চেয়ে সে বললে,—

“মা! উঠুন! ভয় কি? আপনার দয়াল বেঁচে থাকতে

মৃত্যুপথের যাত্রী

আপনাদের ওপর অত্যাচার করে বেঁচে যাবে এমন দশটা মাথা আছে কার ? গোবিন্দলালের অর্ধেক দল সাবাড় করে দিয়েছে। অর্ধেক অভিক্ষেপে প্রাণ নিয়ে পালিয়েছে। এখন একবার উঠুন মা ! অনেকদিন পরে আপনাকে একটা প্রণাম করি।”

দয়ালকে দেখে আর তার কথা শুনে মরা দেহে যেন জীবন ফিরে পেলাম, কিন্তু বিস্ময় বেড়ে উঠলো খুবই। ষড়মড় করে উঠে দাঁড়িয়ে তার হাতখানি সম্মুখে ধরে জিজ্ঞেস করলাম—

“এ কি ! দয়াল ? সত্যিই তুই ? এতকাল পরে হঠাৎ এই বিপদের সময়ে কোথা হতে এসে পড়লি বাবা ? গোবিন্দলালের কথাই বা কি বলছিস ? আমি তো কিছুই বুঝতে পারছি না বাবা !”

দয়াল হাসলো। বলে :

“বুঝবেন কি করে মা, এত সব ষড়যন্ত্রের কথা আপনার বুঝা অসাধ্য, কিন্তু তবু এইটুকু জেনে রাখুন আজকের এই ভয়ানক আক্রমণ সেই গোবিন্দলালেরই কীর্তি। গুণ্ডার দল জুটিয়ে সে এসেছিল আপনাকে আর অনিতাকে খুন করতে। কিন্তু সে হতভাগা জানে না যে দস্যু-সর্দার তেজশঙ্করের চর সর্বত্রই আছে। তার চোখে ধূলো দেওয়া মানুষের সাধ্য নয়।”

বিস্ময়ে আড়ম্বল হয়ে গেলাম। দয়াল বলে কি ! সে কি তবে দস্যুর দলে নাম লিখিয়েছে ? সে কি সেই বিখ্যাত ডাকাতির দলভুক্ত ? ভয়ে ভয়ে আবার জিজ্ঞেস করলাম :

“তেজশঙ্কর ? সেই নামজাদা ডাকাতি-সর্দার ? কি বলছিস

মৃত্যুপথের যাত্রী

তুই দয়াল ? সেই ডাকাতির দলই কি আমাদের আজ বাঁচালে ?”

“দয়াল এবার খিল্ খিল্ করে হেসে উঠলো। উত্তর করলে—“হ্যাঁ, মা। সে আজ নিজে এসেছে তার কথঞ্চিৎ ঋণ শোধ করতে। পাপিষ্ঠ গোবিন্দলালের মুণ্ডটা সে নিজের হাতেই তার ধড় থেকে পৃথক করে দিয়েছে। আপনার উপর আর কোন অত্যাচার সে করতে পারবে না। এখন বলুন মা ! তেজশঙ্করের মাতৃঋণের এক কণাও কি এতে শোধ হয় নি ?”

কি উত্তর দেব তা বুঝতে পারলাম না ; কারণ, তার কথাগুলো তখনও আমার মনে হচ্ছিল যেন হেঁয়ালী। শেষে দে-ই অল্প দু'চার কথায় আমার সন্দেহ মোচন করে দিলে। তারপর আমাকে প্রণাম আর অনিতাকে আশীর্ব্বাদ ক'রে বড়ের মত সে উধাও হয়ে গেল।

সেই থেকে আজ পর্য্যন্ত তার আর সাক্ষাৎ পাইনি। কিন্তু তার অদ্ভুত কীর্তির কথা নিত্য নতুন বর্ণনার রূপ ধরে সারা দেশবাসীর ও সেই সঙ্গে আমারও কানে এসে বাজছে। সবাই সমস্বরে বলছে, তেজশঙ্কর একটা মহাপাপী, তেজশঙ্কর খুনে, তেজশঙ্কর নরসমাজের মহাশত্রু। কিন্তু আমার সেই ধর্ম্মছেলে দয়াল দেশবিদেশের দীন, দরিদ্র, অনাথ, অসহায় আর অত্যাচার-পীড়িতদের দয়াল দাদা হয়ে হাজার হাজার লোকের শ্রদ্ধা ভক্তি আর আশীর্ব্বাদ কুড়িয়ে বেড়াচ্ছে, এ কথা কেবল আমিই জানি।

অনিতা মিথ্যে বলেনি বাবা ! আমিও শপথ করে বলতে

মৃত্যুপথের যাত্রী

পারি যে তার কথার একটা বর্ণও মিথ্যে নয়। দয়াল বাই-
করুক, সে নিজের জন্মে কিছুই করে না। সে নিজে যেমন
হতভাগ্য ছিল ঠিক তেমনিই আছে। আগেকার মত আজও
মানুষের সংসারে তার ঠাই নেই—দেশের লোকের ঘরে তার
আশ্রয় নেই। বরং মানুষ সমাজের দৃষ্টি এড়াবার জন্মে বনে
জঙ্গলে সে ঘুরে বেড়ায়—তাঁও একস্থানে স্থির হয়ে সে থাকতে
পারে না। ভোগ নেই, বিলাস নেই, আরাম বিশ্রামও তার
ভাগ্যে কখনো জোটে না, তবু সে হাজার হাজার লোকের
দয়াল দাদা—সে দীনদুঃখীর মা বাপ। শুধু এইটুকু জেনে আমি
তার সব অপরাধের কথা ভুলে গিয়েছি, তাকে ঠিক আগেকার
মত স্নেহের চোখেই দেখে আসছি। অপরাধের মধ্যেও সে
মহৎ, সে মহানুভব।

সে আমার ধর্ম্যছেলে, তবু তার সঙ্গে আমাদের কোন রকম
সংস্রবের কথা প্রকাশ করবার নয়। তুমিও স্বতঃপ্রবৃত্ত হয়ে
জিজ্ঞেস না করলে তার কথা কিছুই জানতে পারতে না।
এখন যেটুকু জানলে, তাঁও আমাদের সকলেরই জন্মে তোমাকে
গোপন করতে হবে। প্রথমেই তাই বলেছিলাম যে, সে একটা
ঘরছাড়া, পথহারা লোক। তার কথা জানবার চেষ্টা না করে
তোমার পক্ষে নিজের কাজ করে যাওয়াই কর্তব্য।

শ্রমজাতার সব কথা শুনে আমারও যেন কেমন একটা
শ্রদ্ধা এসে গিয়েছিল দয়াল দাদার উপর। লোকটা বাস্তবিকই
অতি অসাধারণ। কিন্তু কেমন করে সে সেই হীন অবস্থা

মৃত্যুপথের বাতী

থেকে এত বড় একটা দস্যু-সর্দার হ'য়ে উঠলো, তা আমি কিছুতেই ধারণা করে উঠতে পারলাম না। আরও বুঝতে পারলাম না যে তার এই নৃশংস দস্যুতার উদ্দেশ্য কি। সত্যিই কি সে এমন অদ্ভুত আত্মপ্রবঞ্চক? সত্যিই কি সে আপন ভোগস্বখের প্রতি এমন উদাসীন? কেবলমাত্র দেশের দীন-দুঃখীদের সাহায্য করবার জন্মেই কি সে ধনিক সম্প্রদায়ের বিরুদ্ধে এতবড় অপরাধ দীর্ঘকাল ধ'রে ক'রে আসছে?

যা হোক ভখনকার মত দয়ালের সম্বন্ধে বেশী কিছু জানবার কৌতূহলকে দমন করতে হ'লো। দেশবিখ্যাত দস্যু-সর্দার তেজশঙ্করই যে সেই দয়াল দাদা, একথা শোনবার পর কারই বা সাহস হ'তে পারে তার সম্বন্ধে অনুসন্ধান ক'রে বেড়াতে? সরকারের বিরাট পুলিশ বিভাগ যে কাজে হার মেনেছে, আমার মত একটা নগণ্য লোকের সাধ্য কি যে সে কাজে এক পাও এগোয়? কাজে কাজেই শ্রমস্রোতার উপদেশ মেনে নিয়ে নিজের কাজেই মন দিতে হ'লো।

এর দু'বছর পরেই ঢুকলাম চাকরীতে। পুলিশ বিভাগে মাথা গলিয়েই পদোন্নতির পর পদোন্নতি। শেষে আরও দু'বছর যেতে না যেতেই হয়ে গেলাম এলাহাবাদ সেন্ট্রাল জেলের জেলার।

দিন যায়। দেখতে দেখতে আমার চাকরীর চার বছর হয়ে গেল। এর মধ্যে তেজশঙ্করের অনেকগুলো লোমহর্ষণকর নৃশংস

মৃত্যুপথের ষাত্রী

ডাকাতি আর নরহত্যার কাহিনী আমার কানে এসেছিল। সারা-
দেশের ধনিক মহলে পড়ে গিয়েছে একটা মহা আতঙ্কের সাড়া।
পুলিস বিভাগের বড় বড় কর্মচারীদের চক্ষু একেবারে ঘোলাটে
হয়ে গেছে! তারা না পারে কোন কিছু কিনারা করতে, না
পারে কৈফিয়ৎ দিতে।

এদিকে ছোট বড়, সব রকম খবরের কাগজগুলিতে
জালাঘরী ভাষার তুফান বয়ে গেল! যতই বড় বড় লোকের
হত্যাকাণ্ড ঘটে, ততই তাদের আশ্ফালন বেড়ে যায়। বড় বড়
শব্দ আর লম্বা লম্বা বক্তৃতার সাহায্যে তারা প্রত্যেক বীভৎস
ঘটনাকে শতগুণ বীভৎস করে তোলে, আর সেই সঙ্গে পুলিস
আর সরকারকে খুঁচিয়ে খুঁচিয়ে অতিষ্ঠ করে দেয়!

রংপুরের রাজা উপাধিধারী জমিদার দুর্গাশঙ্কর চৌধুরীর
হত্যা, ময়ূরভঞ্জের কোটীপতি মহাজন হরদেওলাল গিধাড়িয়াকে
খুন করে তার পঞ্চাশ হাজার টাকা লুট প্রভৃতি গোটাকতক
বড় বড় ঘটনা নিয়ে শুধু সংবাদপত্রওয়ালারা কেন, বাংলা,
দিল্লি ও উড়িষ্যার জনসাধারণ ও সেই সঙ্গে পুলিস মহলের
পর্যন্ত, আহা! নিদ্রা একরকম যুচে গেল!

আমি নিরীহ মানুষটির মত জেল সীমানার মধ্যে থেকে
জেলের ওয়ার্ডার আর কয়েদীদের নিয়ে ডিউটি বজায় রাখি
আর শুনে যাই দয়াল দাদার নিত্য-নূতন নৃশংসতার কাহিনী।

ভাবি, কি আশ্চর্য্য তার শক্তি! কি অদ্ভুত সাহস! লোকটা
শুধু দস্যু নয়—সে বোধ হয় একজন অলৌকিক শক্তিসম্পন্ন


মৃত্যুপথের যাত্রী

ঘাড়কর । নইলে এত দীর্ঘকাল যাবৎ ভারতবর্ষের নানা স্থানে এমন অত্যাচার করেও নিজের দলবল নিয়ে সে এমন নিখোঁজ ভাবে আত্মগোপন করে থাকে কি প্রকারে ?

অবশেষে সরকার বাহাদুরের টনক বেজায় রকম ন'ড়ে উঠলো । পুলিশ ও সি, আই, ডি মহলে লেগে গেল খরধরি কম্প । চারিদিকে পড়ে গেল সাজ্ সাজ্ রব । হাজার হাজার টাকা পুরস্কার ঘোষণাও হয়ে গেল । ধরপাকড় আর খানা-তলাসী শুরু হলো একদম বেপরোয়াভাবে ।

নিত্য দলে দলে লোক আসামী-সন্দেহে ধৃত হয়ে নানা জেলার হাজতঘরে পচতে লাগলো । পুলিশের সন্দেহ যে, তারা তেজশঙ্করের গুপ্তদলের সঙ্গে সংশ্লিষ্ট, না হয় তারা দস্যুদলের সব তথ্য জেনেও গোপন করে যাচ্ছে । তাদের মধ্যে অধিকাংশই গরীব চাষী, মজুর বা নীচ জাতীয় লোক । বাঙালী, বেহারী, উড়িয়া, হিন্দুস্থানী, সাঁওতাল, বুনো—এই ভাবে ধরা পড়ে হাজতঘরে এসে বস্তুপচাঁ হতে লাগল । তারপর আরম্ভ হ'ল, স্বীকারোক্তি আদায়ের জন্য নানা রকম চেষ্টা ! কিন্তু আশ্চর্যের বিষয় এই যে, কিছুতেই তাদের কাছ থেকে তেজশঙ্কর বা তার দলের কোন খোঁজ-খবরই পাওয়া গেল না । তাদের কাছ থেকে এইটুকু শুধু জানা গেল যে, তারা দস্যুপতি তেজশঙ্করের কিছুই জানে না, কিন্তু দয়াল দাদাকে মূর্ত্তিমান করুণার অবতার বলেই তারা মনে করে ।

দয়াল দাদা তাদের দুঃখের দুঃখী, ব্যথার ব্যথী, বিপদের



“মা উঠুন ! ভয় কি !”

মৃত্যুপথের ঝড়

বন্ধু, তাদের সকলেরই মা বাপ। দয়াল দাদা কোথায় থাকে, কি করে, তা তারা জানে না, তবু বিপদ আপদের সময়ে তার সাহায্য আসে ঠিক দেবতার দানেরই মত। দয়াল দাদার অপূর্ব দানশীলতা না থাকলে অজন্মায়, দুর্ভিক্ষে, জমিদারের অত্যাচারে ও অন্য অনেক বিপদ আপদে গরীব দুঃখী লোকদের বেঁচে থাকাই কঠিন হয়ে দাঁড়াতো।

জেলখানার নানা কষ্টে ও মানসিক দুর্শ্চিন্তায় কাতর হয়ে, বন্দীদের কেহ কেহ মরেও গেল; কিন্তু তবু দস্যু-সর্দার তেজশঙ্কর বা তার দলবলের সম্মুখে একটা কথাও কেহ বলল না।

কে জানে তার কারণ কি? অজ্ঞতা,—না কৃতজ্ঞতা?

তিন

বুঝলাম দয়ার অবতার দয়াল দাদার কি অসামান্য প্রভাব
এইসব দীন-দরিদ্র, অসহায় হতভাগ্যদের উপর ! অথচ দেশের
অত্যাচারী ধনিক সম্প্রদায় তার নামে থরথরি কম্পমান !
দস্যুর ছদ্মবেশে এ তবে কেমন লোক ?

তেজশঙ্করের সম্বন্ধে তাই একটা উৎকট অনুসন্ধিৎসা
জেগে রইলো আমার মনে। লোকটা অসাধারণ অনেক
বিষয়েই, কিন্তু সে তার অসামান্য দক্ষতা আর মনোভাব নিয়ে
এমন ঘৃণিত পথটাই বা বেছে নিলে কেন ? হৃদয়ের বিরাট
প্রসারতা নিয়ে এমন হৃদয়হীনতার কাজ যে করে যেতে পারে,
তার ব্যক্তিত্বের বিশেষত্বটা কিছূতেই বুঝে উঠতে পারলুম
না।

যাক্। ধরপাকড়, জুলুম, সমান ভাবেই চলতে লাগলো।
আসল ডাকাতেই সন্ধান না পেয়ে, দলে দলে নকল ডাকাতদের
চালান দেওয়া হতে লাগলো, তেজশঙ্করের দলস্থ লোক ব'লে।
দেশে দেশে গরীব, দুঃখী, চাষী, মজুর আর বেকারদের মহলে
হাহাকার পড়ে গেল।

এর পরেই হঠাৎ একদিন আশ্চর্য ব্যাপার ! দেশ বিদেশের
জনসাধারণ হঠাৎ চঞ্চল হয়ে উঠলো। সংবাদপত্রের স্তম্ভে
স্তম্ভে বড় বড় হরপে ছাপা হয়ে বেরুলো এক অভাবনীয়

মৃত্যুপথের যাত্রী

সংবাদ । পুলিশমহলেও কি ব্যস্ততা ! কি ছলুস্থল ! সঙ্গে সঙ্গে সঙ্গীনের খোঁচার মত আমার কানে এসে বাজলো দস্যু-সর্দার তেজশঙ্করের ধরা পড়বার সংবাদ ।

বিশ্বাস করতে পারলাম না । মনে হ'লো এটা কাগজ-ওয়ালাদের কারসাজি । তেজশঙ্কর ধরা পড়বে ? পুলিশের পক্ষে এতবড় একটা অসাধ্যসাধন কি সম্ভবপর ?

সন্দেহের মীমাংসা হয়ে গেল ঠিক পরদিনই । বিশ্বস্ত সূত্রে জানলাম যে তেজশঙ্করকে ধরার সৌভাগ্য কারও হয়নি । সে নিজেই এসে ধরা দিয়েছে জেলার ম্যাজিস্ট্রেটের কাছে । বহুসংখ্যক নিরীহ লোককে পুলিশের অযথা অত্যাচার থেকে বাঁচাবার জগেই নাকি তার এই আত্মসমর্পণ ।

স্তম্ভিত হয়ে গেলাম । দস্যু-সর্দারের প্রতি শ্রদ্ধায় আমার মাথা আপনাআপনি নীচু হয়ে পড়লো । শ্রদ্ধামাতার সেদিনের সেই কথাগুলি ছাপার অক্ষরে আমার চোখের সম্মুখে যেন ফুটে উঠলো—“অপরাধী সে হতে পারে । তবু তার সেই হাজার অপরাধের মধ্যেও সে মহৎ—সে মহানুভব ।”

সেই তেজশঙ্কর ! সেই আমার স্ত্রী অনিতার দয়াল দাদা— আমার পূজনীয়া শ্রদ্ধামাতা ঠাকুরাণীর ধর্মছেলে দয়াল !

যাহোক্ সুদীর্ঘকাল মামলা চলবার পর দস্যু-সর্দার তেজশঙ্করের একটা যবনিকাপাত হয়ে গেল । বিচারে তার ফাঁসির ছকুম হ'ল—এবং এলাহাবাদ হাইকোর্টের শেষ বিচারেও তার সাজা অক্ষুণ্ন রয়ে গেল ।

মৃত্যুপথের যাত্রী

ভেজশঙ্করের ফাঁসি হ'বে—কাল সেই ফাঁসির তারিখ।
ফাঁসির প্রত্যাশায় সে আমাদেরই এই জেলের লৌহঘেরা
হাজতঘরে বন্দী হয়ে আছে।

হাতে হাতকড়া, পায়ে লোহার বেড়ী আর কোমরে লোহার
শিকল প'রা, চার পাঁচজন সঙ্গীনধারী প্রহরী বেষ্টিত অবস্থায়
প্রথম যেদিন তাকে এই জেলে আনা হ'লো, সেইদিনই তাকে
দেখে আমি যারপরনাই স্তম্ভিত হয়ে গিয়েছিলাম।

একি ! এই সেই দস্যুসম্রাট ? ফুটফুটে গৌরবর্ণ, লম্বা-
চওড়া চেহারা, বিশাল বক্ষ, পেশীময় বাহু, প্রশস্ত ললাট আর
টানা টানা বড় বড় দুটি চোখ—কোন রাজা বা রাজপুত্রেরও
এমন সুন্দর আকৃতি হয় কিনা সন্দেহ !

কঠিনতম অপরাধের আসামীস্বরূপ লোহার বাঁধনে বদ্ধ হস্তপদ
অপরিহার্য মৃত্যুদণ্ডে দণ্ডিত হবার জন্মে হাজত ঘরে যাকে
টেনে নিয়ে আসা হচ্ছে, তার উদ্বেগশূন্য প্রশান্ত মুখশ্রী দেখে
আশ্চর্য হয়ে গেলাম। জেলের ভয় সবার হয়তো নাও থাকতে
পারে, কিন্তু চরমদণ্ড ফাঁসি তার একমাত্র সুবিচার তা জেনেও
এমন অনুষ্টিগ্ন এমন অবিচলিত কেউ থাকতে পারে, সে কথা
তখনও আমি বিশ্বাস করতে পারিনি।

শুনলুম হাইকোর্টের বিচার শেষ হয়ে গেলে, জজ সাহেব
গম্ভীর স্বরে আসামীকে তার মৃত্যুদণ্ডের আদেশ শুনিয়ে দিলেন,

মৃত্যুপথের যাত্রী

তেজস্কর তখনও নাকি একদম পাথরের মত স্থির হয়ে দাঁড়িয়েছিল। তার মুখের সুন্দর রঙ একটুও বিবর্ণ হয়নি! একটা রেখাও ফুটে ওঠেনি তার কপালে! যেন তার কাছে মৃত্যুদণ্ড একটা দণ্ডই নয়!

বিচার শেষে তা'কে যেদিন জেল-হাজতে ফিরিয়ে আনা হয়, আমি সেদিন তার সঙ্গে সাক্ষাৎ করতে গিয়েছিলুম। কথায় কথায় তাকে আমি বলেছিলাম, আমার খঞ্জনপুরের শশুরালয়ের কথা। আমি যে অনিতার স্বামী, সে কথা শোনবার সঙ্গে সঙ্গে তার বড় বড় চোখদুটো একবার ক্ষণিকের জন্মে দীপ্ত হয়ে উঠে আবার পূর্বের মত হয়ে গেল। কিন্তু সে তা'তে কোন উত্তর দিলে না। আমি অনেক কথাই বলে গেলাম। তার অসাধারণ ব্যক্তিত্ব, তার অপূর্ব আত্মত্যাগ, আর সেই কারণে সরকার তরফের লোক হয়েও তার প্রতি আমার অসীম শ্রদ্ধা। সব কথা অকপটভাবে বলবার পর আমি তাকে অনুরোধ করলাম তার অপূর্ব জীবনচরিত আমাকে শোনাতে। সাধারণ গৃহস্থের ছেলে হয়ে, কেমন করে, কিসের জন্মে সে এই দুর্গম পথের যাত্রী হয়ে পড়লো, আর কোন্ বিচারেই বা সে দেশের ধনিক মহলের সর্বনাশ করে, অথচ অসভ্য, অশিক্ষিত, দীন-দরিদ্রের যথাসাধ্য পোষণ করে যেত; আর সবশেষে এই তরুণ বয়সে স্বেচ্ছায় সরকারের হাতে আত্মসমর্পণ করে এমন ভাবে সে তার নিজের মৃত্যুই বা ডেকে আনলে কেন, এইসব অনেক কথাই আমি তার কাছে জানবার আশ্রয় প্রকাশ করলাম।

মৃত্যুপথের যাত্রী

স্থিরভাবে আমার সব কথা শোনার পর একবার সে একটু মুচ্কে হাসলে। তারপর বললে :

“বুঝেছি তোমার আগ্রহটা সত্যিকারের। আমার সব কথা জানায় যদিও তোমার কোন উপকার নেই তবুও তোমার এমন একটা ঐকান্তিক আগ্রহকে একেবারে উড়িয়ে দিতে পারি না। অন্য কেউ হলে নিশ্চয় তার এ অনুরোধ আমি মানতাম না। কিন্তু তুমি অনিতার স্বামী—আমার পর নও।

মরতে আমি চলেছি। আমার অপরাধের চরমদণ্ড ফাঁসিই আমার যোগ্য মৃত্যু। এ মরণ আমি স্বেচ্ছায় মাথা পেতে নিচ্ছি—কারণ এই মরণই আমার প্রায়শ্চিত্ত।

আমার জীবনরহস্য তোমার কাছে কোতূহলের বিষয় হলেও, নিশ্চয় তা তোমার শ্রুতিমধুর হবে না। তবু যখন আগ্রহ তোমার হয়েছে—বেশ। তা হলে আজ নয়—কারণ, আমার জগতের সব সম্পর্ক কাটিয়ে চ’লে যাবার এখনও কয়েকটা দিন দেবী আছে।

আমার ফাঁসির দিন ২৪শে এপ্রিল। তার আগের দিন রাতেই আমি তোমার সব কোতূহল মিটিয়ে দেব। ২৩শে এপ্রিল রাত দুপুরেই আমি আমার জীবন-নাটকের যবনিকা তুলে ধ’রবো তোমার চোখের স্রুখে। তাতে তুমি সন্তুষ্ট হও—বেশ।”

আজ সেই ২৩শে এপ্রিল। দুপুর রাতের প্রতীক্ষায় এতক্ষণ

মৃত্যুপথের যাত্রী

চুপ করে পড়েছিলাম অফিস ঘরে একটা আরাম কেদারার উপরে। বারোটা বাজতেই আমি ধীরে ধীরে উঠে পড়লাম। তারপর জেলখানার ভিতরে ঢুকে, চললাম তেজশঙ্করের হাঁজত ঘরের দিকে।

দোতলার ঠিক মাঝখানটিতে মোটা মোটা লোহার গরাদে দেওয়া অনতিপ্রসন্ন একটা ঘর—লোহার গরাদে গুলোর স্মৃখে আবার একপ্রস্ত ‘কোল্যাপ্‌সিন্‌ল্’ গেট। হাঁজত ঘরটি এক স্মৃদূত থাকা সত্ত্বেও তেজশঙ্করের মত অসাধারণ আসামীকে তার মধ্যে আটক রেখে নিশ্চিত থাকা চলেনা। উপরওয়ালাদের আদেশে তার বন্ধদ্বারের স্মৃখে তাই একটা সঙ্গী-ধারী প্রহরীকে মোতায়ন থাকতে হয়েছে।

লোহার দুয়ার খুলিয়ে বরাবর তার ভিতরে গিয়ে ঢুকলাম। তেজশঙ্কর মেঝেতে লম্বা হ’য়ে শুয়ে ছিল। আমি যেতেই সে উঠে বসলো। আমার আদেশে প্রহরী একটা পাঞ্চ-লাইট এনে গেটের স্মৃখে রাখলে। ঘরের ভিতরটাও তাতে বেশ আলো হয়ে উঠলো। কয়েদীদের ব্যবহৃত একটা কম্বল মেঝেয় পেতে আমি দেয়াল ঠেস দিয়ে বসে পড়লাম।

তেজশঙ্কর কিছুক্ষণ স্থির দৃষ্টিতে আমার মুখের দিকে চেয়ে রইলো। তার বড় বড় চোখদুটিতে দস্যুর রুদ্রভাব একবারেই নেই। কি প্রশান্ত, কি অন্তর্ভেদী সে দৃষ্টি! আমার বোধ হলো যে, সে আমার অন্তরের অন্তঃস্থলটি পর্য্যন্ত লক্ষ্য করে দেখছে যে সেখানে কৃত্রিমতা বা ছলনা কিছুমাত্র আছে কি না।

মৃত্যুপথের যাত্রী

আমার বোধ হয় আপত্তিজনক কিছুই সে দেখতে পায়নি আমার আন্তরিকতার মধ্যে। কারণ, পরক্ষণেই তার মুখটি বেশ প্রসন্ন হয়ে উঠলো। কোন রকম ভণিতা না করেই সে তার অদ্ভুত জীবনচরিত বলে যেতে লাগলো বেশ ধীর আর গম্ভীরভাবে। আমিও একমনে তাই শুনতে লাগলাম।

চার

তেজশঙ্কর বলতে লাগলো :

বাংলার মধ্যে শক্তিপুর একটা গণ্ডগ্রাম। গ্রামটা বেশ বড় বলে ইতর, ভদ্র, ধনী, দরিদ্র, হিন্দু, মুসলমান মিলিয়ে প্রায় আড়াই-শো ঘর লোকের সেখানে বাস।

গ্রামের মধ্যে আমরা খুব পুরোণো বংশ—যদিও ঘরোয়া বিবাদের ফলে “ভাই ভাই, ঠাই ঠাই” হওয়াতে বর্তমানে আমাদের জ্ঞাতি-গোষ্ঠীর মধ্যে কারও অবস্থা তেমন ভাল নয়। তবু বনেদী বংশ বলে গ্রামে আমাদের একটু খ্যাতি আছে।

আমার বাবা ছিলেন, ভারী একগুঁয়ে প্রকৃতি আর চড়া মেজাজের লোক। সেই জন্মে গ্রামের অনেকেরই সঙ্গে তাঁর মোটেই বনতো না। ঠিক একঘরে না হ'লেও, পল্লীর গৃহস্থেরা আমাদের সঙ্গে তেমন মেলামেশা করত না।

আমি ছিলাম বাবার প্রথম পক্ষের একমাত্র সন্তান। মা যারা যান আমার জন্মের পক্ষকাল পরেই। তারপর ত্রিমাस যেতে না যেতেই বাবা আবার বিয়ে করেছিলেন। কাজেই আমার সৎমাকেই আমি জেনেছিলাম মা বলে।

শৈশবের কথা বিশেষ কিছু মনে নেই, কিন্তু অল্প জ্ঞান হ'তেই বুঝতে পেরেছিলাম যে, আমার মা আমার উপর আদৌ সন্তুষ্ট ন'ন—তিনি বরং আমার ছোট বোনটিকেই ভালবাসেন খুব বেশী।

মৃত্যুপথের যাত্রী

দিনরাত তিনি তাকে নিয়েই ব্যস্ত এবং আমাকেও তিনি সর্বদা ব্যস্ত করে তুলতেন তার জন্ত। ক্ষিদের সময় ঠিকমত খাওয়া তো মিলতোই না, উপরন্তু কথায় কথায় ভৎসনা আর শাসন করতেন পুরোমাত্রায়।

বাবা কোথায় কি কাজ করতেন জানি না, তবে তিনি অধিকাংশ সময়ই থাকতেন বাইরে আর তাঁকে খুব বেশী পরিশ্রম করতে হ'ত। কর্মরাস্তা দেহে ঘরে ফিরলেই তাঁকে মায়ের কাছ থেকে কেবলই আমার বিরুদ্ধে অজস্র নালিশ শুনতে হ'ত।

বাবা প্রথমে কিছুকাল তা'তে অবিচলিত ছিলেন, আমাকে দু-একটু গালমন্দ ব'লে চেপে যাবার চেষ্টা করতেন। কিন্তু ক্রমাগত নালিশের ফলে তাঁর স্নেহশীল মনটা অবশেষে অনেক পরিমাণে বিগড়ে গেল। কাজেই তাঁর কাছেও আদরের পরিবর্তে অনাদরের ভৎসনা সহিতে হতো রোজই।

এইভাবে শৈশব থেকেই আমি স্নেহের আশ্বাদ থেকে বঞ্চিত হলাম। অথচ আমার আর আমার' সেই একটুখানি বোনটির প্রতি বাবা ও মায়ের ব্যবহারের পার্থক্য সহজেই উপলব্ধি করতে পারতাম। তার নানারকম আদর ও যত্ন আর আমার নিত্য নানা দোষদর্শন, তাড়না, অযত্ন ও কথায় কথায় অনাহার-দণ্ড শৈশব হ'তেই আমার মনের আলোর রেখাগুলো এক এক ক'রে মুছে দিয়ে তার জায়গায় অন্ধকার এনে ভ'রে দিতে শুরু করলে।

মৃত্যুপথের বাতী

শিশুর জীবনটি যে কেবল শাসন আর তাড়না, তাতে .
আনন্দ পাওয়ার মত কিছুই নেই, আছে শুধু পদে পদে কত
কি অজানা বিপদের ভয়, এইটুকু উপলক্ষি করবার সঙ্গে সঙ্গে
বাবা আর মায়ের উপর ভালবাসার টান বলতে তো কিছুই
রইলো না, অধিকন্তু তাঁরা হয়ে উঠলেন আমার কাছে মহা
ভয়ের বস্তু ।

পাঁচ বছর পূর্ণ হবার পর হ'তেই পাঠশালায় যেতে শুরু
করলাম । কিন্তু সে যাওয়া কেবল একটা নিয়ম রক্ষা করা
মাত্র । পড়াশুনার সময় বা সুবিধা মিলতো না ব'লে কড়া
শাসন সেখানেও আমার নিত্য সঙ্গী হ'য়ে উঠলো ।

আগে শুধু ছোট বোনটি ছিল আমার নানা কষ্টের কারণ ।
কিন্তু পাঠশালায় ভর্তি হবার ঠিক পরেই আর একটি ভাই এসে
উদয় হ'লেন আমার নিগ্রহ বাড়াতে । সবে পাঁচ ছয় বছরের
বালক হ'লেও, আমারই স্কন্ধে চাপিয়ে দেওয়া হ'লো সেই
একটুখানি শিশুর পাহাড় প্রমাণ ভার । তাকে চোকি দেওয়া,
কোলে নেওয়া, ভোলান, সামলানো এমন কি অনেক ঘণ্টা বা
আপত্তিজনক কাজও আমার কর্তব্য হ'য়ে দাঁড়ালো । বোনটির
ভার তো আছেই । ফলে পাঠশালার পড়া তৈরী করা আমার
দ্বারা আর হয়ে উঠতো না ।

ভাগ্যগুণে আমাদের গুরুমশাইটিও ছিলেন একজন কসাই
বিশেষ । তাঁর অঙ্গ সৌষ্ঠবের জটিলতা দেখে, দয়া, মায়ামত
প্রভৃতি তাঁর মধ্যে বাসা বাঁধতে সাহস করেনি । তাঁর আগ্রহ

মৃত্যুপথের যাত্রী

বিলক্ষণ প্রকাশ পেতো পড়ুয়াদের নিগ্রহের খেলায়। কাজেই পড়ানোর চেয়ে পেটানোর কাজটাতেই তিনি ছিলেন অশেষ দক্ষ।

বাড়ীতে পড়া তো হ'তোই না—খাওয়াও জুটতো না সব দিন, অবশ্য বকুনি, খিঁচুনী আর চড়, চাপড়, কাগমলা ছাড়া; কাজেই কাঁদতে কাঁদতে আর চোখ মুছতে মুছতে অভুক্ত অবস্থায় যেতে হ'তো পাঠশালায়। সেখানেই বা পড়া না হওয়ার কৈফিয়ৎ শুনবে কে? কাজেই খেজুর ডালের ছড়ি আর কাঁচা কঞ্চির দাগে পিঠ আর কাঁধ ভরিয়ে নিয়ে ক্ষিদে তেষ্টার কথা ভুলে যেতে হতো।

তাতেই বা নিষ্কৃতি কই? পড়াশুনায় অমনোযোগের অভিযোগ বাবার কানে উঠতো প্রায়ই। আসল কর্তব্যে কিছু মাত্র লক্ষ্য না থাকলেও অভিভাবকদের কাছে পড়ুয়ার অবহেলার অভিযোগ করাটি গুরুমশাই তাঁর প্রধান কর্তব্য বলে মনে করতেন। তাতে তাঁর সুনাম বৃদ্ধি তো হ'তোই, সঙ্গে সঙ্গে অভিভাবকেরাও তাঁদের ছেলেদের প্রতি মনোযোগী হ'য়ে ওঠবার সুযোগ পেতেন।

গুরুমশাইয়ের নালিশ শুনে বাবা প্রথমে কয়েকটা দিন আমাকে খুব ভৎসনাই করেছিলেন, আর বেশীদূর এগোন নি। কিন্তু আমার বিমাতা তাঁকে ক্রমশঃ বুঝিয়ে দিতে লাগলেন যে, আমি একটা মহা অবাধ্য, অকর্মণ্য আর বেজায় হিংস্রটে ছেলে। আমার গুণ বলতে কিছুই নেই—আছে কেবল নানা দোষ আর

মৃত্যুপথের ষাট্ঠী

রাক্ষসের দৃষ্টি । পড়ায় আমার মন নেই, চেষ্টা নেই, গ্রাহও নেই এতটুকু । আমি একটা কুলাঙ্গার । বংশের নাম ডোবাতেই আমি তাঁদের ঘরে এসে জন্মেছি । আমার নিত্যকার নানা হিংস্রটেপনা আর শিশু ভাই-বোনদের উপর অত্যাচারের কন্দ তিনি বেশ করে বাবার সম্মুখে দেখিয়ে দিতে লাগলেন । ক্রমশঃ বাবাও এতে বদলে গেলেন । তিনি অবাক হয়ে যেতেন আর ভাবতেন—“তাইতো ! এই বয়েসেই এমন, এ ছেলে বড় হলে হবে কি ? আমাদেরই বুকে হয়তো কোনদিন এ ছুরি বসিয়ে দেবে । কি করা যায় একে নিয়ে ?” কাজেই তাঁকে রীতিমত মনোযোগী হতে হ’তো আমার অমনোযোগ দূর করতে । কলে ওই অল্প বয়েসেই এক একদিন আমার প্রাণ-বিয়োগের উপক্রম হ’য়ে উঠতো ।

শৈশব আর বাল্য এই দুটো কালই প্রত্যেক মানুষের জীবনের আসল সুখের আর আনন্দের কাল । ভাবনা নেই, চিন্তা নেই, নিজের দিকে চাইবার কোন প্রয়োজন নেই । সে সবকিছু ভাববার ভার বাপ মায়ের, বাঁদের স্নেহ, যত্ন আর আদর না চাইতেই পাওয়া যায়—চাই না বললেও নিষ্কৃতি নেই, যেন তা পেতেই হবে, পাওয়া চাই । চাওয়া আর পাওয়া তখন জোরের অধিকার । চাই বললেই দিতে হবে, পাইনি বললেই বাপ মায়ের মনোকষ্ট বাড়ে, তাঁদের গায্য দেনা দেওয়া হয় নি বলে । পৃথিবীটা তখন তার জমিদারী । বাপ মায়ের স্নেহই তার সে জমিদারী ভোগ করবার বিধিদত্ত সনদ ।

মৃত্যুপথের যাত্রী

সে শৈশব বা বাল্য আমার জীবনে বোধ হয় আসেনি। সে অধিকার আমি পাইনি কোনদিনই। শাসনকেই আমি স্নেহ, আর তাড়না ভৎসনাকেই যত্ন আদর বলে ভাবতে শিখেছিলাম। বাবা আর মায়ের সংস্রব মধুর ব'লে একদিনও আমার বোধ হয় নি। বরং তাঁদের দেখলেই আমার ভয় হ'তো পাছে আবার কোন অজানা অপরাধের জন্মে নিগ্রহ সহিতে হয়।

দোষ গুণ কাকে বলে ঠিক বুঝতে পারতাম না। যা কিছু করতাম সবই হতো দোষের। কিছু না করলেও সেটা দোষের হয়ে দাঁড়াতো। তাই দোষগুণের বিচার করবারও প্রবৃত্তি আসতো না। নিজেকে সংশোধনের কোন ইচ্ছাই হ'তো না আমার মনে। জানতুম দোষ করবোই—তবু না করেই বা নিস্তার কই ?

মাঝে মাঝে ভাই বোন দুটির সঙ্গে আমার নিজের অবস্থার তুলনা মনে জেগে উঠতো। তাদের আদর আপ্যায়ন, তাদের প্রতি বাবা মায়ের স্নেহ যত্ন, আমার দৃষ্টি এড়াতে পারতো না। বালক হ'লেও আমি তাতে হিংসা বোধ কখনো করিনি, কিন্তু তবু আমার নিজের ছোট্ট বুকটিতে ব্যথা যে বাজতো না, সে কথা বলতে পারি না। কষ্ট কিছু হ'তোই। কিন্তু গোপনে দু একটা দীর্ঘনিঃশ্বাস ফেলে আমি সে কষ্ট ভোলবার চেষ্টা করতাম।

কিন্তু দোষগুণ বিচারের পার্থক্যটা আমার সহ হ'তো না। তারা বড় রকমের কিছু অন্য় করলেও, মায়ের চোখে দোষ

মৃত্যুপথের যাত্রী

বলে তা ধরা পড়তো না। এমন কি তাদের অন্তায় কাজের দোষটাও চাপতো এসে আমার ঘাড়ে—অথচ আমি যে কখনো তেমন কাজ কিছু করেছি, সে কথা আমার মনেই পড়ে না।

ক্রমে যেন আপনা হ'তেই আমার মন একটু একটু ক'রে বিদ্রোহী হয়ে উঠতে লাগলো! বাবা আর মাকে ভয় করতাম খুবই—কিন্তু সে ভয়ও যেন ক্রমেই কমে আসতে শুরু করলে। নিজের প্রতিই আর গ্রোহ আসে না, তা ভয়কে গ্রোহ করবো কার জন্মে? শাসনের সম্বন্ধ গায়ের সঙ্গে। গায়ের ব্যথার ভয়েই তাকে ভয়। শাসন গা-সওয়া হ'য়ে গেলে তাকে আবার ভয়টা কিসের? শাসন যত বাড়ে, ভয়ও তত কমে। আমার মনও ততই বাপ মায়ের উপরে তিক্ত হয়ে উঠতে লাগল।

পাঁচ

বালাটাই মানুষের জীবনের মহা মূল্যবান কাল। ভবিষ্যৎ মনুষ্য বা পশুত্বের বীজ মনের উর্বর জমিতে বপন করা হয় এই সময়েই। যেমন বীজ বুনবে, পরে ফল পাবে সেই মতই। কিছু না বোনো তো, জমিটা কাঁটা গুল্ম আর আগাছায় ভরে উঠবে। যে জমি যত উর্বর, তাতে ভাল বা মন্দ যেটাই জন্মাক, জন্মায় তা তত প্রচুর।

আমার মনটা উর্বর ছিল খুবই—কিন্তু অবিচার, অত্যাচার, উৎপীড়ন, তাড়না, ভৎসনা ছাড়া কোন ভাল ভাবের বীজ তাতে কেউ কোনদিন বুনলে না। স্নেহের স্বরূপ আমি কখনো বুঝতে পাইনি। দয়া, মায়া, ভালবাসা সহানুভূতি যে কি তা নিজের বুক দিয়ে বোঝবার সুযোগ কেউ আমাকে দেয় নি। যা পাইনি তা নিজের প্রাণের তহবিলে সঞ্চয় করি কি করে? কাজেই প্রাণটা যতই হাহাকার করে, মনটা ততই বিদ্রোহী হ'য়ে ওঠে, বাবা, মা, এমন কি সংসারের সব কিছুই উপরে।

ক্রমে একটু একটু করে রীতিমত বেপরোয়া হ'য়ে উঠতে লাগলাম। কোন কিছুই গ্রাহ করতে মন চায় না—নিজের দুঃখ, কষ্ট, প্রহার, অনাহারকেও নয়। যা হয় তা হবে; যা করে, তা করবে; কুচ্ পরোয়া নেই।

তখন বারো পার হয়ে তেরোয় পা দিয়েছি। আমারই বেপরোয়া দুর্বৃত্তপনায় মায়ের অত্যাচার আর বাবার অবিচার

মৃত্যুপথের ঝড়

প্রত্যহই সীমা ছাড়িয়ে যেতে শুরু করেছে। বাড়ীতে থাকতে বড় একটা পারি না—থাকতে দেয়ও না। এখানে সেখানে ঘুরি, এর ওর গাছের ফল-ফুল খেয়ে পেটের জ্বালা মিটাই।

প্রতিবাসীরা জানে সব, তবু জেনেও কিছু জানতে চায় না। তারা শুধু আমাকে একটা বয়াটে, লক্ষ্মীছাড়া, ডানপিটে বলেই জানে আর অপরকেও তাই জানায়। কিন্তু এই হতভাগা বয়াটে ছেলের বাল্য জীবনের গলদটা যে কোথায়, সে কথাটা কেউ একবার ভেবেও দেখে না। আমার তরুণ জীবনের করুণ ইতিহাসের মসীলিপ্ত পাতাগুলি তাদের চোখের স্রুখেই খোলা পড়ে আছে, তবু কেউ একবার দয়া ক'রে সেগুলো উল্টেও দেখে না।

আমাদের জ্ঞাতিরা সব কাছাকাছি বাস করেন। তবু আমাদের সঙ্গে তাঁদের মেলামেশা এক রকম উঠেই গিয়েছিল। আমাদের ভাল মন্দ কোন কথাতেই তাঁরা থাকতেন না। কিন্তু কি জানি কেন, আমার বয়াটেপনায় তাঁদেরও মানসম্মত নিয়ে বাস করা দায় হ'য়ে পড়লো। এত বড় বনেদী বংশের ছেলে এমন দুর্দান্ত হয়ে উঠলে ইজ্জত থাকে কি ক'রে? কাজেই তাঁরা সকলে মিলে বাবাকে উত্যক্ত করে তুলতে লাগলেন, আমাকে রীতিমত শাসন আর সংশোধন করবার জগে। তাঁরা স্পষ্ট বলে দিলেন যে, ছেলেকে আদর আর আঙ্কারা দিয়ে পরের মাথা হেঁট করবার অধিকার তাঁর নেই। কাজেই তিনি এর প্রতিকার করতে বাধ্য।

মৃত্যুপথের যাত্রী

বাবা একেই তো সর্বক্ষণ তাঁর কর্মরাস্ত্র দেহে একটা তপ্ত মেজাজ নিয়ে থাকতেন; তার উপরে আমার জন্মে পরের কাছে তাঁর অপমান। তিনি রেগে আগুন হ'য়ে উঠলেন। খুঁজে পেতে, আমাকে ধ'রে নিয়ে গিয়ে প্রথমেই তো চোরের মার মেরে আধমরা ক'রে ছাড়লেন। তারপর হাতে পায়ে দড়ি বেঁধে আমাকে একটা অন্ধকার ঘরে রাখলেন বন্দী করে। আমার মা'ও বাবার সঙ্গে যোগ দিয়ে আমাকে “মর, যমের বাড়ী যা” ইত্যাদি অসংখ্য মধুর বুলির দ্বারা সম্ভাষণ শুরু করে দিলেন। প্রহারের ব্যথায় আমার চৈতন্য অনেকটা অসাড় হ'য়ে এসেছিল, তাই মায়ের সব গালাগালি ঠিক বুঝে উঠতে পারিনি।

সেদিন আর কিছু খাইনি। খেতে দিয়েছিলই বা কে? পরের দিন একখালা পান্ডাভাত আর একটু নুন মা আমার ঘরে দিয়ে গেলেন। হাতের বাঁধন খুলে দিয়ে বল্লেন—“নেও, গিলো। এতদিন খাইয়ে দাইয়ে মানুষ করলুম, তার কাজ খুব দেখাচ্ছ। এমন করে আমাদের মুখ 'পুড়িয়ে না বেড়িয়ে ঘরেই ম'রে পড়ে থাকতে পারো না? তা হ'লেও বুঝতাম যে একটা পাপ বিদেয় হ'লো। এখন গিলো। গিলে, আমার মাথাটা কিনে রাখো।”

খালাটা ধপাস্ ক'রে আমার স্তম্ভে বসিয়ে দিয়ে গজ্ গজ্ করতে করতে তিনি নিজের কাজে চলে গেলেন। আমারও মনটা এত বিষিয়ে উঠলো যে, সে কথা আর বলবার নয়।

মৃত্যুপথের যাত্রী

দোষ না হয় করেছি—যদিও সেটা আমার দোষ বলে মানতে পারি না। তা হ'লেও সে দোষের সাজা তো বড় কম হয় নি? বাবা হ'য়ে ছেলেকে এত মার কেউ মারতে পারে, তা আমার জানা ছিল না। কিন্তু বাবা তো একটু পরেই বেরিয়ে চ'লে গেলেন। মা কি তার পরেও আমায় একবার খুলে দিতে পারতেন না। সতীনের ছেলে ব'লে কি আমি তাঁর শত্রু হয়ে জন্মেছিলুম? কই, আমি তো একদিনও তেমন ভাবিনি! দিনের মাঝে একটিবারও যদি তিনি আমার সঙ্গে একটু হেসে কথা কইতেন, তবেই আমি যে কত খুসী হ'তুম!—কিন্তু তা হলো না একটি দিনও।

যা হোক, অবশেষে নিজের ব্যবস্থা নিজেই আরম্ভ করলুম। ভাতের খালার দিকে ফিরেও না চেয়ে কোনমতে পায়ের বাঁধনটা খুলে ফেললাম। তখনো কিন্তু মাথা ঘুরছে, গা টলমল করছে। কোনকিছু গ্রাহ্য না করে, দেয়াল ধ'রে উঠে দাঁড়ালাম। তারপর “যা থাকে, কপালে” ভেবে, বাড়ী ছেড়ে আবার দিলাম দৌড়।

সেই থেকে বাড়ী আর ঢুকিনি—কারণ, সেইদিনই প্রথম জানলাম যে, ও বাড়ী আমার নয়, ও বাড়ীর কারও সঙ্গে আমার প্রকৃত সম্বন্ধ কিছু নেই। মা বলে এতদিন যাঁকে ভেবে এসেছি, তিনি আমার মা নন্—সং মা। আর বাবা যিনি, তিনিও বিমাতার গণ্ডিতে প'ড়ে আমার পক্ষে ক্রমেই যেন দুঃসহ হয়ে পড়ছিলেন! কাজেই ঠিক বুঝে নিলুম, ওঁদের দুজনের কাছ হতে

মৃত্যুপথের যাত্রী

ছেলের দাবী, ছেলের অধিকার কোনদিন পাইনি, পাবও না।
ওঁরা যে শাসন বা অত্যাচার করেন, তা ওঁদেরই গাঘা পাওনা
হিসাবে। স্নেহের দাবী যাদের কাছে নেই, তাদের গলগ্রহ
হ'রে থাকতে গেলেই প্রতিপালনের দামটা তারা এন্নি করেই
আদায় করে থাকে। সুতরাং ওঁদের সম্পর্ক না রাখাই
শ্রেয়।

কথাটা বুঝিয়ে দিলে গয়লাপাড়ার একটি বুড়ী। একটি
মাত্র গাইগরু সম্বল করে সে একখানা মাটির ঘরে বাস করে।
ধানও ভানে, কাটনাও কাটে। তাইতেই একরকম স্বচ্ছন্দে
তার চলে যায়। বাড়ী থেকে বেরিয়ে এক রকম টলতে
টলতেই চলাম যে দিকে দুচোখ যায়। চারিপাশে জ্ঞাতিদের
বাড়ী। ভয় হ'লো যদি তারা বাবার পক্ষ হয়ে আমাকে
আবার ধরে কেলে। তাই এর আনাচ, ওর কানাচ দিয়ে,
বাগান পুকুরের ধার ধ'রে লুকিয়ে চলতে লাগলাম।

গ্রামের এক কিনারায় গয়লা পাড়া। তার পরেই মাঠ।
ভাবলুম গয়লা পাড়ার ভিতর দিয়ে সোঁজা মাঠে গিয়ে পড়বো।
তারপর মাঠ ভেঙে যাবো এমন কোন দেশে, যেখানে বাবা,
মা কি আত্মীয়-স্বজন কেউ আমার সন্ধান করতে না পারে।

কিন্তু সংকল্প দৃঢ় হ'লেও, দেহ তার অনুযায়ী সবল ছিল
না। আগের দিন থেকে পেটে কিছুই যায় নি। তার উপরে
মারধোর, অত্যাচার সইতে হয়েছে যতদূর বেশী হতে হয়।
কাজেই আমার শরীর যেন আর বইতে চাইলে না। এদিকে

মৃত্যুপথের যাত্রী

ক্ষিদেয় যতটা কাতর না করুক, জল তেঁফায় বুকের ভিতরটা যেন তার চেয়েও শুকিয়ে কাঁঠ হয়ে যেতে লাগলো। শেষে গয়লা পাড়ার শেষের দিকে একটা জঙ্গলঘেরা পুকুর দেখে তার ভিতরে নেমে পড়লাম জল খেতে।

আঁজলা করে জল খেয়ে ক্ষিদে তেঁফা কমলো বটে, কিন্তু শরীর যেন আরও এলিয়ে পড়লো। শেষে সেই পুকুরটার ধারে একটা আমগাছের ছায়ায় বসে পড়লাম একটু জিরিয়ে নেবার জন্যে।

বসে বসে অবশেষে শুয়ে পড়লাম। তারপর কখন যে ঘুমিয়ে পড়েছি তা বলতে পারি না।

সন্ধ্যার ঠিক আগে কার যেন ডাক শুনে ঘুম ভেঙে গেল। চোখ চেয়ে দেখি আমার পরিচিত গয়লানী ইচ্ছের মা আমার গা ঠেলছে আর বলছে—

“ও বাবাঠাকুর! একি! এই জঙ্গলের ধারে, মাটিতে পড়ে ঘুমোচ্ছে? এখানে যে ভারী সাপ। ওঠো ওঠো। ভদর নোকের ছেলের এ কি দুর্ভাগ্যি বাপু!”

এক রকম হাত ধরেই সে আমাকে বসালে। তারপর তীক্ষ্ণ দৃষ্টিতে আমার সর্বাঙ্গের মারের দাগগুলো লক্ষ্য করে রীতিমত সমবেদনামাখা স্বরে বললে :

“আহা! তোমাকে বুঝি নির্দয়ভাবে মেরে বাড়ী থেকে তাড়িয়ে দিয়েছে! তাই বলি—নইলে ভদর নোকের ছেলের এখানে এসেই বা ঘুমবে কেন? আহা! যার মা নেই, জগতে

মৃত্যুপথের ষাত্রী

তার কেউ নেই। নইলে দুখের ছেলে—তাকে এন্নি 'করে
মারে গা ?”

দেখলাম বুড়ীর মুখটা কাঁদো কাঁদো হয়ে তার চোখ থেকে
দু' ফোঁটা জল গড়িয়ে পড়লো। আমি অবাক হয়ে গেলাম।
কোথাকার কে গয়লানী—আমাদের সঙ্গে তার কোন সম্বন্ধই
নেই। আমার সত্যিকারের মারও সে দেখেনি। গায়ের দাগ
থেকে অনুমান করেই আমার কষ্টে সে ব্যথিত হয়ে উঠেছে।
এ কি অসম্ভব ব্যাপার !

কই, আমার বাবা মা তো কোন দিনই আমার জন্মে ব্যথা
বোধ করেন নি। মার খেয়ে হাড় গুঁড়িয়ে গিয়েছে, দু' একবার
রক্তও বেরিয়েছে দাঁত মুখ থেকে। তবু সমবেদনার “আহা”
তো দূরের কথা, তার উপরে অনাহারের ব্যবস্থা দিতেও তাঁরা
ইতস্ততঃ করেন নি।

আর আজ একজন সম্পূর্ণ অনাত্মীয় সে, আমার দুঃখ কল্পনা
ক'রে সহানুভূতিতে গলে গেল ! তার চোখ দিয়ে বেরুলো
কান্নার জল ! এ কি অসম্ভব ব্যাপার ! এমন অদ্ভুত আচরণ
আমার জ্ঞানে তো কাউকে করতে দেখিনি !

আমি যেন কেমন হ'য়ে গেলাম। মন্ত্রমুগ্ধের মত আমি তার
বশীভূত হয়ে পড়লাম।

সে আমার হাত ধ'রে আদর ক'রে টানতে টানতে আবার
রল্লো—“এসো বাবাঠাকুর ! আমার কুঁড়েতে এস। আহা !
সারা শরীরটা দাগড়া দাগড়া হয়ে উঠেছে। এমন কেউ নেই

মৃত্যুপথের যাত্রী

যে, একটু তেল লাগিয়ে দেয় ? এসো বাবা ! আমি তোমার গায়ের ব্যথা কমিয়ে দেব । আহা ! বোধ হয় তারা খেতেও দেয়নি তোমাকে ? নইলে মুখখানা এমন শুকিয়ে যায় ?”

আমি কিছুমাত্র বিরুদ্ধি না করে একান্ত বশীভূতের মত তার পিছনে পিছনে চ’লে তার মাটির ঘরটিতে এসে উঠলাম ।

বুড়ী আমার কত সেবাই করলে ! আমার সারা গায়ে তেল মাখাতে মাখাতে অন্ততঃ একশো বার “আহা, উছ” করে তার সহানুভূতি প্রকাশ করতে লাগলো । শেষে আমাকে তার বিছানায় শুইয়ে রেখে সে গাই দু’য়ে এক বাটী দুধ গরম করে আনলে । বুড়ীর পীড়াপীড়িতে প’ড়ে একরাশ মুড়ি, কলা আর সেই দুধ দিয়ে পেট ভরে আমি ফলার করলাম ।

তখন রাত হয়ে গিয়েছে । বুড়ী আমাকে কোথাও যেতে দিলে না । আমারও বাধো বাধো ঠেকতে লাগলো তার কথা ঠেলতে । যে কখনো স্নেহ-যত্নের মুখ দেখতে পায় নি, সেই আমি তার সেই অযাচিত অথচ অকৃত্রিম মায়া মমতার আশ্বাদ লাভ করে, আমার জীবনে এই প্রথম যেন কেমন এক রকম হ’য়ে গেলাম । হ’লোই বা সে গয়লানী, তবু মনে হ’তে লাগলো, সে বুঝি আমার জন্মজন্মান্তরের অতি আপনার লোক ।

রাতে বুড়ী আমাকে তার বিছানাটি ছেড়ে দিয়ে, তারই পাশে একটা চাটাই পেতে শুয়ে পড়লো । শুয়ে শুয়ে কত কথাই সে বলতে লাগলো । আমার মায়ের অসামান্য রূপ আর তাঁর গুণের কথা, বুড়ীর প্রতি তাঁর কত বারের কত রকম

মৃত্যুপথের ষাটী

সদ্যবহার । রীতিমত সম্রাস্ত বংশের মেয়ে হয়েও দীন দুঃখী ইতর জাতের লোকদের উপর তাঁর অসীম দয়া, মায়া, মমতার বৃত্তাস্ত, তাঁর দেব দ্বিজ আর অতিথির প্রতি ভক্তি প্রভৃতি নানা গত কথা বলতে বলতে তার গলার স্বর ক্রমেই ভারী হয়ে আসতে লাগলো । সেই অন্ধকারেই বুঝতে পারলাম যে, বুড়ী মাঝে মাঝে সত্যি সত্যিই কাঁদছে ।

আমার বুক চিরদিনই শক্ত আর মনটাও হয়ে উঠেছে রীতিমত কঠিন ; তবু সেই সব অজানা পুরোগো কথা শুনতে শুনতে কি এক অজানা ব্যথায় আমার বুক যেন টন্ টন্ করে উঠতে লাগলো । আমার মন যেন কোন্ এক অজানা রাজ্যে খুঁজে বেড়াতে লাগলো এক চির অজানা অচেনা দেবীমূর্তিকে, যাঁর স্বরূপ কখনো চক্ষে দেখেছি ব'লে মনে হয় না ; কিংবা যাঁর অস্তিত্ব পর্যাস্ত এতদিন কল্পনাতেও আনতে পারিনি—কিন্তু তবু আজ এই বুড়ীর মুখে তাঁর দেবিত্বের মহিমা বর্ণনা শুনে আমার চির-বুভুক্ষিত প্রাণ কেবলই হাহাকার করে উঠছে তাঁকে হারাবার বেদনায় ।

মাথার বালিশে মুখ গুঁজে উপুড় হয়ে শুয়ে শুয়ে আমি বুড়ীর কথা শুনতে শুনতে মাঝে মাঝে দীর্ঘ নিঃশ্বাস ফেলতে লাগলাম ।

ছন্দ

অনেক রাত পর্যন্ত আমাদের কথা চললো। বুড়ীকে আপনার লোক ভেবেই অকপটে তার কাছে আমার ব্যথার কথা সব বললাম। বুড়ী কত আহা উল্ল করলে, কতবার কাঁদলে! শেষে বললে :

“চলে এসে বেশ করেছ বাবাঠাকুর। তুমি আর ওঁদের কাছে যেও না। ডাইনী সৎমা এবার নিশ্চয় তোমাকে মেরে ফেলবে। তার চেয়ে যেখানেই যাও, দুটো ভাত কি আর তোমার মিলবে না? বলে, ‘জীব দিয়েছেন যিনি, আহার দেবেন তিনি।’ তবু তো যখন তখন মারের হাত থেকে বাঁচবে? আহা! কচি ছেলে...”

ঘুমোতে রাত প্রায় একটা বাজলো। তারপর সকাল হতেই দেখলাম জ্বর হয়েছে। ভয়ানক জ্বর। আর কি অসহ্য যন্ত্রণা! সারা শরীরে যেন বিষফোঁড়া উঠেছে! যন্ত্রণার ঘোরে আবোলতাবোল বকতে শুরু করলাম।

বুড়ী ভয় পেয়ে গেল, কিন্তু তবু সে বুদ্ধি হারায় নি, তাই রক্ষে। আমার কথা সে পাড়ার কাউকেই জানতে দিলে না— পাছে আমার বাবা মা খবর পেয়ে আমাকে তাঁদের ঘরে নিয়ে যান। এই কঠিন অসুখের উপর তাঁরা আরও অত্যাচার করলে আমি কি আর বাঁচবো?

মৃত্যুপথের যাত্রী

• বুড়ী আমার সেবা করতে লাগলো। সে কি সেবা! আর কি মিষ্টি সান্ধনার কথা! আমার মনে হ'লো, এতদিন পরে বুঝি আমার স্বর্গগতা মা বুড়ীর রূপ ধরে তাঁর ছেলের দুঃখ-কষ্ট লাঘব করতে এসেছেন! কৃতজ্ঞতায় আমার দু'চোখ বেয়ে ঝরঝর ক'রে জল ঝরতে লাগল। ওষুধ-পত্র বিশেষ কিছু না পেলেও তার সেবাতেই সেরে উঠলাম এক সপ্তাহের মধ্যে।

কিন্তু দুর্বল হয়ে গেলাম খুবই। তাই আরো কিছুদিন বুড়ীর ঘরে গোপনে বাস করতে হ'লো। শেষে একদিন বুড়ীই বললে :

“বাবাঠাকুর! আমার একটা কথা শুনবে? আমি কিন্তু তোমাকে না জানিয়েই তোমার একটা ব্যবস্থা করেছি। বামুন পাড়ার রামতারণ বাবু—তোমাদেরই তো তিনি দশরাতের জ্ঞাতি। ব্রাহ্মণ বড় ভাল লোক। তাঁদের বাড়ী আমার যাওয়া-আসা আছে কিনা—তাই কথায় কথায় তোমার কথা আমি তাঁকে সব বলেছি। তাই শুনে তিনি কত দুঃখু করতে লাগলেন। বললেন—“আহা! ছেলেটার কি দুর্ভাগ্য! নইলে এমন বরাত নিয়ে জন্মায়? জ্ঞাতি হ'লেও, ওর বাপ আমাদের ‘পরম শত্রু’। তাই তো ওদের কোন কথায় আমরা থাকি না। নইলে আমাদের বংশে জন্মে, ছেলেটা কি এমন সৎমায়ের দায়ে ভেসে যেতে পারতো?”

আমিও তোমার হ'য়ে অনেক কথা তাঁকে বুঝিয়েছি। তখন তিনি আর তাঁর পরিবার, দু'জনে পরামর্শ ক'রে আমাকে কি

মৃত্যুপথের যাত্রী

বলেন, জানো? বলেন, “ইচ্ছের মা! তুই ছেলোটাকে আমাদের কাছে নিয়ে আয়। আমরা তাকে দেখবো শুনবো, প্রতিপালন করবো। আহা! হাজার হোক আমাদের বংশের ছেলেই তো? তবে সে কিন্তু কিছুতেই তার বাপের কাছে যেতে পাবে না। তার সঙ্গে কোন সম্পর্ক রাখাও আর চলবে না। শুধু এই সন্তে আমরা তার সব ভার নিতে প্রস্তুত আছি।”

তা বাছা, এমন স্বেচ্ছা ছাড়তে নেই। হলোই বা তারা পর—তবু জ্ঞাতি তো? আর তাদের অবস্থাও ভাল। ডাইন সৎমায়ের গলগ্রহ হওয়ার চেয়ে তাদের কাছে থাকা কি মন্দ? অবিশি তোমার বাবা হাঙ্গামা বাধাতে পারেন—আর বাধাবেনও নিশ্চয়। কিন্তু তুমি না গেলে তোমাকে নিয়ে যায় কে? তাঁরা স্পর্ষই বলেছেন যে, তোমার বাপের সঙ্গে বোঝাপড়া যা করতে হয় তাঁরাই করবেন। তুমি যদি স্বেচ্ছায় না যাও তাঁর সাধ্যও হবে না তোমাকে নিয়ে যেতে।

তাই বলছিলাম কি বাবাঠাকুর, তুমি ওইখানেই চলো। দুধের ছেলে, যাবেই বা আর কোথায়? শেষে কি না খেতে পেয়ে বেঘোরে প্রাণটা খোয়াবে? অনেক ভেবে চিন্তে তবে আমি এতে রাজী হয়েছি। যাবে তুমি? বলতো আজই তোমাকে সেখানে রেখে আসি।”

বুড়ীর কথায় প্রথমটায় রাজী হইনি। আবার সেই গাঁয়েই থাকা? বাপ মায়ের চোখের উপরে? একটা সঙ্কোচের ভাবও

মৃত্যুপথের যাত্রী

এসে পড়লো। ভাবলুম—কাজটা কি ভাল হ'বে? হাজার হোক, বাপ্তো! একটু কড়া-মেজাজের লোক হ'লেও তিনি দয়ামায়া-হীন পশু'নন, সে কথা আমি জোর ক'রেই বলতে পারি।

কিন্তু নিজের হাড় ভাঙা খাটুনির পরে বিমাতার অভিযোগ-গুলি তাঁকে এমন উগ্র ও বিষাক্ত ক'রে তোলে যে, তখন আর তাঁর গায় অগায় বিচারের শক্তি থাকে না। সেজন্য যতটুকু মাথা খাটানো দরকার, তেমন পরিশ্রম করবার তাঁর শক্তি বা অবসরই বা কোথায়? কাজেই তার বিষময় কল ভোগ করতে হয় আমাকে।

এমন অবস্থায় এই গ্রামেই যদি থাকি, তবে বাবার কাছে না থেকে অন্যের কাছে থাকা,—সেটা কতটা সম্ভব হ'বে?

কিন্তু পরক্ষণেই মনে হ'ল, আমার আবার 'সম্ভব' 'অসম্ভব' কি আছে? বাবার কাছে যাওয়ার মানেই হচ্ছে আবার সেই সৎমার খপ্পরে পড়া। আর সঙ্গে সঙ্গে তাঁর আধিপত্যে ও অভিযোগে বাবার হাতে আমার লাজ্জনার আবার এক নতুন অধ্যায় আরম্ভ হবে।

কাজেই স্থির করলুম,—না, সে হ'তেই পারে না, বাড়ীতে ফিরে যাওয়া আমার পক্ষে অসম্ভব।

মুহূর্তের উত্তেজনায় তেঁতো মন নিয়ে গৌঁভরে বেরিয়েছিলুম যখন, তখন অগ্রপশ্চাৎ ভাবিনি। এখনও আর ভাববার অবসর নাই।

মৃত্যুপথের যাত্রী

বাড়ী থেকে বেরিয়েই কি বিপদ। ভাগ্যক্রমে এমন মায়ের মত বুড়ীকে পেয়েছিলাম তাই,—নইলে হয়তো বেঘোরেই মারা পড়তুম।

এই হিতাকাঙ্ক্ষিনী বুড়ী শুধু যে আশ্রয় দিয়ে, সেবা যত্ন করে আমার বাঁচিয়েচে, তা নয়—সে আবার আমার ভবিষ্যৎ সম্বন্ধে কত চিন্তাই করছে। ভয়ের কারণ কিছু থাকলে, সে কখনো আমাকে পরের বাড়ী থাকতে বলতো না। নিশ্চয়ই সে তাদের সম্বন্ধে ভালরকমই জানে। নইলে কি সে আমাকে না জানিয়েই আমার জন্মে এ ব্যবস্থা করেছে?

শেষে বুড়ীর ব্যবস্থাই মেনে নিতে হ'লো।

সেই দিন রাতে বুড়ীর সঙ্গে জ্ঞাতির বাড়ী গিয়ে উঠলাম। তাঁরাও বেশ খুশিমনে, সমাদরের সঙ্গে আমাকে গ্রহণ করলেন। বুড়ী মধ্যে মধ্যে আমাকে দেখে যাবে বলে আশ্বাস দিয়ে ফিরে গেল।

কিন্তু আমার সঙ্গে তাকে আর দেখা করতে হ'লো না। চিরহতভাগ্যকে স্নেহ করবার অপরাধে কলির ভগবান্ বুদ্ধি তাকে চরমদণ্ড না দিয়ে আর থাকতে পারলেন না। মাত্র কয়েক ঘণ্টার বিসৃচিকা রোগে আমার মাতৃতুল্যা হতভাগিনী তার শেষ নিঃশ্বাস ফেলে পৃথিবী থেকে বিদায় নিয়ে গেল।

এই নিদারুণ সংবাদ শোনা অবধি বুড়ীর জন্মে আমার

মৃত্যুপথের যাত্রী

খনটা হাহাকার করতে লাগলো। জীবনে প্রথম স্নেহের সন্ধান
ওই বুড়ীর কাছেই পেয়েছিলাম, সে কথা আমি কিছুতেই
ভুলতে পারলুম না। নিজের মাও তার সন্তানের জন্য এতটা
করে কিনা জানি না। বুড়ীর শোকটা তাই মাতৃশোকের মত
আমার বুকের উপরে চেপে বসলো।

সাত

দিন কাটতে লাগলো। নতুন আশ্রয়ে এসে প্রথম দুচার দিন যত্ন পেলাম বেশ, কিন্তু তারপর থেকে ক্রমেই তা কমতে লাগলো। ঘরের ছেলে আর পরের ছেলের যত্নের মধ্যে পার্থক্য কতখানি হওয়া উচিত, তা বুঝতে মোটেই দেরী হলো না। তবু দুবেলা দুমুঠো ভাত তো পাচ্ছি, কাজেই তার জন্মে ক্ষোভ করবার আর আছে কি ?

ক্রমে দু একটা করে ছোট ছোট কাজের ভার আমার ঘাড়ে চাপতে লাগলো—অবশ্য তা মিষ্টি কথার উপর দিয়েই। আমিও বিনা আপত্তিতে, খুশিমনে তা করে যেতে লাগলাম।

তামাক সাজা, দোকান-বাজার করা, ছোট ছেলে মেয়েদের সামলানো থেকে শুরু হয়ে ক্রমে চার-পাঁচ মাসের মধ্যেই জলতোলা, বাসন মাজা পর্যন্ত ঘাড়ে এসে পড়লো। চাকর, দাসীর অভাব, কুত্রীর অসুস্থতা ইত্যাদির অজুহাত—থাকতে গেলে এমন একটু আঁধটু সাহায্য করতেই হয়। ঘরের কাজ—এতো আর পরের কাজ করা নয় ? কাজেই আপত্তি করবার মুখ আর থাকে কই ?

আমার জ্ঞাতি প্রতিবাসীদের চোখ কিন্তু বেজায় টাটিয়ে উঠলো। তাঁরা আড়ালে আড়ালে আমাকে অনেক রকম বোঝাতে শুরু করলেন। কেউ কেউ নিন্দা, ভৎসনা করতেও কসুর করলেন না।

মৃত্যুপথের যাত্রী

ভদ্রলোকের ছেলে হয়ে, এই বয়সে বাপমার সম্পর্ক কাটিয়ে পরের বাড়ী বিনা পয়সার চাকরবৃত্তি করা অতি জঘন্য কাজ, এতে বাপের মাথা হেঁট করা হয়, বংশের নাম ডুবে যায়। বাপ বেঁচে থাকতে বাপের জ্ঞাতির চাকর হ'য়ে থাকা! ছিঃ! ছিঃ! আমি যেন আর একটি দিনও এখানে না থাকি। বাপের কাছে ক্ষমা চেয়ে, তাঁর কাছে গিয়েই যেন উঠি।

কেউ বললে—“ধিক্! ধিক্! তুমি বাপু এমন কুলাঙ্গারও হয়েছ? তোমার ভিতর কি একটু মনুষ্যত্বও নেই? বাপ মা থাকতে, তার শত্রুর বাড়ী বাসন মেজে, জল তুলে বেড়াও? গলায় দড়ি দিতে পারো না? এমন বয়াটে, বদমায়েস, লক্ষ্মীছাড়া হ'য়ে বেঁচে থাকার চেয়ে তোমার পক্ষে মরণই ভাল।”

সকলের কথাই শুনে যাই কিন্তু উত্তর করি না। বুঝি যে, তাঁদের অভিযোগ একেবারেই মিথ্যা নয়। তাঁরা যা বলেন, তা ঠিকই। কিন্তু তাঁরা আমার প্রতি সমবেদনার খাতিরে কিছুই বলেন না। তাঁরা বলেন হিংসায়। তাঁরা থাকতে রামতারণ বাবুই যে এমন একটা বিনা মাইনের চাকর পেয়ে যাবেন, সেটা তাঁদের অসহ। নইলে, যে হতভাগাকে তার শৈশব থেকেই অমানুষিক অত্যাচার সহ করতে দেখেও তাঁদের একটি দিনের জন্মে বিন্দুমাত্র সমবেদনা জাগে নি, আজ হঠাৎ তার উপরেই বা এত দরদ কেন?

নিজের হীন দশা বুঝেও তাই চুপ করে থাকি। ভাবি, রামতারণ বাবুরই বা দোষ কি? দোষ আমার ভাগ্যের। এরা

মৃত্যুপথের যাত্রী

যে দুবেলা দুমুঠো খেতে দিচ্ছেন, এই যথেষ্ট। এতে মান, অপমান ভেবেই বা করবো কি ?

এমনিভাবে আরো তিন মাস কাটলো। তারপর হঠাৎ একদিন শুনলাম এক অপূর্ব কথা। রামতারণ বাবু আর তাঁর স্ত্রী গোপনে তা আমাকে শুনালেন। আমিও খুব আশ্চর্য হয়ে গেলাম।

শুনলাম আমার গর্ভধারিণী ছিলেন এক অবস্থাপন্ন লোকের একমাত্র মেয়ে। তাঁদের মৃত্যুর পর সমস্ত সম্পত্তির মালিক হয়েছিলেন আমার মা। কিন্তু তাঁর ছিল জীবন-স্বত্ব; অর্থাৎ ষতদিন নিজে বেঁচে থাকবেন, ভোগ করতে পারবেন, বেচবার কোনো অধিকার নেই। কিন্তু তাঁর যদি কোন সম্মান হয়, তবে সেই হবে তার মাতামহের সমস্ত সম্পত্তির আসল মালিক।

মা কিন্তু সে সম্পত্তি ভোগ করতে পান নি। কারণ, তার অল্পদিন পরেই আমার জন্ম হয়, আর তিনি আঁতুড় ঘরেই দেহত্যাগ করেন। সেই দিন থেকে আমিই আমার দাদা মশায়ের সব সম্পত্তির মালিক হয়ে আছি।

এত বড় একটা সম্পত্তির মালিক আমি—এই হিংসায় আমার সৎমার মনটা আরও বেশী বিষিয়ে উঠেছিল। কিন্তু আমি সাবালক না হওয়া পর্যন্ত সে সম্পত্তি তো আমার দ্বারা তাঁর নিজ নামে লিখিয়ে নিতে পারেন না! অথচ আমি সাবালক হ'তে তখনও ঢের দেয়ী, কাজেই তাঁর ধৈর্যের বাঁধ প্রায়

মৃত্যুপথের যাত্রী

পেরিয়ে গিয়েছিল—তারই ফলে বাবার কাছে তিনি আমার নামে অত বেশী অভিযোগ করতেন !

রামতারণ বাবু বলেন,—কোনো রকমে আমি সাবালক হ'লেই আমার সৎমা আমাকে দিয়ে ওই সব সম্পত্তি তাঁর নিজের নামে লিখিয়ে নিতেন—তারপর দিতেন আমাকে দূর করে। এই মতলবেই হেলায়, অশ্রদ্ধায় আমাকে মানুষ করা হচ্ছিল।

রামতারণ বাবু সবই জানেন। বরাবরই তিনি নাকি দুঃখ করে এসেছেন আমার জন্যে। কিন্তু কি করবেন? তাঁর কোন হাত ছিল না। তারপর ইচ্ছের মার মুখে আমার দুর্দশার কথা শুনেই তিনি স্থির করেছিলেন আমার উপকার করতে। বাপ-মার কবল থেকে আমাকে ছিনিয়ে আনতে পারলেই, আমার বিমাতার মন্দ অভিপ্রায়ে বাধা দিতে পারবেন।

আমাকে তাঁদের ঘরে স্থান দেওয়ার কারণই তাই। তারপর নিজের অর্থ ব্যয় করে আমার বাবাকে ফৌজদারীর হাত থেকে যে বাঁচিয়েছেন তাও সেই উদ্দেশ্যে। নইলে কি সহজে তিনি আমার অভিভাবকের দাবী ছেড়ে দিয়ে রামতারণ বাবুকেই আমার অভিভাবক বলে স্বীকার করতেন?

রামতারণ বাবু আমার মাথায় হাত বুলিয়ে বেশ ক'রে বুঝিয়ে বলেন, “তা যাক, ঈশ্বর তোমায় রক্ষা করেছেন। সেই বিষয় ফাঁকি দিয়ে নেওয়ার উপায় এখন আর তাঁদের নাই। কিন্তু সম্পত্তি তাঁরা আর এক কু-মতলবে মেতেছেন। জমিদারকে

মৃত্যুপথের যাত্রী

‘দিয়ে নিলাম করিয়ে তাঁরা বিষয়টি কিনে নিতে চান। তুমি তা জানবেও না—জানলেও কিছু করতে পারবে না। কারণ, তুমি আজও নাবালক ; তার আবার কপর্দকহীন।’

রামতারণ বাবু এই পর্য্যন্ত বলে একটু নীরব হলেন, তারপর দু’একবার ঢোক গিলে ও কেসে আমাকে বুঝাতে চেষ্টা করলেন যে, তাঁর কাছে আশ্রয় পাবার জন্য আমার কতটা কৃতজ্ঞ হওয়া উচিত !

আমি তা স্বীকার করলাম।

আমার কৃতজ্ঞতা স্বীকারে রামতারণ বাবুর বুকে বুঝি কিছু বল হল, তিনি তখন সাহস করে বললেন, “সে তুমি চিরদিনই স্বীকার করবে, আমি তা জানি। কারণ, লোকে যে যাই বলুক, তুমি অকৃতজ্ঞ নেমকহারাম নও, সেকথা আমি বেশ জোর গলায় বলতে পারি।

এখন কথাটা কি হচ্ছে জান ? জমিদারের মারফৎ যদি বিষয়টা ঐ ভাবে নিলাম হয়ে যায়, তবে তুমি চিরদিনের জন্য ফকির হয়ে যাবে। কাজেই আমি এক মৎলব ঠিক করেছি, শোনো। তুমি নাবালক হলেও, অবোধ নও। তুমি নিশ্চয় আমার উপদেশ অবহেলা করে নিজের পায়েই কুড়ুলের ঘা দেবে না। আমার পরামর্শ যদি শোনো, তবে তোমার বিষয় নেয় কে ? দুদিন বাদে তোমার এমন পরের গলগ্রহ দশা ঘুচে যাবে। তখন তুমি হবে একটা রীতিমত অবস্থাপন্ন লোক।

মৃত্যুপথের ষাটী

তোমার এখন উচিত হচ্ছে কি জান ? তোমার এই সম্পত্তি অন্য কারো নামে বেনামী করা ।

সম্প্রতি আমিই তোমার অভিভাবক—দেশশুদ্ধ লোক সেই সাক্ষ্য দেবে । কাজেই তুমি যে বেনামী বিক্রী-দলিল করবে, অভিভাবক হ'য়ে আমি তা'তে সই দেবো । তাহলে তোমার সংসার পরামর্শেও তোমার বাবা আর কিছুমাত্র নড়চড় করতে পারবেন না ।

আইনে যদি কিছু আটকায় সে আমি দেখে নেবো । এমন একটা দলিল পণ্ড করতে হ'লে যে বুদ্ধি ও অর্থের দরকার, তোমার বাবার সে সব কিছুই নেই । কাজেই তোমার দলিল সম্পর্কে তুমি নিশ্চিত থেকো । আমি যা'তে আছি, তা নড়চড় করা তোমার বাবা বা তোমার সংসার কাজ নয় ।”

একটু দম নিয়ে রামতারণ বাবু আবার বলতে লাগলেন, “দেখো, আমার এক শ্যালক আছে ; তার নাম রজনীকান্ত ।

রজনী খুব ভাল ছেলে । এই বাড়ীতেই সে মানুষ হয়েছে । আমার আর আমার স্ত্রীর কথায় সে ওঠে বসে । সে কিছুতেই আমাদের সঙ্গে বিশ্বাসঘাতকতা করতে পারবে না । অতএব বিক্রয় কবালাটা তুমি তারই নামে করে দাও । বিষয়টা নিরাপদ হবে ।

মনে রেখো কাজটা কিন্তু খুবই জরুরী । এতে দেরী করা মোটেই চলে না । তোমার সংসার পরামর্শে তোমার বাবাও নিজে যে রকম চেক্টা জুড়েছেন তা'তে নিলাম হয়তো এই

মৃত্যুপথের যাত্রী

মাসেই হয়ে যাবে। সুতরাং তোমাকে রেজেষ্ট্রী করে দিতে হবে দু এক দিনের মধ্যেই।”

বহুক্ষণ ধরে সব কথা শুনে গেলাম। কিছু বুঝলাম, কিছু বুঝলাম না। সে জন্মে ভাবনাও হ'লো না এতটুকু। বিষয় লাভের কথা কিছুই জানতাম না, সে আশাও কখনো করিনি। তেরো বছরের ছেলে—বিষয়ের বুঝিই বা কি ?

এইটুকু শুধু বুঝলাম, রামতারণ বাবু এখন আমার বাবা ও মায়ের দোষ দেখিয়ে সম্পত্তিটা বেনামী ক'রে নিতে চান।

তার ওপর একটু ঘণা হ'ল। কিন্তু পরক্ষণেই মনে হ'ল, জমিদারের চক্রান্তে সম্পত্তি যদি নিলামই হ'য়ে যায়, তবে তো কারোই কোনো ভোগে লাগবে না। সৎমা যদি কৌশল ক'রে কিনিয়ে নিতে পারেন, তা হ'লেও কারো কোনো কাজে আসবে না; আমার বাবারও নয়। কারণ, সৎমা তখন অহঙ্কারে বাবাকেও তুচ্ছ করবেন, তার ওপর নানা অত্যাচার করবেন।

তার চেয়ে, রামতারণ বাবুর পরামর্শ মত যদি দলিলটা ক'রে দিই, তা হ'লে সম্পত্তিটা কালে হয়তো রামতারণ বাবুর ছোট ছেলে 'চাঁদুর' হাতেও কিছু এসে যাবে।

যে সম্পত্তির আমি কিছুমাত্র আশা করিনি', তা দিয়ে যদি চাঁদুর কোনো উপকার হয়, তা হ'লে ক্ষতি কি? বেনামী সম্পত্তি আমাকে যদি ফিরিয়ে দেয়, আমিও তা হ'লে চাঁদুকেই কতকটা দিব,—তাকে যে আমি বড্ড ভালবাসি! আর আমাকে

শ্রুতপথের যাত্রী

যদি কিরিয়ে না দেয়, তা হ'লেও চাঁদুর হাতে যাবার সম্ভাবনা আছে ঢের। কাজেই, আমি তাঁর প্রস্তাবে সম্মত হলাম। তাঁরা আমাকে ধন্য ধন্য করতে লাগলেন। আমার মত বুদ্ধিমান আর আমার মত সৎছেলে তাঁরা যে ইতিপূর্বে দেখেন নি, সে কথা তাঁরা বারংবার আমাকে জানিয়ে দিলেন। বহুকাল পরে সেই দিন থেকে আবার সেই প্রথম কয়দিনের মত আদর যত্ন পেতে লাগলাম।

কিন্তু কে জানে যে সেই আদর যত্ন আমার ভাগ্যে অচিরে আবার আবুহোসেনের স্বপ্ন হয়ে দাঁড়াবে। বিক্রয় কবালা রেজেস্ট্রী হয়ে যাবার পরদিন থেকেই ছ ছ করে আদর কমতে কমতে সেই বিনা মাইনের চাকরে এসে দাঁড়ালাম এক সপ্তাহের মধ্যেই। তারপর প্রায় প্রতিদিনই আমার একটা ক্রটি বেরুতে লাগলো। সামান্য অনুযোগ থেকে ক্রমেই ভীষণ ভৎসনা আর গালাগালি আমার যেন নিত্য সঙ্গী হয়ে উঠলো। বুঝলাম, যে অশান্তির জ্বালায় বাপমার ঘর ছেড়ে অনির্দিষ্টের পানে ছুটে বেরিয়েছিলাম, এখানেও সেই অশান্তি ক্রমেই যেন ঘনীভূত হয়ে উঠছে। বিক্রী কবালার কথা জানতে কারো বাকী রইলো না। জ্ঞাতিরা সব চঞ্চল হয়ে উঠলেন। তাঁদের যেন আহা-নিদ্রা ত্যাগ হওয়ার উপক্রম হয়ে এল। রামতারণ বাবুর বিরুদ্ধে তাঁরা দিনরাত জল্পনা কল্পনা শুরু করে দিলেন। আমার আর বাইরে বেরুবার উপায়ই রইলো না। পথে ঘাটে, যেখানে সেখানে আমার দেখা পেলেই তাঁরা নানা নিন্দা,

মৃত্যুপথের ষাত্রী

ভৎসনা, গালাগালি এমন কি নানা রকম ভয় দেখানোও শুরু করে দিলেন। সম্পত্তির মালিক আমি হলেও, রামতারণ বাবুর মতলব মত কাজ করে আমি যেন তাঁদেরই মহা সর্বনাশ করে বসেছি।

রামতারণ বাবুর আশ্রয়ে বাস করাও ক্রমে দুর্ঘট হয়ে উঠলো। কাজের ভার যত বাড়ে, ক্রটির অভিযোগও হতে থাকে তত বেশী। কলে বাপের বাড়ীর মত তাড়না, ভৎসনা, প্রহার, অনাহার সব কিছুরই পুনরভিনয় হতে লাগলো কথায় কথায়। পাড়া প্রতিবাসী আর জ্ঞাতীদের তাতে যেন স্মৃতি বেড়ে গেল। তাঁরা সব “বেশ হয়েছে! ঠিক সাজাই হচ্ছে! যেমন কাজ তার তেমনি ফল। এমন সর্বনেশে ছেলের এই দশা হবে না তো হবে কার? মর ব্যাটা! আমাদের কথা না শোনবার ফলটা ঠাখ্।”...ইত্যাদি নানা মধুর কথা যখন তখন আমাকে শোনাতে লাগলেন। চারদিক থেকে আক্রান্ত হয়ে আমি একেবারে নির্বাক হয়ে যেতে লাগলাম।

তারপরেই এক মহা বিপদ। রামতারণ বাবুর বড় মেয়ে শশুর বাড়ী থেকে বাপের বাড়ী এল বেড়াতে। তার গায়ে ভারী ভারী সব গয়না। পরদিনই তার গলার হার আর কানের দুলজোড়া চুরি হয়ে গেল। খোঁজ খোঁজ খোঁজ—মহা ছলুছল ব্যাপার! পাড়া প্রতিবাসী আর জ্ঞাতী গোষ্ঠীরা কানাকানি করতে লাগলো। শেষে সেই চোরাই মাল বেরুলো আমারই বিছানার তলা থেকে।

মৃত্যুপথের যাত্রী

কত দিব্যি, শপথ, কারা! সবই হ'লো 'অকারণ। বরং তাইতেই আরো প্রমাণ হ'লো যে, আমি একটা পাকা চোর। তখন শুরু হ'লো প্রহার।

আমাকে পুলিশের হাতে দেবার জন্যে সবাই পীড়াপীড়ি করতে লাগলেন, কিন্তু রামতারণ বাবুর নাকি বড্ড মায়্যা পড়েছিল আমার উপরে, তাই জেলের বদলে তিনি আমাকে ঠেলে ফেলে দিলেন অনির্দিষ্টের পথে, মাত্র ঘা কয়েক বেত আর গলাধাক্কা দিতে দিতে।

লজ্জায়, ঘৃণায়, অপমানে ও প্রহারের ব্যথায় কাঁদতে কাঁদতে গ্রামের পথ ধরে চলতে লাগলাম—যে দিকে দু চোখ যায়।

আতি

পল্লীগ্রামে টেলিগ্রাফ নেই। তবু কিন্তু আমার বিধ্যা অপরাধের কথাটা নিমেষের মধ্যে পাড়াময় ছড়িয়ে পড়েছিল। ঘরে ঘরে মেয়ে পুরুষ সকলেই আমার উদ্দেশে ঝিক্কার দিতে শুরু করেছিলেন। আমার মত বয়াটে বদমাইস চোর ছেলেকে গ্রামে বাস করতে দেওয়া নিরাপদ নয়, এমন কঠোর মন্তব্য প্রকাশ করতেও অনেকে পশ্চাৎপদ হন নি।

কাঁদতে কাঁদতে গ্রামের পথ দিয়ে যাবার কালে তাঁরা আমার প্রতি এমন ব্যবহার করতে লাগলেন, যা কেউ পাগলা কুকুরকে দেখে করে কিনা সন্দেহ। সে ঝিক্কার, সে নিন্দা, সে গালাগালি, সে দূর দূর ধ্বনি আজও আমার বুকের মধ্যে গাঁথা হয়ে আছে। পাড়ার ছেলেরাও তাঁদের শিক্ষামত “চোর! চোর! সবাই সাবধান হও। চোর যাচ্ছে।”...বলে আমার পিছনে দলবেঁধে চীৎকার শুরু করলে। কেউ বা কাদা ছুঁড়ে মারতে লাগলো, কেউ মাথায় চাঁটি বসিয়ে দিলে। কি কক্ষে যে গ্রাম পার হ'য়ে যাঠে এসে পড়লাম, তা আর বলে বোঝাতে পারি না।

তেজস্কর এইবার চুপ করলে। তার অতীত জীবনের করুণ কাহিনী বলতে বলতে তার মত কঠিন-হৃদয় লোকেরও স্বরটা ক্রমেই ভারী হয়ে আসছিল। বুঝলাম বাল্যজীবনের সে ব্যথা আজও সে ভুলতে পারেনি। সে স্মৃতি তার জীবনের

মৃত্যুপথের ষাত্রী

এই শেষ মুহূর্তেও তার কাছে কষ্টকর। তাই সে নিজেকে সেই দুর্বলতার বিরুদ্ধে দৃঢ় করে নেবার উদ্দেশ্যে একটু নিশ্বাস নিচ্ছে।

আমারও মনের উপরে এতক্ষণ যেন একটা ছায়াচিত্রের একটানা অভিনয় হয়ে যাচ্ছিল। 'তার দৃশ্যের পর দৃশ্যে, অধ্যায়ের পর অধ্যায়ে পরিস্ফুট হ'য়ে উঠছিল একটা হতভাগ্য মাতৃহীন বালকের জীবন-নাট্যের করুণ-কাহিনী। তার মর্মান্বন ঘটনাবলীর মধ্যে আমি এমন ভাবে আমাকে হারিয়ে ফেলেছিলাম যে, এতক্ষণ আমার খেয়ালই ছিল না যে আমি গল্প শুনছি। যা শুনছি, তা যেন আমি স্বচক্ষেই দেখছি—সে সব ঘটনা ঘটছে যেন ঠিক আমার চর্মচক্ষেরই সম্মুখে।

তেজস্কর খামতেই আমারও যেন চমক ভেঙে গেল। আমি যেন আবার আমাকেই আবিষ্কার করলাম সেই লোহার ডাণ্ডাঘেরা জেলের হাজতঘরের মধ্যে। বুঝলাম,—যে চির হতভাগ্য শিশুর করুণ শৈশব কাহিনী শুনতে শুনতে এতক্ষণ আমি তন্দ্রায় হ'য়ে পড়েছিলাম, সেই আজ ব'সে রয়েছে ঠিক আমারই সম্মুখে, মহা অপরাধী ফাঁসির আসামীর রূপ ধ'রে।

মনটা যেন কেমন হয়ে গেল। এক নিমেষে অনেক চিন্তাই যেন তার ভিতরে জটলা বাধিয়ে তুলে। আমার যেন বোধ হ'তে লাগলো যে আমাদের এই সভ্য জগত তাদের জ্ঞান, বুদ্ধি, বিচার, বিবেচনা প্রভৃতির যে দর্প করে, সেটা তাদের

মৃত্যুপথের যাত্রী

মস্ত ভুল। নীতিশাস্ত্রের দোহাই দিয়ে তারা যাদের গায়ে অপরাধীর ছাপ মেরে আসছে, আসলে অপরাধী হয়ত তারা নয়—আর অপরাধী হলেও, ন্যায় বিচার অনুসারে সে জন্মে তাদের সাজা দেওয়া চলে না। সাজার যোগ্যপাত্র হ'চ্ছে তারাই, যাদের দোষে, বা যাদের জন্মে এরা আইন-বিগর্হিত অপরাধ করতে বাধ্য হয়।

আমি স্পর্শ বুদ্ধিতে পারলুম,—মানুষ মানুষের প্রাণ মানুষের প্রেরণা নিয়েই জন্মায়, পশু সে নয়; পশু হ'তেও সে আসেনি। তাকে পশু করে তোলে একমাত্র মানব সমাজের বিরুদ্ধ আবহাওয়া, যার বিষাক্ত স্পর্শ তাকে মানুষ হতে না দিয়ে, একটা কিস্তুতকিমাকার মানুষবেশী পশুতেই পরিণত করে দেয়।

আমি তো জেলার। কত চোর, কত খুনে, কত দস্যু, কত নানা অপরাধের অপরাধীকে নিয়েই আমার কারবার। কিন্তু তাদের সে সব অপরাধের জন্মে দায়ী কি কেবল তারাই? চোর চুরি করেছে তাই তার হয়েছে কয়েদ। কিন্তু কেন সে চুরি করলে? খুনী অপর একজনের বুকে ছোরা বসিয়ে দিলে কি জন্মে? দস্যু কিসের প্রয়োজনে গৃহস্থের যথাসর্বস্ব লুট করে নিলে? তাদের এ সব অপরাধের কি কোন হেতু নেই? অপরাধ যে করে সেই দোষী? আর যে বা যারা সেই অপরাধের হেতু বা প্রবর্তক, তারা সম্পূর্ণ নির্দোষ?

মৃত্যুপথের যাত্রী

আমার মনে হলো যে, সভ্য সমাজের একচোখামিই তাদের সমাজগঠনের মহা বিরোধী। এত দণ্ডের ব্যবস্থা থাকতেও তাই অপরাধীর সংখ্যা দিন দিন বাড়ছে বই কমছে না। যতদিন এক শ্রেণীর লোক তাদের স্বার্থজ্ঞান, তাদের পরিতৃপ্তিশূন্য লোভ, তাদের অবিবেচনা, তাদের হৃদয়হীনতা নিয়ে অপর দলকে সর্বস্বরকমে বঞ্চিত করতে থাকবে—যতদিন এই প্রথম দলের অযথা অত্যাচারে দ্বিতীয় দল তাদের জন্মগত, তাদের গ্ৰাম্য অধিকার ভোগ করবার সুযোগ সুবিধা না পাবে, ততদিন হাজার ধর্মের দোহাই, হাজার নীতিশাস্ত্রের কচ্কচি, হাজার আইন, হাজার শৃঙ্খলা সত্ত্বেও অপরাধ তারা করবেই। এই অপরাধই তাদের ধর্মযুদ্ধ,—তাদের জেহাদ।

তেজশঙ্কর একজন মহা অপরাধী। তাই সভ্য সমাজের আইন কঠোরতম দণ্ডে তাকে দণ্ডিত করেছে। কিন্তু এত বড় অপরাধী সে হলো কেন, সে কথা তো কেউ বিচার করে দেখেনি। নিতান্ত শৈশব থেকেই স্বার্থপর মানুষের সমাজ তাকে মানুষ জাতের বিরুদ্ধে বিদ্রোহী হতে শিখিয়েছে। তারা তাকে বুঝিয়েছে যে, এই জগতে দয়া, মায়া, মমতা, বিচার, বিবেচনা বলতে কিছুই নেই। ছলে, বলে, কৌশলে নিজের স্বার্থ সাধনই মানুষের শ্রেষ্ঠ নীতি। তারা তেজশঙ্করের শিশু-বন্ধের কোমল পর্দার উপরে তারই রক্ত দিয়ে গভীর অক্ষরে লিখে দিয়েছে—“মানুষই মানুষের শত্রু। মানুষই মানুষের সর্বকর্মের কারণ।” তার ফলে এখন যদি সে মানুষ

মৃত্যুপথের ষাটী

সমাজের বিরুদ্ধে ঋগহস্ত হ'য়ে থাকে, তো সে দোষ কি তার
একার ?

কথাটা ভাবতেই এইসঙ্গে আরও হাজার কথা একসঙ্গে
ঠেলাঠেলি করে আমার মনের মধ্যে ঢুকে পড়তে চাইছিলো,
কিন্তু তাতে বাধা পড়ে গেল। একমুহূর্ত্ত বিশ্রাম করে নেবার
পর তেজস্কর তার নিজের কথা আবার বলতে শুরু
করলে।

নয়

বেলা তখন প্রায় দুপুর। মাথার উপর বৈশাখের জ্বলন্ত সূর্য যেন চারিদিকে আগুনের রাশি ছড়িয়ে দিচ্ছে। বাতাসের গায়েও ঠিক আগুনের হুঙ্কা। সেই তপ্ত বাতাস আমার মাথার উপর দিয়ে কেবলই গোঁ গোঁ করে বয়ে যাচ্ছে। এক একবার পিছন থেকে ধাক্কা দিয়ে সেই যেন আমাকে ঠেলে নিয়ে যাচ্ছে কোন এক অজানা অচেনা অনির্দিষ্টের পানে।

আমি গোঁ ভরেই চলেছি এক দিক লক্ষ্য করে—অথচ কোন কিছুতেই আমার লক্ষ্য নেই। যেতে হবে, তাই যাচ্ছি। কখন বা কোথায়, তা তখন ভাবে কে ?

মাঠের মধ্যে পথ বলতে বিশেষ কিছুই নেই। পথ কি অপথ, তাই বা তখন দেখছে কে ? কখন আইল, কখন বা চষা ক্ষেত,—যখন যা স্তম্ভে পড়ছে তারই উপর দিয়ে একটানা চলতে শুরু করেছি।

চলছি, আর ভাবছি আমার প্রতি আমার বাবা, মা, আর আত্মীয় স্বজনদের অত্যাচারের কথা। রামতারণ বাবুর দুর্ভবুদ্ধি ও বিশ্বাসঘাতকতা, অবশেষে বিনা দোষে চোর বদনাম দিয়ে সারা দেশের লোকের কাছে আমাকে অপদস্থ করা, তারপর বিনা বিবেচনায় আমার মত নিরীহ লোককেও সারা দুনিয়ার মর্শ্বাস্তিক উপহাস—এ সব কথা যতই আমি মনে মনে তোলপাড় করি, ততই আমার মনের সঙ্গে সঙ্গে সারা দেহও যেন বিষের

মৃত্যুপথের ঝড়

জ্বালায় জ্বলে যেতে থাকে। কখনও দাঁতের উপর দাঁত চেপে ধরি, কখনো নিজের অজ্ঞাতেই যেন নিজের হাত দুটো মুষ্টিবদ্ধ করে তাদের বিরুদ্ধে উৎকট প্রতিহিংসা নেওয়ার কল্পনায় মেতে উঠি, কখনো বা কেউটে সাপের মত ফোস ফোস করে নিজের নাক দিয়ে জ্বালাময় নিঃশ্বাস ফেলতে থাকি।

এর উপরে আবার গ্রামবাসীদের অবিচারের স্মৃতি—তাদের হৃদয়হীন দুর্ব্যবহারের চিন্তা। বারো তেরো বৎসরের একটা দুর্ভাগ্য ছেলের সম্বন্ধে সামান্য একটা কুৎসার কথা শুনেই তারা বিনা বিচারে তার উপরে এক মুহূর্তে খড়্গহস্ত হয়ে উঠতে পারলো, কিন্তু দীর্ঘকাল ধরে লোক-পরম্পরায় তার প্রতি তার অভিভাবক বা নিকট আত্মীয়দের অথবা নির্ঘাতনের বহু সংবাদ পেয়েও, তাদের মধ্যে অন্ততঃ একজনও পরের ঝঞ্ঝাটে মাথা গলিয়ে, সেই হতভাগ্য বালকটির প্রতি সহানুভূতি দেখাতে পারে নি! এরাই আমার পল্লীবাসী, এরাই আমার দেশের লোক!

ভাবতে ভাবতে একটা উৎকট প্রতিহিংসার সঙ্কল্পে আমার সমস্ত শরীরটা দৃঢ় হয়ে উঠল। মনে মনে সঙ্কল্প হ'ল—না, না, আমি নিজের সুখ চাই না। নিজের জীবনেও আমার আর মমতা নেই। কিন্তু যারা আমাকে আমার শৈশব থেকেই এমন ভাবে উৎপীড়ন করে এসেছে, তাদের ধ্বংস আমি দেখবোই—তাদের সর্বনাশ যেরূপে পারি সাধন আমি করবোই। পাগলের মত এই সব কথা ভাবতে ভাবতে আপন

মৃত্যুপথের যাত্রী

মনে আবোল-তাবোল বকছি আর এবড়ো-খেবড়ো মাঠ ভেঙে
হন্ হন্ করে চলছি কোন্‌দিকে তা তখন জানি না।

বৈশাখের দুপুর। বিশেষ, কয়েক মাস যাবৎ বৃষ্টির নাম-
গন্ধ নেই। জলের জন্মে হাহাকার করতে করতে পৃথিবীর
বুক শুকিয়ে কাঠ হ'য়ে গিয়েছে। সারা মাঠের জমি হয়ে উঠেছে
ফুটিফাটা। আমার বুকও দারুণ তৃষ্ণায় সেই রকম কাটবার
উপক্রম করলেও, সে কফের দিকে আমার তখন লক্ষ্য ছিল না।
রাগ, ঘেঁষ, হিংসা, বিতৃষ্ণার কথা ভাবতে ভাবতে ক্ষুধা তৃষ্ণা
ভুলেই গেছলাম। নইলে সেই কিশোর বয়সে, সেই প্রতিকূল
অবস্থায়, ছয়, সাত ক্রোশ মাঠ ভেঙে, কোন অনিশ্চিত আশ্রয়ের
অভিমুখে চলা আমার পক্ষে বোধহয় সম্ভবপর হতো না।

ক্রমে দিনের আলো নিভে এল। পশ্চিম আকাশে লালের
আভা ছড়িয়ে সূর্যদেব দিক্‌চক্রবালের আড়ালে গা ঢাকা দিতে
লাগলেন। আমার মাথার উপর দিয়ে ঝাঁকে ঝাঁকে বক,
বিল-হাঁস আর পানকোড়ির দল তাদের বাসার দিকে উড়ে যেতে
লাগলো। গাছে গাছে হাজার পাখীর কিচিমিচি। বুঝলাম
রাতের আর দেরী নেই। এখনই একটা গ্রাম না পেলে, এই
মাঠেই আমাকে রাত কাটাতে হবে। সব চিন্তা ঘুচে গিয়ে
তখন সত্য সত্যই আমার মনে একটা ভয় এসে গেল। হাজার
দুঃখের জীবন হোক, তবু মাত্র চৌদ্দ বছরের ছেলে আমি !
আমার মনে এমন অসহায় অবস্থায় ভয় না হয়ে কি পারে ?

কিন্তু কি আশ্চর্য্য ! ঠিক সেই সময়ে আমার চোখে পড়লো

মৃত্যুপথের যাত্রী

একটা গ্রামের চিহ্ন। আমার দক্ষিণে প্রায় পোয়া মাইল দূরে অনেকগুলো আম, কাঁঠাল প্রভৃতি গাছ আর ওই সঙ্গে দু'একটা চালা ঘরও দেখতে পেলাম। তখন কোনও রকমে “পড়ি কি মরি” করতে করতে সেই গ্রামটিতে গিয়ে ঢুকলাম।

প্রথমেই দু'চারটে বাগান, বাঁশঝাড়, ডোবা, আগাছায় ভরা পতিত জমি। তাদের পাশ দিয়ে এঁকে বেঁকে ঘুরপাক খেতে খেতে সরু মাটির পথটা ক্রমেই চওড়া হয়ে গ্রামের মধ্যে ঢুকেছে। সেই পথ ধরে চলতে চলতে শুনতে পেলাম গ্রামের কুলবধূরা ঘরে ঘরে সাক্ষ্যপ্রদীপ জ্বলে শাঁকে ফুঁ দেবার আয়োজন করছে। বুকে একটু আশা হ'লো যে, এতগুলি ভদ্র গৃহস্থের বাস যখন এই গ্রামে রয়েছে, তখন আমার মত একটা নিরাশ্রয় ভদ্রসন্তান অন্ততঃ আজ রাতের মত একটু আশ্রয় আর দু'মুঠো ভাত পাবে নিশ্চয়। আশায় বুক বেঁধে তাই কোন রকমে ক্লাস্ত দেহটাকে টেনে নিয়ে চললাম।

একটু পরেই এসে পড়লাম একটা কোঠা বাড়ীর স্তম্ভে। দেখলাম এক প্রোঁড় ভদ্রলোক বাড়ীর স্তম্ভে পথের পাশে দাঁড়িয়ে হুঁকোয় তামাক টানছেন। ভদ্রলোক ব্রাহ্মণ—তাঁর গলায় পৈতে। তাতে আবার এক ধোলো চাবি বাঁধা। মনে করলাম এর কাছেই আশ্রয় ভিক্ষা করি। যে রকম অবসন্ন হ'য়ে পড়েছি, তাতে আর এক পা এগোনোও আমার পক্ষে মহা কষ্টকর।

কিন্তু আমি কিছু বলবার আগেই তিনি কটমট করে আমার দিকে চাইতে চাইতে বলে উঠলেন :

মৃত্যুপথের যাত্রী

“কে হে ছোকরা ! তোমাকে বিদেশী ব'লে মনে হচ্ছে । বলি যাবে কোথায় ?”

ভাবলুম, ভদ্রলোক বোধ হয় খুব দয়ালু । তাই তিনি আপনা হ'তেই জানতে চাইছেন যে রাত্রিকালে এই বিদেশে যথার্থই আমি আশ্রয়প্রার্থী কি না । তা হ'লে হয়তো তিনি আমাকে আশ্রয় দিতে প্রস্তুত ।

রীতিমত বিনয়ের সঙ্গে উত্তর দিলাম—“আজ্ঞে অনেক দূর থেকে আসছি । সারাদিন খাওয়াও হয় নি । রাত হয়ে আসছে দেখে এই গ্রামে এসে ঢুকেছি । যদি কোথাও আশ্রয় পাই তো সেখানেই রাতটা কাটিয়ে আবার সকালে চলা শুরু করবো ।”

ভদ্রলোক মুরুবিয়ানার সঙ্গে ষাড় নাড়তে নাড়তে কর্কশ স্বরে বলেন—“ঠিক, ঠিক । যাবার সময় যার যা পাও হাতিয়ে নিয়ে স'রে পড়তেও কসুর করবে না । তুমিও তা হলে তাদেরই দলের ? কেমন ?”

অবাক হয়ে গেলাম । কাদের কথা ইনি বলছেন ? আমাকেই বা তাদের দলের একজন বলে মনে করছেন কেন ? বিশেষ, যার যা পাই হাতিয়ে নিয়ে স'রে পড়বার কথাই বা বলেন তিনি কি জন্তে ?

প্রশ্নগুলি মনে মনেই তোলপাড় করে নিয়ে, তারপর ধীরে ধীরে বললাম—“আজ্ঞে, কাদের কথা বলছেন, বুঝতে পারছি না তো । তবে আমার সঙ্গী কেউ নেই । আমি একাই আসছি ।”

মৃত্যুপথের যাত্রী

“বেশ করেছে ! তুমি তা হ’লে একাই একশো ! কিন্তু এ সব চালাকি তো চলবে না ধন ! ভালো চাও তো গ্রাম ছেড়ে চলে যাও । নইলে দফাদার ডেকে এখনি ধরিয়ে দেব । যাও ।”

বজ্রগস্তীর স্বরে এই কথাগুলি বলে, তিনি হাত তুলে আমাদের গ্রাম থেকে বেরুবার আদেশ আর পথ দুই-ই জানিয়ে দিলেন ।

আমার তখন গা টলছে । মাথাও ঘুরছে বন্বন্ করে । সারাদিন অন্নজলের মুখ দেখিনি—তার উপরে ৬৭ ক্রোশ হেঁটে এসেছি । কাজেই আর কোন উত্তর না দিয়ে আমি আবার চলতে লাগলাম ।

একটু যেতেই দেখলাম একটা পাকা বাড়ীর বারান্দা । পথের ঠিক ধারেই সেই বারান্দাটিতে সতরঞ্চ পেতে একদল যুবা খুব সোরগোলের সঙ্গে পাশা খেলা শুরু করেছে । “কচে বারো” “ছ তিন নয়” চীৎকারে তারা সেই স্থানটিকে বেশ সরগরম করে তুলেছে ।

আমাকে সেই বাড়ীটির সুমুখ দিয়ে যেতে দেখে হঠাৎ তাদের মধ্যে একজন আমার প্রতি খর দৃষ্টিতে চাইতে লাগলেন । শেষে বললেন—“কে যায় ? কোথায় বাড়ী হে ছোকরা ?”

বললাম “আজ্ঞে, আমার বাড়ী ভিন্ গাঁয়—এখান থেকে ৬৭ ক্রোশ দূরে ।”

“বটে ? তা এ গাঁয়ে এসেছো কি জন্মে ? সিঁদ দেবে ? দাঁড়াও তো হে ছোকরা । দেখি তোমার চেহারাটা একবার ।”

মৃত্যুপথের যাত্রী

কথা বলতে বলতে তিনি একটা হারিকেন নিয়ে আমার স্তম্ভে এসে দাঁড়ালেন। তারপর সেই আলোয় বেশ করে আমার দেখতে দেখতে বললেন—“হাঁ। যা ধরেছি তাই। চোর না হলে এমন ঝড়ো চেহারা হয়? তা, যাচ্ছে কোথায়? কার বাড়ী আজ অতিথি হবে ভাবছো?”

দেখলাম ব্যাপার সুবিধের নয়। এরও ঠিক সেই বুদ্ধ ব্রাহ্মণটির মত কথার ভাব। তবু চুপ করে থাকটা যুক্তিযুক্ত নয় ভেবে বললাম—“আজ্ঞে, যাঁর দয়া হবে... নিতান্ত দায়ে পড়ে এসেছি—রাতের মত একটু আশ্রয় পাবো এই আশা করে। আবার সকাল হলেই—”

“হ্যা হ্যা হ্যা। সকাল হবারও দরকার হবে না, কিছু হাতাতে পারলেই গা ঢাকা দেবে। তা কি আর বুঝি না? কিন্তু সে মতলব আর খাটছে না। আমি তোমার ব্যবস্থা করে দিচ্ছি।”

এই মাত্র বলেই তিনি খপ্প করে আমার কোঁচার কাপড়টা ধরে ফেললেন। তারপর হাঁকলেন—

“ওহে নফর! ও গোবিন্দ! এসো, এসো। আজ ধরেছি এক ব্যাটা বদ্মাসকে। এসো, এর সঙ্গে একটু বোঝা-পড়া করা যাক।”

যুবির কথা শেষ হতে না হতেই হৈ হৈ করে আরও তিন চার জন খেলোয়াড় পাশা ফেলে আমার কাছে ছুটে এল। একজন আমার একটা কান সজোরে টেনে ধরে বলে :

মৃত্যুপথের যাত্রী

“কি যাদু ! বড্ড লোভ লেগে গিয়েছে ? তাই আজ আবার এসে জুটেছ ! সঙ্গে সঙ্গে আর একজন বলে উঠলো—
“দাও না বেটাকে বেশ করে খাবড়ে । তারপর ওকে দিয়ে এসো পঞ্চায়তের কাছে । বেটা টের পাক মজা ।”

কথা শেষ করেই সে আমার দুই গালে ঠাস্ ঠাস্ করে চড় মারতে শুরু করলে ।

একেই তো আমার শরীরটা তখন ক্ষিদেয় আর পরিশ্রমে বিম্ব বিম্ব করছে, তার উপরে সেই নিশ্চয়ম চড় । মাথা ঘুরে, দু চোখে অন্ধকার দেখে, আমি সেখানে অজ্ঞান হয়ে পড়লাম ।

কতক্ষণ শুয়ে ছিলাম জানি না । জ্ঞান হ'লে দেখি, আমার চারিপাশে ইতর, ভদ্র অনেকগুলি লোক জড় হয়েছে । একজন খোঁড়া ভিখারী-গোছের লোক একটা টিনের মগে ক'রে আমার মাথায় জ্বল দিচ্ছে ।

অনেকে অনেক কথাই বলাবলি করতে লাগলেন । বুঝলাম তাঁরা সকলেই ধরে নিয়েছেন যে আমি চোর, আর তাদের গ্রামে ঢুকেছি চুরির মতলবেই । কিন্তু আমার কাছে চোরাই মাল কিছু না থাকায়, কেবল মাত্র সন্দেহের উপর নির্ভর করে আমাকে পুলিশে চালান দেওয়া যায় না । তবে আমাকে সেই রাত্রে গ্রামে থাকতে দিতে তাঁরা মোটেই রাজী নন । কাজেই আমাকে গ্রাম থেকে দূর করে দিতেই তাঁরা কৃতসঙ্কল্প ।

চৈতন্য পেয়ে উঠে দাঁড়াতেই তাঁরা আমাকে একটা সরু পথ দেখিয়ে বলেন—“ভালো চাও তো এই পথ ধ'রে গ্রামের

মৃত্যুপথের ষাত্রী

বাইরে চলে যাও—বুঝলে ছোকরা? ফের যদি তোমায় এ গ্রামে দেখি তো তোমার হাড় এক জায়গায় আর মাস এক জায়গায় করে ছাড়বো। যাও, যাও বলছি।”

তখনও আমার গা টলছে—শরীর কিম্বিকিম্বি করছে। কিন্তু উপায় কি? সেই অবস্থায় টলতে টলতে সেই সরু পথ ধরে আবার সেই মাঠের দিকেই চলতে লাগলাম।

গ্রামের সীমা পার হ'য়েই একটা চওড়া কাঁচা রাস্তা। সেই পথে পা দিতেই শুনলাম, আমার পিছন থেকে কে ডেকে বলছে—

“ওগো বাবাঠাকুর! থামো। একটা কথা শুনে যাও।”

ডাকার সুরটা কর্কশ মোটেই নয়—বরং যেন একটু সহানুভূতি মাখা। আমি দাঁড়িয়ে পড়লাম। লোকটা আমার কাছে আসতেই চিনলাম সে সেই খোঁড়া ভিখারী, যে আমার মাথায় জল দিচ্ছিল।

ভিখারী বলে—“ভদ্র লোকদের কাছে তো খুব সেবাই পেলে। এখন এই রাত্তিরে যাবে কোথায়? দু ক্রোশের মধ্যে তো আর গাঁ নেই।”

বললাম—না থাক। মাঠ তো আছে? সেখানেই কোথাও পড়ে থাকবো। বনের শেয়াল শুর্যোরেরা এদের চেয়ে মন্দ ব্যবহার করবে না বোধ হয়।

ভিখারী হাসলে। বলে:

“যা বলেছ বাবাঠাকুর! গরীবের ছুঁখু কেউ বোঝে না।

মৃত্যুপথের যাত্রী

উল্টে বলে চোর। আমি কিন্তু দেখেই বুঝতে পারি কে ভাল লোক আর কে মন্দ। তাইতো তোমার পাছে পাছে এমু বাবাঠাকুর !”

আমি জিজ্ঞাসা করলাম—“যাবে কোথায় ?”

“এই তো সামনেই। ওইখানে বটগাছের তলায় আমি থাকি। খোঁড়া ভিখারী মানুষ—আমার আর ঘরই বা কি, গাছতলাই বা কি ! তা, বলছিনু কি বাবাঠাকুর ! রাতটার মত আমার আড্ডাতেই থাকো না। তেপান্তর মাঠের চেয়ে তো ভালো ?”

কতকটা আশ্বাস পেলাম। চৌদ্দ বছরের ছেলে—একা একা মাঠে পড়ে থাকা কি সম্ভব ? বললাম—“সে তো ভালোই কিন্তু তোমার কোন কষ্ট হবে না তো ?”

“শোনো কথা ! গাছতলায় একা পড়ে থাকি। একটা সঙ্গী যদি জ্বোটে, সে তো ভাল কথাই। কন্ঠের বদলে তবু একটা রাতও তো একটু আনন্দে কাটবে ? তুমি চলো বাবাঠাকুর। ওসব বাঁজি ভাবনা তোমায় ভাবতে হবে না।”

অগত্যা তার আড্ডাতেই এসে উঠলাম। গ্রামের শেষে, মাঠের ধারেই একটা পুকুর। তার পাড়েই একটা প্রকাণ্ড বটগাছ চারি পাশে ঝুরি নামিয়ে অনেকখানি স্থান জুড়ে রেখেছে। ভিখারীর সঙ্গে তারই তলায় এসে দাঁড়লাম।

গাছের গোড়ায়, দু পাশের দুটো মোটা মোটা ঝুরির মাঝখানে ভিখারীর আড্ডা। তার মাথার উপরে খুব মোটা


মৃত্যুপথের যাত্রী

একটা ডাল ঘন পাতার সঙ্গে সেই আড্ডাটির ছাদের মত হয়ে আছে। ভিখারী আমাকে সেইখানে নিয়ে গিয়ে বসালে। বলে—“বাবাঠাকুরের সারাদিন খাওয়া জ্বোটেনি, তা তোমার চেহারা দেখেই বুঝতে পেরেছি। তা এক কাজ করো বাবাঠাকুর। আমার ঝুলিতে চাল, আলু আর গোটা দুই বেগুন আছে। একটা মাথা ভাঙা নতুন হাঁড়িও যোগাড় করে রেখে দিয়েছি। পুকুর থেকে হাত মুখ ধুয়ে এসে ভাতে ভাত চড়িয়ে দাও। তোমারও হবে, আমারও হবে—কি বলো?”

আমি আপত্তি করলাম। সে কি! একে দীন ভিখারী, তায় খোঁড়া। তার অতি কষ্টে ভিক্ষে-করা অন্ন ধ্বংস করতে হবে? সে কিছুতেই হ'তে পারে না। প্রাণ গেলেও না।

কিন্তু ভিখারী ভয়ানক জেদ করতে লাগলো। বলে—“তা হ'লে আমাকেও আজ উপোস দিতে হয় বাবাঠাকুর। ব্রাহ্মণের ছেলে, তায় ছেলে মানুষ। সারাদিন না খেয়ে আমারই কাছে শুকিয়ে পড়ে থাকবে, আর আমি মজা করে খেয়ে ঘুমুবো? তোমার বড়লোকেরা তা পারে বাবাঠাকুর—কিন্তু আমরা দীন দরিদ্র, আমরা তা কিছুতেই সইতে পারি না। তা হ'লে থাক রান্না, আমিও তোমার মত শুকিয়ে পড়ে থাকি।”

মুক্তিলের কথা। আমার জন্মে গরীব বেচারী উপবাসে থাকে, তাই বা হয় কি করে? আর আমিই বা ভদ্রসন্তান



শেষে রাঁধতেই হলো, শুকনো পাতা আর ডালপালার সাহায্যে...

—৭৩ পৃষ্ঠা

মৃত্যুপথের বাতী

হয়ে দীন ভিখারীর অন্ন ভাগ বসাই কোন্ হিসেবে? উভয় মুস্কিলে প'ড়ে গেলাম। বিস্তর কথা কাটাকাটি করলাম, কিন্তু ফল কিছুই হ'লো না। ভিখারীর সেই এক কথা :

“তুমিও সারাদিন খাওনি, আমিও না। এখন তুমি না খেলে আমিই বা খাবো কোন্ মুখে? আমি সব যোগাড় করে দিচ্ছি, তুমি রাখো। না হয় এসো, দুজনেই শুয়ে পড়া যাক।”

শেষে রাখতেই হলো। শুকনো পাতা আর ডালপালার সহায়তায় ভাতে ভাত ফুটিয়ে নিয়ে বটপাতার খালায় বেশ তৃপ্তির সঙ্গে দুজনে খাওয়া শেষ করলাম। তারপর পুকুরে আঁচিয়ে, পুকুর থেকেই আঁজলা করে জল খেয়ে আবার গাছতলায় ফিরে এলাম। সারাদিনের উপবাসের পর ভিখারীর যত্নের নিবেদন স্বরূপ সেই গাছতলার ভাতে ভাত এত তৃপ্তি এনে দিলে যে, আমার সেই চৌদ্দ বছর বয়সে এমন তৃপ্তির খাওয়া একদিনও খেয়েছি বলে স্মরণ করতে পারলাম না।

তারপর দুজনেই শুয়ে পড়লাম। ভিখারীর সঙ্গে অনেক কথাই হ'লো। শুনলাম সেও এককালে গৃহস্থই ছিল। একখানা আটচালা ঘর, গোয়াল, একটা ছোট পুকুর আর বিঘে দশেক ধানের জমি নিয়ে বেশ সুখেসুখে তার দিন কাটতো। গোলায় তার বছরের ধান মজুত থাকতো, আর তার স্ত্রী নিজের হাতে লাউ, কুমড়া, টেঁড়স, বেগুন, সীম, পুঁই ইত্যাদি শাক-সজ্জির চাষ করতো বাড়ীর উঠানে আর

তার আশেপাশে। তাতে বেশ শান্তিতে তাঁদের দিন কেটে যেতো।

কিন্তু বরাত মন্দ, তাই চার বছর উপযুক্তপরি হ'লো অজন্মা। গোলা শূন্য, ক্ষেতেও শস্য নেই। বাধ্য হয়ে গ্রামের এক ব্রাহ্মণের কাছে বসতবাড়ী আর খানের জমি বন্ধক দিয়ে নিতে হ'লো একশো টাকা। সে টাকা আর কিছুতেই শোধ হ'লো না। ভিখারী আট দশ কিস্তিতে প্রায় আশী টাকা তার ব্রাহ্মণ মহাজনকে দিয়েছিলো বটে, কিন্তু তাতে সুদটাও উশুল হয় নি—আসল তো দূরের কথা। শেষে তিনি গরীবের যথাসর্বস্ব নিলাম করে নিলেন। গরীব খোঁড়া তার স্ত্রী আর একটি ছোট ছেলের হাত ধরে পথে এসে দাঁড়ালো।

তারপর এক বৎসর যেতে না যেতে, না খেতে পেয়ে তার স্ত্রী আর ছেলে, একে একে সরে পড়লো। খোঁড়ার অখণ্ড পরমায়ু; তাই সে শুধু বেঁচে রইলো—এইভাবে ভিক্ষে করে খেয়ে গাছতলায় পড়ে থাকতে।

সারাদিনের উপবাস আর দারুণ পরিশ্রমের পর পেটে ভাত পড়তেই শরীর আমার একবারেই এলিয়ে পড়েছিল। ঘুমে চোখদুটো এমন জড়িয়ে আসছিলো যে, আমি চেষ্টা করেও চাইতে পারছিলাম না। কিন্তু ভিখারীর এই কথা শুনে আমার সে বুম কোথায় চলে গেল আর আমার শরীর যেন কিসের একটা মাদকতায় গরম হয়ে উঠলো।

ভাবলাম কি সর্বনাশ! মানুষের উপর মানুষের এত

মৃত্যুপথের বাতী

অত্যাচার ! সামান্য বিষয়ের লোভে গরীব গৃহস্থের এই রকম করে সর্বনাশ সাধন ! এরাই আবার ব্রাহ্মণ, এরাই আবার মুখে ধর্মের বুলি কপচে বেড়ায় । দুনিয়াটা তো কেবল কাঁকি-বাজী, কেবল অবিচারের রাজ্য । নইলে এরাই নিজেদের দেবতার সমকক্ষ প্রচার করে অপরকে অশুচি, অস্পৃশ্য করে দিতে সাহস করে ? অস্পৃশ্য তো এরাই, যারা ভান করে শ্রেষ্ঠত্বের, কিন্তু ব্যবহার যাদের ইতর জাতির চেয়েও নিকৃষ্ট ।

মনে পড়লো, আমিও তো কম অত্যাচার ভোগ করিনি ! সৎমার নির্যাতন, রামতারণ বাবুর বিশ্বাসঘাতকতা, গ্রামবাসীদের অত্যাচার—একে একে সব কথাই আমার মনে উদয় হ'তে লাগলো । সঙ্গে সঙ্গে এই গ্রামের ভদ্রগৃহস্থদের আচরণের কথাও মনের মধ্যে আগুন জ্বালিয়ে দিলে । মনে হলো, কি আশ্চর্য্য ! যারা বড় লোক, যারা ভদ্র, তাদের কি সকলেই এমন পাপের পূর্ণ প্রতিমূর্ত্তি ? তারা কি সবাই এমন স্বার্থপর ? অশিক্ষিত, অসভ্য, আর দীন দরিদ্র যারা, তাদের মধ্যে যে প্রাণের সাড়া পাওয়া যায়, কই, এ সব ভদ্রনামধারী অবস্থাপন্ন লোকদের মধ্যে তা তো নেই ? তবু এরাই সভ্য আর গরীবেরা অসভ্য ? হায় ভগবান, এই কি তোমার বিচার ?

মনের আবেগে ভগবানের নামটা সত্য সত্যই মুখ থেকে বেরিয়ে পড়েছিলো । ভিখারী তা শুনতে পেলো । বললে—
“ভগবানকে ডাকছো বাবাঠাকুর ? ও নাম আর করো না । ভগবান নেই, থাকলে কি আর এমনটা হতে পারতো ? স্পষ্ট

দেখতে পাচ্ছি, জগতে যারা পরের সর্বনাশ করে' পরের মাথায় কাঁঠাল ভেঙে খাচ্ছে, তারাই রয়েছে বেশ সুখে আর শান্তিতে। আর, তোমার আমার মত যারা নিজের দিকে চাইতে শেখেনি, যারা অধর্ম করতে ভয় পায়, তাদেরই যত কষ্ট, যত অশান্তি। ভগবান থাকলে কি এর একটা বিচার হতো না বাবাঠাকুর? তাই বলছি ভগবান নেই। ওটা যত সব ভণ্ড বদমায়েসদের ধান্নাবাজী। ভগবানের নাম নিয়ে, কিংবা তার দোহাই দিয়ে ছোট লোকদের ভোলানো খুব সোজা। তাই এসব ব্রাহ্মণ আর ভদ্রলোকেরা ছোট জাতের কাছে ভগবান দেখিয়ে বেড়ায়। কিন্তু আসলে তারাই ভগবানকে একদম মানে না। দেখছ না যারা যত ধর্মের বুলি আওড়ায় তারাই তত বেশী অধর্ম করে থাকে? নইলে ব্রাহ্মণ হয়ে কি দীন-দরিদ্র শূদ্রের সর্বস্ব ফাঁকি দিয়ে নিতে পারে? অথচ তার তো কোন ক্ষতি হয়নি! উচ্ছন্ন যেতে আমিই গিয়েছি। আমার ছেলে, বউ, না খেতে পেয়ে পথেই পড়ে ম'রলো আর তিনি দিব্যি আরামে আমার সম্পত্তি ভোগ করে যাচ্ছেন।

শুধু কি তাই? শোনো বাবাঠাকুর! সে একদিনের তরে আমাকে একমুঠো ভিক্ষেও দেয়নি। আবার ব'লে বেড়ায় যে আমি ব্রাহ্মণকে ফাঁকি দিতে গিয়েছিলুম, সেই মহাপাপে আমার এই দশা হয়েছে। ওঃ! তোমার ভগবান থাকলে এতটা কি তার সহ হতো বাবাঠাকুর?"

মৃত্যুপথের যাত্রী

ভিখারী আরো কত কথাই বলতে লাগলো। বুঝলাম তার প্রাণের ব্যথা একটুও মুছেনি—বোধ হয় মুছবেও না।

যাক। শেষে দুজনেই ঘুমিয়ে পড়লাম। ভোর হতেই ভিখারী আমাকে ডেকে দিলে। বললে :

“যেতেই তো হবে তোমাকে বাবাঠাকুর, তবে আর বেলা বাড়িয়ে লাভ কি। এখনি বরং ঠাণ্ডায় ঠাণ্ডায় বেশ পথ চলতে পারবে। তুমি এই মুখে যাও। ইদিকে ক্রোশ পাঁচ ছয় দূরে দু’একটা বড় গ্রাম আছে। সেখানে হয়তো তোমার কোন উপায় হতে পারে। না হয়, আরও কয়েক ক্রোশ গেলে ভাল সহর পাবে। সেখানে কাজকর্ম কিছু পেলেও পেতে পারো।”

তারপর সে তার ঝুলির ভিতর থেকে একটা আধুলী বাঁর করে নিয়ে আমার হাতে গুঁজে দিয়ে বললে :

“এটা তোমার কাছে রেখে দাও বাবাঠাকুর। দেশের যে রকম হাওয়া, তাতে সব দিন যে ভাত জুটবে তা মনে করো না। ছেলেমানুষ—ক্ষিদেয় কষ্ট পাবে! এটা থাকলে তবু মাঝে মাঝে কিছু কিনে দিন কাটাতে পারবে। একদম রিক্ত হয়ে কি বিদেশে বিভুঁয়ে যাওয়া চলে?”

আমি একেবারে লাকিয়ে উঠলাম। বললাম—কি সর্বনাশ! দীন ভিখারী তুমি, তুমি আমাকে আধুলী দান করছ? আর আমি তাই হাত পেতে নেবো? তুমি বলো কি! এও কি কখনো সম্ভব হতে পারে?

মৃত্যুপথের যাত্রী

আমিও নেব না, সেও ছাড়বে না। অনেকক্ষণ ধরে উভয়ের মধ্যে কথা কাটাকাটি চলো। শেষে সে বলে—“আচ্ছা বাবাঠাকুর! ধরো আমি তোমাকে আধুলীটা ধার দিচ্ছি। তোমার যখন সময় হবে, তখন তুমি সুদে আসলে এটা শোধ দিও। আমাকে নয়—আমি হয়তো ততদিন বেঁচে থাকবো না। আমার মত যে কোন গরীব, বা যে কোন দুঃখীকে দিলেই তা আমারই পাওয়া হবে। আমি যানি, আর আমি বিশ্বাস করি যে, এই পৃথিবীতে যারা হতভাগ্য, যারা দীনহীন, তারা সকলেই আমার ভাই, আমার আপনার লোক। তুমিও যদি সেই হিসেবে আমাকে তোমার আপনার মনে করো, তা হলে আমার দেওয়া এই সামান্য সাহায্যটা আজ তোমাকে নিশ্চয় নিতে হবে। নইলে বুঝবো যে তুমি ভদ্রঘরের ছেলে তাই আমাকে ঘৃণা কর, আর সেই জন্মেই এটা নিচ্ছ না।”

এর উপরে আর কথা চ'লো না। দীন ভিখারী আর নিঃস্ব হলোও, সে আমার প্রতি যে উদারতা আর সহৃদয়তা দেখিয়েছে, এর আগে তেমনটি আর কোঁথাও পাইনি। এর কাছে ঋণী হওয়ায় লজ্জা নেই—বরং তা গৌরবেরই কথা।

যাক। আধুলীটা নিতেই হলো। তারপর তার কাছ থেকে বিদায় নিয়ে তারই নির্দিষ্ট পথে পা চালিয়ে দিলাম। তার ব্যবহার আর তার উপদেশের কথা ভাবতে ভাবতে চার পাঁচ ক্রোশ পথ এক রকম বিনা কষ্টে অতিক্রম করে বেলা দুপুরের কিছু পূর্বে একটা নদীর তীরে এসে উপস্থিত হলাম।

মৃত্যুপথের যাত্রী

নদীর ওপারেই একটা গঞ্জ। একটা খেয়া নৌকো প্রায় পনেরো জন যাত্রী নিয়ে ছাড়বার উপক্রম করছে। মাঝি তাড়া দিতেই কোন কিছু বিচার না করে তাড়াতাড়ি নৌকায় গিয়ে উঠলাম।

নৌকোতে একটি বাবু গোছের লোক আসর জাঁকিয়ে বসে আছে। কয়েকজন ইতর শ্রেণীর লোক বোধ হয় তাদের মজুরী নিয়ে তাঁর সঙ্গে তর্কাতর্কি লাগিয়েছে। অবশেষে ভদ্র-লোকটি একটা গেঁজে বা'র করে টাকা পয়সা গুণতে শুরু করলেন।

আমি সেই বাবুটির কাছ থেকে হাত দুই দূরে বসে আছি। ভাবছি সেই গঞ্জে গিয়ে কোন রকম কাজ-কর্ম যোগাড় করা যাবে কিনা, না হয় তো আবার কোথায় যাবো, কি করবো ইত্যাদি।

ভিখারীর দেওয়া আধুলীটি বা'র করে ভাবতে লাগলুম,— এ থেকে দু পয়সা পানের জন্তে দিতে হবে। তারপর অন্ততঃ দু'পয়সার কিছু খাওয়া চাই। ভিখারীর দয়ার ৪।৫ দিন প্রাণটা কোন রকম করে বাঁচাতে পারবো। এর মধ্যে কোন উপায় কি হবে না; ওঃ! ভিখারী আমার কি উপকারই করেছে? এমন নিঃসহায় দীন-দরিদ্র, তার এতখানি মহৎ প্রাণ?

একমনে এই সব কথা ভাবছি, এমন সময়ে হঠাৎ বাবুটি ব্যস্তভাব দেখাতে দেখাতে ব'লে উঠলেন—“ওই যা! আধুলীটা,

মৃত্যুপথের যাত্রী

আধুলীটা কে নিলে? এই যে এইমাত্র এখানে রাখলুম!
কোথায় গেল?”

বাবুর সঙ্গে মজুরেরাও ব্যস্ত হ'য়ে উঠলো। খোঁজ, খোঁজ,
কিন্তু সেটা পাওয়া গেল না। বাবুটি বল্লেন—“সে কি কথা!
এইমাত্র বা'র করলাম, আর উড়ে গেল? তা হ'তেই পারে
না। নিশ্চয় তোরা কেউ সরিয়েছিস্। দেখি, তোদের গাঁট
দেখি।”

মজুররা ভয়ে ভয়ে তাদের সব দেখালে। কিন্তু আধুলী
বেরুলো না। তখন সন্দেহটা আমার উপর এসে পড়লো।
বাবুটি বল্লেন—“এই ছোকরাটিকে তো চিনি না। অথচ এ
আমাদের এক রকম গা ঘেঁষেই ব'সে আছে। ওর কাপড়-
চোপড় কেড়ে ঝুড়ে দেখতো।”

তখন সবাই মিলে আমাকে নিয়ে পড়লো।

ভিখারীর দেওয়া আধুলীটা আমার কোঁচার খুঁটেই বাঁধা
ছিল। খোঁজাখুঁজির কলে সেইটে তারা টেনে বার করলে।
তখন “চোর! চোর! আধুলী চুরি করেছে” বলে তারা সকলে
মিলে মহা গণ্ডগোল বাঁধিয়ে তুলে।

আমি কত বললাম, কত দিবি্য করলাম, কিন্তু সে কথা কে-ই
বা শোনে কে-ই বা মানে! বিশেষ, ভিখারীর কাছ হতে আধুলী
পেয়েছি শুনে তারা উপহাসের হাসি হাসতে লাগলো। বাবুটি
রেগে আগুন হ'য়ে উঠলেন। বিনা দোষে মার খেলাম খুব।
সঙ্গে সঙ্গে আধুলীটাও তিনি কেড়ে নিলেন। বল্লেন—“যা

মৃত্যুপথের যাত্রী

বেটা চোর ! অণ্ড কেউ হ'লে তোকে পুলিসে দিত । কিন্তু আমি নিতান্ত ভাল মানুষ বলেই তোকে ছেড়ে দিলাম । সাবধান আর কখনো পরের ধনে লোভ করবি না ।”

তারপর নোকো ঘাটে লাগতেই তারা সব চলে গেল । মাঝি খেয়ার পয়সা চাইতেই মহা মুস্কিলে পড়ে গেলাম । বললাম—“দেখলে তো ? আমার কাছে একটি মাত্র আধুলী ছিল, তাও বাবুটি মেরে ধ'রে কেড়ে নিলেন । আমি এখন পারের পয়সা কোথা থেকে দেবো ?”

মাঝি কিছুক্ষণ আমার মুখের দিকে চেয়ে রইলো । কি সে বুঝলো তা সেই জানে । শেষে বললে—“কি জানি বাবু ! ওরা বললে, তুমি চুরি করেছ । কিন্তু তোমার মুখ দেখে আমার তা মনে হয় না । যাই হোক, তোমার কাছে যখন আর পয়সা নেই, তখন আর ধরপাকড় করেই বা কি হবে ? যাও—তোমায় আর পয়সা দিতে হবে না ।”

তবু রক্ষে যে মাঝির কাছে আর মার খেতে হলো না । নিজের অদৃষ্টকে ধিক্কার দিতে দিতে আর মনে মনে ভদ্র-লোকটির মুণ্ডপাত করতে করতে বিমর্ষ মুখে গঞ্জের দিকে চললাম ।

দৃশ্য

পারের ঘাট থেকে রশি দুই দুই গঞ্জ । সে দিন হাটবার ।
দুপুর হ'তেই হাট বেশ জ'মে উঠেছে । লোকে লোকারণ্য ।
বেচাকেনা খুব জোর চলছে । হরেক রকম তরি-তরকারী,
কল-মূল, মাছ, খাবার আর শিল্পদ্রব্য এক এক স্থানে স্তূপীকৃত
হয়ে রয়েছে । বিস্তর ঝাঁকামুটে সারা হাটময় ঘোরাঘুরি করে
বেড়াচ্ছে ।

সবাই মহা ব্যস্ত । সকলেই একটা না একটা উদ্দেশ্য নিয়ে
ঘুরে বেড়াচ্ছে । তাদের মধ্যে আমিই কেবল উদ্দেশ্যহীন ।
আমার না আছে পয়সা, না আছে কোন কাজ । কেবল দারুণ
ক্ষুধার জ্বালা আমার পেটের মধ্যে আগুনের মত জ্বলছে ।

নিরুপায় ভাবে সারা হাটময় আমি ঘুরে বেড়াতে লাগলুম ।
বস্তা বস্তা মুড়ি, মুড়কী, বাতাসা পাইকারী দরে বিক্রী হচ্ছে ।
আমি সতৃষ্ণ নয়নে কেবল চেয়ে দেখি । রাশি রাশি পাকা
কলা, আম, কাঁঠাল, জাম, জামরুল ইত্যাদি স্তরে স্তরে সাজানো
রয়েছে । লোলুপ দৃষ্টিতে আমি কেবল সেগুলির দিকে চেয়ে
দেখি । পয়সা নেই যে সামান্য কিছু কিনে খাই, আবার কারো
কাছে চাইতেও সাহস হয় না—কি জানি, শেষে কি আবার
হাটের মধ্যে মার খেয়ে ম'রবো ?

তখন আধুলীটার কথা কেবলই মনে হ'তে লাগলো ।
হাঁয়রে ! সেটা থাকলে কি আজ আমাকে এই হাটের মধ্যে

কিভাবে কষ্ট পেতে হ'তো ? দু'পয়সার কিছু খেয়েও তো জল খেতে পারতুম ? আমার কষ্ট হবে ভেবেই সেই দীন ভিখারী তার সামান্য পুঁজি থেকে তা দান করেছিল। আর সেটা কিনা একজন অবস্থাপন্ন ভদ্রলোক জোর করে ছিনিয়ে নিলে ? তাও এল্লি নয়—রীতিমত মার দিয়ে।

কথাটা মনে হতেই, বুকটা আমার টন্ টন্ করে উঠলো। চোখ ফেটে আপনা আপনিই ঝরে পড়লো ফোঁটাকতক চোখের লোনা জল। একটা দীর্ঘ নিঃশ্বাস কেলে, এক স্থানে আমি চুপ করে দাঁড়িয়ে পড়লাম। ঠিক সেই সময়ে একটি ভদ্রলোক প্রকাণ্ড একটা কাঁঠাল হাতে করে আমার কাছে এসে বলেন :

“ওহে ছোকরা ! মোট বয়ে থাকিস্ ? এই কাঁঠালটা নিয়ে যেতে পারবি ?”

বললাম—“আজ্ঞে হ্যাঁ। কতদূর যেতে হবে ?”

ভদ্রলোক বলেন—“এই কাছেই। আধপোয়াটাক পথ হবে। নে, ধর—দু'পয়সার বেশী পাবি না কিন্তু।”

কথার সঙ্গে সঙ্গে কাঁঠালটা তিনি আমার মাথায় চাপিয়ে দিলেন। আমিও কোন ওজর আপত্তি না করে, কাঁঠাল নিয়ে তাঁর পিছনে পিছনে চললাম।

ভদ্রলোক বলেছিলেন “আধপোয়া পথ” কিন্তু চলতে গিয়ে দেখি যে আধপোয়া আর ফুরোয় না। তিন চারটে মোড়, দুটো বাগান পার হয়ে এক মাইলের উপর এলাম, তবু তাঁর বাড়ীর নাগাল পেলাম না। এদিকে প্রায় পনেরো সের

মৃত্যুপথের যাত্রী

ওজনের কাঁঠালটা আমার মাথায় ক্রমেই চেপে বসতে লাগলো। পেটে অন্ন নেই, মাথায় দারুণ বোকা—চৌদ্দ বছরের ছেলের পক্ষে সেটা সোজা কথা নয়।

ভদ্রলোককে জিজ্ঞাসা করতে তিনি বললেন—“ওই যে সুমুখে ওই বটগাছের ও-পাশেই। এরই মধ্যে এলিয়ে পড়লি? আচ্ছা বাবু মুটে তো? দুটো পয়সা কি অল্প আসে হে ছোকরা? রোজগার এত সোজা নয়।”

শরীরটা যেন রি রি করে উঠলো। আচ্ছা পাষণ্ড লোক তো! ইনি আবার ভদ্রলোক? হাড়ী, মুচি, চামারদের যেটুকু বিচার-বিবেচনা আছে, এঁর তার শতাংশের এক অংশও নেই। তবু ইনি বাবু?

ষাক্। আমি কোন উত্তর দিলাম না। মনে মনে গজরাতে গজরাতে কাঁঠাল নিয়ে চলতে লাগলাম।

আরও পোয়াটাক গিয়ে তাঁর বাড়ী পেলাম। কাঁঠালটা তিনি ঘরে তুললেন কিন্তু পয়সা দিতে ইতস্ততঃ করতে লাগলেন। আমার তখন ক্ষিদে অসহ্য হয়ে উঠেছে। ভাবছি পয়সা দুটো পেলেই যা হোক কিছু কিনে খাবো। একটা চিড়ে মুড়কীর দোকানও সেখানে রয়েছে দেখলাম। কিন্তু পয়সা যে তিনি দেবার নামটি করছেন না। ব্যাপার কি!

শেষে আর সহ হ'লো না। বললাম—“দিন না মশাই পয়সা দুটো। আধপোয়া বলে দেড় মাইল তো টেনে আনলেন। এখন পয়সা দুটো দিন।”

মৃত্যুপথের যাত্রী

তাতেই ভদ্রলোকের মানে যা লেগে গেল। মুচি-মুদ-ফরাসের মত আচরণ করতে লজ্জা হয় না, কিন্তু গরীবের মুখে একটি গাঘ্য কথা শুনলেই মহা অপমান হয়ে পড়ে। দেখলাম যে ইনি এই রকমের ভদ্রলোক! আমার কথায় রেগে গিয়ে তিনি উত্তর করলেন :

“কি! যত বড় মুখ নয়, তত বড় কথা! আমি তোমার কাছে মিথ্যে কথা বলেছি? ব্যাটা ছোটলোক! ব্যাটা পাজী!”

বললাম—“আজ্ঞে হ্যাঁ। ছোটলোক না হলে, মোট বইতেই বা আসবো কেন? তা, পয়সা দুটো দিন। আমায় আবার অতদূর ফিরতে হবে তো?”

বাবুটির গৃহিণী তখন সেখানে এসে দাঁড়িয়েছেন। তিনি বলে উঠলেন—“বাবা! এতটুকু ছেলে, টক্ টক্ করে উত্তর করে তো খুব। সাথে কি বলে ছোটলোক? তা বাছা! তোমার পয়সা কি দেবো না বলেছি? তবে শুধু একটা কাঁঠাল বয়েই দু-দুটো পয়সা নেবে? এই চালা কাঠ ক’টা তুলে দাও, পয়সা দিচ্ছি।”

তিনি আমাকে উঠানের মাঝখানে রাশিকৃত প্রায় এক গাড়ীটুকু চালা কাঠ দেখিয়ে দিলেন।

কি সর্বনাশ! এই কাঠের রাশ আমায় তুলতে হবে? তবে আমি পাব মজুরীর দুটো পয়সা? এরা মানুষ না পিশাচ! ভাবলাম, ওদের পয়সার মাথায় কাঁটা মেরে তখনই চলে আসি।

মৃত্যুপথের যাত্রী

কিন্তু তখন বড়ই নিরুপায়। তেমন অবস্থায় ওই দুটো পয়সা আমার কাছে দু'টাকা। কাজেই তার মায়া ছাড়তে পারলাম না।

আধঘণ্টা খেটে, কাঠগুলো তুলে দিলাম। তাতেও নিষ্ফলি নেই। যেমন চামার বাবু তেন্নি চামারণী তাঁর গৃহিণী। তার আদেশে শেষে উঠোনটাও কাঁট দিয়ে তবে রেহাই পাই। ভদ্রলোকেরা গরীবদের খাটিয়ে কি রকম মজুরী দিয়ে থাকেন, সেদিন তা হাড়ে হাড়ে বুঝতে পারলাম।

তখন অপরাহ্ন এসে গিয়েছে। ক্ষিদেয় আর দাঁড়াতে পারছি না। পয়সা দুটো পেয়েই, সেই দোকান থেকে দু'পয়সার যবের ছাতু কিনে নিলাম। নিকটেই একটা পুকুর ছিল। কোঁচার মুড়োয় ছাতু বেঁধে সেই পুকুরের জলে ডুবিয়ে তা ভিজিয়ে নিলাম। তারপর রান্নাঘরের মত সেগুলো খেয়ে, আঁজলা আঁজলা করে পুকুরের জল পান করতে, তবে প্রাণটা বাঁচলো।

কিন্তু দেহ আর বইতে চায় না। এদিকে সন্ধ্যা হয়ে আসছে। যেখানে হোক এক জায়গায় শুয়ে রাতটা কাটিয়ে দিতে হবে। কিন্তু অপরিচিত গ্রামে থাকতে সাহস হয় না। আবার কি চোরের বদনাম নিয়ে মার খেয়ে ম'রতে হবে? এ গ্রামের একটা গৃহস্থের যা নমুনা দেখলাম, তাতে এটাকে ভদ্র-পল্লী বলতে ইচ্ছা হয় না। অগত্যা আবার সেই গঞ্জের দিকেই চলতে শুরু করলাম।

মৃত্যুপথের যাত্রী

তখন হাট ভেঙে গিয়েছে। বড় বড় চালাগুলো সব খালি ; তারই একটাতে গোটাকতক কুড়োনে খড় পেতে শয্যা রচনা করে নিলাম। দেহটা ক্লান্ত হয়েছিল খুবই। কাজে কাজেই শুতে না শুতে একবারে অঘোরে ঘুমিয়ে পড়লাম।

যখন ঘুম ভাঙলো, তখন বেশ সকাল হয়ে গিয়েছে। একজন মেথর আর একটা মেথরাণী হাট ঝাঁট দিতে শুরু করেছে। আমাকে দেখে মেথরাণী বললে—“তুমি তো দেখছি ভদ্রলোকের ছেলে বাবু ! তবে হাটের চালায় একা একা শুয়েছিলে কেন ? এখানে যে নেকড়ে বাঘ আসে বাবু !”

বললাম—“কি করি বলো ? বিদেশী লোক। কেউ হয়তো বিশ্বাস করে জায়গা দেবে না। তাই এই হাটেই পড়েছিলুম।”

মেথরাণী অবাক হয়ে কিছুক্ষণ আমার দিকে চেয়ে রইলো। পরে বললে—“যাবে কোথায় ?” বললাম—“বেরিয়েছি কাজের সন্ধানে। কোথায় যে কাজ মিলবে, তা তো জানি না।”

“ও মোর কপাল! তুমি কাজ খুঁজতে এসেছ এই গাঁয়ে ? এখানে সব চাষী লোকের বাস। ভদ্র নোকেরাও চাষবাস করে খায়। এখানে কি চাকরী মেলে ? তবে যদি রায়পুরে যেতে পারো তো একটা আধটা কাজ মিলতে পারে। কিন্তু সে তো এখান থেকে পনেরো ক্রোশ। পারবে ততদূর যেতে ?”

পনেরো ক্রোশ ? বাবা ! সে তো তা হ'লে দুদিনের পথ। এ

মৃত্যুপথের যাত্রী

তুদিন কি খেয়ে পথ চলবো ? তারপর সেখানে পৌঁছলেই তো আর কাজ মিলবে না ? সে কয়দিনই বা কি করে চলবে ? পোড়া পেটই দেখছি আমার কাল হ'য়ে উঠলো ।

আধুলীটার কথা আবার মনে পড়লো । খোঁড়া ভিখারী এই কথা ভেবেই তার সামান্য পুঁজি থেকে আমাকে সেটা দান করেছিল । সে ভুক্তভোগী, নিঃসম্বলের যে কত কষ্ট, সে তা ভাল রকমেই জান্ত । আর সে আমাকে সত্যি সত্যিই ভাল বেসেছিল । প্রবাসে, অনির্দিষ্টের পানে চলতে গিয়ে পেটের চিন্তাটাই যে আমার প্রধান অন্তরায় হয়ে দাঁড়াবে, সে তা স্পষ্ট ভাবেই বুঝে নিয়েছিল । তাই আমাকে সে চিন্তার হাত থেকে যথাসম্ভব নিকৃতি দেবার জন্মেই এমন পীড়াপীড়ি করেও সে তার কতদিনের ভিক্ষার সঞ্চয়টি অবাধে, সরলান্তঃকরণে আমার হাতে তুলে দিয়ে বলেছিল—“দেশের যে রকম হাওয়া, তাতে সবদিন যে ভাত জুটবে তা মনে করো না । ছেলেমানুষ—ক্ষিদেয় কষ্ট পাবে ? এটা থাকলে তবু মাঝে মাঝে কিছু কিনে খেয়ে দিন কাটাতে পারবে । একদম রিক্তহস্ত হয়ে কি বিদেশ-বিভূঁয়ে যাওয়া চলে ?”

ওঃ ! ভিখারী কতখানি চিন্তাই করেছিল আমার জন্মে ! আমার বাবা কখনো আমার জন্মে এর সিকি ভাবনা ভাবেন নি ; জ্ঞাতিরা তো নয়ই । এক ছিল ইচ্ছের মা, যে তার শক্তি দিয়ে সাধ্যমত আমার উপকার করতে চেয়েছিল । কিন্তু আমার ভাগ্যদোষে হঠাৎ মৃত্যু এসে তা'কে তুলে নিয়ে গেল ! এই

মৃত্যুপথের যাত্রী

কি ভগবানের বিচার ? সাথে কি ভিখারী বলেছিল যে ভগবান নেই ? ওটা যত সব ভণ্ড বদ্মায়েসদের ধাম্বাবাজি ? ভগবান থাকলে কি আর সেই ভিখারীর দেওয়া আধুলীটা আমার মত নিঃসহায়, নিঃসম্বল দীন-দরিদ্রের হাত থেকে একটা অজানা, অচেনা, অর্থবান ভদ্রলোক মারধোর করে ছিনিয়ে নিতে পারতো ?

একমনে এই রকম কত কথাই ভাবছি দেখে মেধরাণী বলে—“বুঝেছি বাবু ! তুমি বড় ভাবনায় পড়েছ। কিন্তু কি করবে বলো ? গরীবের ভাবনা ছাড়া আর আছেই বা কি ? তা এক কাজ করো বাবু। তোমাকে দেখে আমার মায়া হচ্ছে, তাই বলছি।

ওই যে ওধারে একটা চালের আড়ৎ দেখছ, ওটা হ'লো হরি বাবুর। তিনি খুব ভাল লোক। প্রতি হাটের পরদিন তাঁর এক গাড়ী ক'রে ধান রায়পুরের ধানকলে পাঠান চাল তৈরী করাতে। আজও যাবে। তাঁকে রাজী করাতে পারলে, চাই কি সেই গাড়ীতেই যেতে পারো। দেখ না ওঁকে যদি রাজী করাতে পারো।”

পরামর্শটা মন্দ লাগলো না। দেখলুম, মেধরাণী হ'লে কি হয়, তার মনটা বেশ সরল, আর সে আমাকে স্ন্যুক্তিই দিয়েছে। তারই কথামত আমি হরি বাবুর কাছে গেলাম আর তাঁকে আমার দুর্দশার কথা খুলে বললাম।

হরি বাবু ধনী ব্যবসাদার হ'লে কি হয়, তিনি বাবু মোটেই

মৃত্যুপথের ষাত্রী

নন্। নিজেকে তিনি ভদ্রলোক ব'লে পরিচয় দিতেও চান না। পরণে একটা আধময়লা পাঁচহাতি কাপড় আর গলায় মালা—কে বলবে যে তিনি হরি বাবু আর অতবড় একজন আড়ৎদার ?

গলায় পৈতে দেখেই তিনি আমাকে একটা লম্বা চওড়া প্রণাম করে বসলেন। দেখলাম ব্রাহ্মণের প্রতি তাঁর অগাধ ভক্তি। অথচ এই ব্রাহ্মণেরাই আজকাল কত নীচ, কত হীন হয়ে পড়েছে ! হরি বাবু প্রণাম করতেই এই কথা ভেবে আমার নিজেরই মনে লজ্জা হতে লাগলো :

যাক্। আমার সব কথা তাঁকে খুলে বললাম। তিনি জিভ কেটে উত্তর দিলেন—“সে কি ! আপনি ব্রাহ্মণ, তায় ছেলেমানুষ ! বিদেশে এসে এমন মুস্কিলে পড়ে গিয়েছেন। আপনাকে একটু সাহায্য করবো এ তো আমার ভাগ্যের কথা। টাকা নয়, কড়ি নয়, শুধু গাড়ীতে বসে যাবেন। তাতে আর আপত্তি করবার আছেই বা কি ? গাড়ী তো আমার যাচ্ছেই—তা নয় আপনি একজন সঙ্গী হ'লেন। 'সে তো ভাল কথাই। তা বেশ। যখন পায়ের ধূলো দিয়েছেন তখন এবেলা এখানেই রসুই করুন, খান-দান, তারপর বৈকালে রওনা হবেন। ব্রাহ্মণ মানুষ—দেবতা। আমার বাড়ী এসে কি অভুক্ত থাকবেন ? তা তো হয় না!”

হাতে হাতে যেন স্বর্গ পেয়ে গেলাম। ভাগ্যিস্ মেথরাণীর কথা শুনে এখানে এসেছিলাম ! তাইতো এতটা সুবিধে হয়ে

মৃত্যুপথের যাত্রী

গেল। নীচ জাতি বলে ঘৃণা করলে কি আজ কফের অবধি থাকতো ?

হরি বাবু যথেষ্ট সেবা করলেন। স্নানান্তে নিজেই পাক করলাম। আতপ চাল, ঘি, আলুভাতে, দুধ, চিনি, কলা— একবারে রাজভোগ ! হরি বাবু আমারই পাতে প্রসাদ পেলেন। আমি আশ্চর্য্য হয়ে গেলাম ব্রাহ্মণদের ওপর তাঁর এই ভক্তি দেখে।

বৈকাল চারটের সময় মোষের গাড়ী ছাড়লো। গাড়ীতে বত্রিশ বস্তা ধান। সওয়ার আমি আর একটা গাড়োয়ান। গাড়োয়ানকে আবশ্যকীয় উপদেশ দিয়ে, হরি বাবু আমায় আবার প্রণাম করলেন। তারপর প্রণামী স্বরূপ আমার হাতে দিলেন একটি টাকা। বল্লেন—“ব্রাহ্মণ আপনি—অপরাধ নেবেন না, এটি আপনার পথে জল খাবার জন্যে।”

আপত্তি করতে সাহস হ'লো না। খুসী মনেই টাকাটা নিলাম। তারপর গাড়ী ছেড়ে দিলে।

এগারো

একে ঘোষের গাড়ী, তায় পুরোদস্তুর বোঝাই। কাজেই পথ যেন আর এগোয় না। বেলা চারটে থেকে চলতে শুরু করে, রাত বারোটোর সময় একটা আড্ডায় এসে থামলো। দূর পথের গাড়োয়ানরা সেই খানেই রৈঁধে বেড়ে খায়। আমার সঙ্গী গাড়োয়ানটাও গাড়ী খুলে দিয়ে, ঘোষ দুটোকে জাব দিলে। তারপর সে রান্না শুরু করলে।

আমার পেট তখনও ভার—কাজেই আমি আর কিছু খেলাম না। ততক্ষণে ধানের বস্তার ওপর শুয়ে নিশ্চিন্ত মনে ঘুমোতে লাগলাম। গাড়োয়ান খাওয়া দাওয়া শেষ করে আবার দুটোর সময় গাড়ী ছেড়ে দিলে।

রায়পুরের ধানকলে পৌঁছলাম পরদিন বেলা দশটায়। গাড়োয়ান তার নিজের কাজে মন দিলে। আমিও তার কাছ থেকে বিদায় নিয়ে চললাম ওই গ্রামের কোথাও একটা কাজের সন্ধান করতে।

কিন্তু সারাদিন ঘুরেও কোন উপায় করতে পারলাম না। একে বিদেশী, তায় ছেলেমানুষ। কাজেই কথা বললেই লোকে হেসে উড়িয়ে দেয়। কেউ কেউ ঠাট্টা করতেও ছাড়ে না। কেউ বলে—“চেহারাটা আছে ভাল—যাত্রার দলে মেশো না কেন হে ছোকরা! মাইনেও পাবে, আর খেতেও দেবে।” কেউ বলে “গরু চরাতে পারবে? বলো তো দামু ঘোষকে বলে দি। সে

মৃত্যুপথের ষাত্রী

তোমাকে পেটভাতে রাখলেও রাখতে পারে।” একটি বড় লোককে চাকরীর কথা বলতেই তিনি মহা বিরক্ত হয়ে উঠলেন। বললেন—“নাঃ। হা-ঘরে ব্যাটারদের জ্বালায় দেশে আর বাস করা গেল না। যে ব্যাটা আসে, সেই বলে “দাও চাকরী।” তারপর তিনি আমাকে লক্ষ্য করে বললেন,—“কি হে ছোকরা! জল তোলা আর বাসন মাজার কাজ করতে পারবে? এই জন পঞ্চাশের কাজ। প্রথম ছ’মাস মাইনে পাবে না কিন্তু—তা ব’লে দিচ্ছি। আর, এই দেশেরই কোন লোককে জামিন রাখতে হবে। পারবে?”

বুঝলাম ওর কাছে চাকরীর আশা করা বৃথা। কাজ যেমনই হোক, তায় আবার জামিন চাই। কাজেই নমস্কার ক’রে চ’লে এলুম।

এর পর তিন চার দিন নানা জায়গায় চেফটা করতেই কেটে গেল।

হরি বাবুর টাকাটি আছে তাই রক্ষে। দু চার পয়সা করে খাই আর রাতে যেখানে হোক এক জায়গায় পড়ে থাকি। সারাদিন কাটে কেবল চাকরীর সন্ধান করতে করতে।

শেষে একটা সামান্য গোছের চাকরী জোগাড় হয়ে গেল। একটি কায়স্থ ঘরের মেয়ে বাপের বাড়ী এসেছিলেন বেড়াতে। তাঁর কোলে একটি খোকা। তিনি আমাকে তাঁর খশুর বাড়ী নিয়ে যেতে চান। ছেলে ধরা আর দোকান বাজার করা—এই শুধু কাজ। তারপর বিশ্বাসী হয়ে থাকলে তার জমিদার

মৃত্যুপথের যাত্রী

শশুরকে বলে আমার অনেক কিছু ভাল করে দেবেন। মাইনে, খোরপোষ আর দুই টাকা।

অন্য আশা আর নেই। কাজেই তাতে রাজী হয়ে গেলাম এবং পর দিনই তাঁর সঙ্গে আরো দশক্রেণ্ড দূরে রাখানগরে চল্লাম চাকরী করতে। রাখপুরের পাশেই নদী। নৌকো চড়ে আমরা চল্লাম রাখানগরে।

বার্নো

স্বাধীনগরে এসে বুঝতে পারলাম যে বড় লোকগুলি যেন আর এক ভগবানের সৃষ্টি। তাদের জীবনের আড়ম্বর খুব, কিন্তু তার মধ্যে হৃদয় নেই। স্বার্থপরতা তাদের শিরায় শিরায় অস্থিতে অস্থিতে মজ্জাগত। নিজেদের সুখ-স্বচ্ছন্দতা তারা এত বেশী বোঝে যে, তার জন্যে তারা গরীবদের রক্ত মাংসে গড়া মানুষ বলে স্বীকার করতেই চায় না। মনে একটা প্রশ্ন হ'ল, বড় লোকগুলি কি গরীবদের শত্রু হ'য়ে জন্মে থাকে? যে ক'টি বড়লোকের সম্বন্ধে আমার অভিজ্ঞতা তাদের সবাই ঠিক ঐরূপ।

যে মেয়েটির শশুরবাড়ী চাকরী করতে এসেছি তাঁরা খুব বড়লোক—জমিদার। আমার মত আর পাঁচ ছয়টি চাকর তাঁদের রয়েছে। আমাকে তাদের দলে ভর্তি হ'তে দেখে অবধি তারা ঠাঠাঠা আমাকে কত কি যেন বলতে চেষ্টা করতো, কিন্তু আমি তাদের কোন কথাই বোঝবার চেষ্টা করিনি।

এক সপ্তাহ যেতে না যেতেই বুঝতে পারলাম যে, সে-বাড়ীতে কাজ করা দুঃসাধ্য। বাড়ীর ছোট খোকাটি থেকে বুড়ো কৰ্ত্তা পর্যন্ত প্রত্যেকেই এক একজন মস্ত মনিব। তাদের নানা জনের নানা হুকুম তামিল করা মানুষের সাধ্য নয়। আবার হুকুম পালনে এক মিনিট বিলম্ব কি ক্রটি হলেই

মৃত্যুপথের বাতী

আর রক্ষে নেই। হাতে মাথা কাটবার জগ্গে তখনি বিশটা হাত 'রে রে রে' করে তেড়ে আসবে।

এদিকে কিন্তু চাকরদের খাওয়ার দিকে দৃষ্টি করবার মত লোক একজনও নেই। দুপুরের ভাত খেতে চারটে বেজে যায়—তাও যা খাবার, সে বুঝি কুকুরেরও অখাণ্ড। ভোর বেলা কোন জলখাবারের নাম গন্ধও নাই। তা ছাড়া, কথায় কথায় প্রহার আর ভাতবন্ধ প্রায় নিত্য নৈমিত্তিক ব্যাপার।

বাবুদের আর বাড়ীর মেয়েদের কিন্তু সারাদিনই ভোজ লেগে আছে। তাঁদের যেমন রকমারী খাওয়ার ঘটনা, তেমনি রকমারী খেয়াল। তাঁদের পিছনে ছুটোছুটি করতে করতে এক ঘটা জল খাওয়ারও সময় পাওয়া যায় না।

পনেরো দিন কাজ করলাম, তার মধ্যে পাঁচদিন ভাতবন্ধ। কানমলা, চড় চাপড় তো আছেই। দুদিন কর্তা বাবুর কাছে বেতও খেলায় বিলক্ষণ। অপরাধ, একদিন খোয়া জাজিমের ওপর কালির দোয়াত উল্টে দেওয়া আর একদিন একটা কলকে ভাঙা। কিন্তু আশ্চর্য্য যে, একটা লোকও তার জগ্গে একটু আহা উল্ল করলে না।

চাকরীর সখ্ মিটে গেল। এখন পালাতে পারলেই বাঁচি। কিন্তু হাতে আর কিছু নেই। হরি বাবুর টাকার যে কয় আনা অবশেষ ছিল, তা বাবুদের বাজারে গচ্ছা দিতেই শেষ হয়েছে। ভাবলাম পনেরো দিনের মাইনেটা যদি পাই তাহলেও একটা

মৃত্যুপথের বাকী

টাকা হবে। তাই নিয়ে যেখানে হয় সরে পড়বো। তারপর যা আছে কপালে।

কিন্তু চাকরদেরই কাছে জানলাম যে, এ বাড়ীতে মাইনে দেওয়ার রেওয়াজ নেই। তারা কেউ এক বছর, কেউ দু বছর কাজ করছে, কিন্তু আজ পর্যন্ত একটি পয়সা মাইনে ব'লে পায়নি। মাইনে চাইলেই চোর বদনাম নিয়ে পুলিশের গুঁতো খেতে হবে। দু একজনের সেই দশাই হয়েছে।

কি সর্বনাশ! এর নাম জমিদারের বাড়ী চাকরী? এর নাম বড় লোকের অন্ন? এখান থেকে পালাতে পারলে যে বাঁচি। কিন্তু পালাতে গেলেও লুকিয়ে পালাতে হবে। নইলে বাবুরা জানতে পারলে তখনই হয়তো একটা ফাসাদে পড়ে যেতে হবে।

যাই যাই করে আরো ক'টা দিন কাটলো। সুর্যোগ আর আসে না। ইতিমধ্যে আরো অনেক কিছু দেখতে ও জানতে পেলাম। জমিদার যে কি ভয়ানক জীব, তা জেনে আমার সারা দেহ আর মন বিষের জ্বালায় জ্বলে যেতে লাগলো। ভাবলাম, সব জমিদারই কি এইরকম? তখনই সঙ্কল্প করলুম, "হে ভগবান! যদি কখনো সুর্যোগ পাই তবে এইরকম বড় লোকদের যেন সর্বনাশ করতে পারি। আমার জীবনের প্রধান সাধনাই যেন হয় অত্যাচারী বড়লোকদের সর্বনাশ সাধন। তখন খাজনা আদায়ের ভরা মরশুম। লাটের কিষ্টি মেটাবার জন্মে নায়েব, গোমস্তা, কারকুন, পাইক, পেয়াদা সকলে পাগলা

মৃত্যুপথের বাতী

কুকুরের মত গরীব প্রজাদের ওপর হানা দিতে শুরু করেছে। খাতির নেই, কৈফিয়ৎ নেই, বিচার-বিবেচনা করবারও কিছু নেই। টাকা দাও—টাকা টাকা। ধান হয়নি, পাট হয়নি, অজন্মা, অনাহার, রোগ, শোক, মৃত্যু—ওসব অছিল চালের মট্‌কায় তুলে রাখো। আগে টাকা বের করো, তারপর ওসব কথা। গরীব প্রজারা দুচোখে অন্ধকার দেখতে লাগলো।

বাবুরা একেবারে রুদ্ধ মূর্ত্তি ধ'রে বসেছেন। প্রজাদের কান্নাকাটি, অনুনয়-আবেদন কিছুতেই তাঁরা কান দিতে নারাজ। লাটের কিস্তির বেলা দয়া মায়া দেখাতে গেলে কি চলে? টাকা দাও—নইলে যে উপায়ে হোক, তা আদায় করে নেওয়া হবে।

এতদিন যা কিছু আদায় হয়েছে, তা সব বাবুয়ানী, সখ সৌখিনতা, আর বদখেয়ালের পিছনেই গিয়েছে। এখন প্রজার বুকের রক্ত শোষণ করে জমিদারী রক্ষা করা চাই। তাতে প্রজা মরুক বা বাঁচুক তা দেখবার ভার সেই জমিদারের নয়। তাই টাকা সংগ্রহের জন্য গরীব প্রজাদের ওপর জুলুম, অত্যাচার, অবিচার আর নিশ্চয়তার চরম অভিনয় আরম্ভ হয়ে গেল।

নিত্য দেখি, পাইকরা জমিদার বাবুর কাছে দলে দলে গরীব প্রজাদের ধ'রে আনছে। তাদের কি সাজা! কি দুর্গতি! কি কষ্টভোগ! কাকেও বা সারাদিন প্রচণ্ড রোদে দাঁড় করিয়ে রাখা হয়েছে। তৃষ্ণায় ছাতি ফাটবার উপক্রম করলেও হাজার অনুনয় সত্ত্বেও এক ঢোক জল তাকে দেবার হুকুম নেই। কাকেও বা জল-বিছুটী—সে পরিত্রাহি চীৎকার

মৃত্যুপথের যাত্রী

করতে করতে লাফালাফি শুরু করে দিয়েছে। কাকেও নিশ্চয়ম বেত্রাঘাত। বেচারার সারা শরীর ক্ষত-বিক্ষত ও রক্তাক্ত হয়ে গেছে!

এদিকে প্রজাদের গোলা শূন্য করে, তাদের খোরাকী খান গাড়ী বোকাই করে আনা হচ্ছে। তারা হয়তো অন্নের অভাবে অনাহারেই মারা যাবে। কিন্তু সে বিবেচনা করবে কে? খাজনা দাও, নইলে এই খান বেচে যতদূর সম্ভব তা আদায় করা হবে।

প্রজাদের গাই, বাছুর, চাষের বলদ, ছাগল, ভেড়া—সব ধরে এনে জমিদারের খোঁয়াড়ে ভর্তি করা হচ্ছে। টাকা দাও, তবে এসব খালাস করে দেওয়া হবে। নইলে এ সব নিলাম করে আদায় করা হবে জমিদারের খাজনার টাকা।

পুকুরের মাছ, ক্ষেতের ফসল, গাছের ফল, জোর জবর-দস্তির সঙ্গে উঠিয়ে আনা হচ্ছে। তার বেশীর ভাগই হয়ে যাচ্ছে লুট। অবশেষে যা থাকে তা জমিদারের খরচের দাবীতেই শেষ হয়ে যায়। প্রজার দেনার এক কণাও তাতে শোধ হয় না।

চক্ষের উপর এই সব রোজই দেখি, আর গায়ের জ্বালায় ছট্-ফট্ করে মরি। ওঃ! এর নাম জমিদারী? এমন নিষ্ঠুর লোককে বলে জমিদার? আর তিনিই হচ্ছেন আমার মনিব?

জীবনে কষ্ট অনেক পেয়েছি। চৌদ্দ বছর বয়সেই মানুষের সম্বন্ধে অভিজ্ঞতা যেটুকু লাভ হয়েছে তাতে মনটা তিক্ত হয়ে

মৃত্যুপথের যাত্রা

উঠেছে খুবই। এর আগে আমার মন বড় লোকদের বিরুদ্ধে এতটা বিদ্রোহী হয়ে ওঠেনি। এখন এই সব পৈশাচিক আচরণ স্বচক্ষে দেখে আমার প্রাণের ভিতরে যেন একটা রাক্ষসের প্রতিহিংসা মাথা চাড়া দিয়ে উঠতে লাগলো।

মনে মনে ভগবানকে ডেকে বলতে লাগলাম—“শক্তি দাও ভগবান! শক্তি দাও! সুখ চাই না, বিলাস চাই না, মান-সম্মত, ঐশ্বর্য কিছুতেই আমার দরকার নেই। শুধু আমাকে শক্তি দাও, যেন তারই সাহায্যে গরীবের মহাশত্রু এই বকম বড়লোকদের আমি ধ্বংস করতে পারি।

যাক। এর পরই একটা সুযোগ এসে গেল। নদীর পরপারে বনকালীর মন্দির। সেখানে পূজো পাঠাতে হবে। চাকরদের মধ্যে আমি ছেলে মানুষ—তায় ব্রাহ্মণ। আমাকেই নদী পার হয়ে সেখানে পূজো দিয়ে আসবার হুকুম হ'য়ে গেল।

একটা তামার থালায় কিছু ফল মূল, ফুল বিলপত্রাদি নিয়ে চললাম সেখানে পূজো দিতে।

পূজো ঠিক পৌঁছে দিলুম বটে, কিন্তু আমি আর ফিরলাম না। শুধু হাতে, নিঃসম্মত অবস্থায় মাঠের পথ ধরে আবার সেই ক্রোশের পর ক্রোশ ভেঙ্গে চললাম—কোথায় কোন অনির্দিষ্টের অভিমুখে।



জান হলে দেখলাম, আমার মাথার কাছে এক দেবীরূপিণী বিধবা বসে আছেন।

—১০২ পৃষ্ঠা

ভেরো

চললাম বটে, কিন্তু সে চলার শেষ আর মেলে না। সেদিকে মাঠের পর মাঠ, তার পরে মাঠ। মাঝে মাঝে এক একটা বিল, জলা বা জঙ্গল। চাবের ক্ষেত বড় একটা চোখে পড়ে না। মাঠে কেবল খড় আর কাঁটা গাছের রাজ্য। না জেনে শুনে এমন পথে পা দিয়েছি বুঝে বুঝটা বড়ই দমে গেল। তবু যথাসম্ভব জোরে জোরে চলতে লাগলাম—কেবল আশায় ভর করে।

ক্রমে দুপুর উত্তীর্ণ হয়ে গেল। তৃষ্ণায় প্রাণ যায়। শেষে একটা জলায় নেমে তাঁজলা করে জল খেয়ে নিলাম। তারপর আবার চলতে লাগলাম, কোন একটা লোকালয় পাবার আশায়।

শেষে একটা নানা রকম গাছঘেরা গ্রাম চোখে পড়লো। কিন্তু সেটা অনেক দূরে—বোধ হয় তখনও দু'ক্রোশ। দ্বিগুণ উৎসাহে সেই দিকেই পা চালিয়ে দিলাম।

কিন্তু অল্প দূর যেতে না যেতেই বুঝতে পারলাম, আমার শরীর যেন কেমন কেমন হ'য়ে আসছে। মাথা বেজায় ভার, সেই সঙ্গে বমির একটা তীব্র ভাব। এক মুহূর্তে মহা অসুস্থ হ'য়ে পড়লাম। বুঝলাম,—জলার পচা জল খেয়েই আমার এমন দশা উপস্থিত হয়েছে।

কিন্তু উপায় নেই। চলতেই হবে। নইলে সেই তেপান্তর

মৃত্যুপথের যাত্রী

মাঠের মধ্যেই মরণ অনিবার্য। পারি না পারি না করেও তাই
প্রাণপণে ছুটে চললাম সেই গ্রামটির দিকে।

গ্রামের সীমা পেলাম ঠিক সন্ধ্যায়। প্রথমেই একটা নদীর
বাঁক। আমার ডান দিক থেকে এসে ঠিক সেইখানটিতে নদীটা
বঁকে গিয়েছে। নদীর ধারে একসঙ্গে দুটো তাল গাছ দাঁড়িয়ে
আছে। তার রশি দুই তফাতেই দেখা যাচ্ছে লোকালয়।
ভাবলাম প্রথমেই যে বাড়ী পাবো, সেখানেই আশ্রয় নিতে
হবে।

কিন্তু তাল গাছের কাছে আসতেই হঠাৎ শুরু হলো বমি।
সঙ্গে সঙ্গে কি ভয়ানক কাঁপুনি! সাধ্য কি যে আর এক পাও
এগোই! দাঁতের উপর দাঁত যেন চেপে বসতে লাগলো। দম
আর ফেলতে পারি না। জীবনের আশা ছেড়ে দিয়ে সেই-
খানেই মুখ খুঁড়ে পড়লাম। তারপর কখন যে চৈতন্য লোপ
পেয়ে গেল, তা বলতে পারি না।

সারা রাত কোথা দিয়ে কেটে গেল জানি না। সকালেও
সেই অবস্থা। একবার শুধু ক্ষণিকের জ্ঞান বোধ হ'লো কে যেন
আমায় কি বলছে। কিন্তু পরক্ষণেই আবার বেহ'স্ হয়ে
পড়লাম।

এরপর যখন আবার জ্ঞান হ'লো, তখন বুঝলাম যে আমি
একটা বিছানার উপরে শুয়ে আছি। আমার শরীরে আর
কিছুই নেই। অতিকষ্টে ঘাড় ফিরিয়ে দেখলাম, আমার মাথার
কাছে একজন দেবীরূপিণী বিধবা বসে আছেন। তাঁর চোখ

মৃত্যুপথের যাত্রী

দুটীতে কি অসীম করুণার ভাব মাথা ! তাঁর মুখখানিতে কি অগাধ মমতা আর সান্ধনার অভিব্যক্তি !

বিস্মিত ও মুগ্ধ দৃষ্টিতে আমি তাঁর দিকে চেয়ে দেখতে লাগলাম ।

ইনিই আমার মা—তোমার স্ত্রী অনিতার জননী । মানুষীর ছদ্মবেশে স্বর্গের দেবী যে পৃথিবীতে বাস করেন, তা আমি সেই দিন হতেই প্রথম জানলাম । তারপর তাঁরই স্নেহে আর তাঁরই দয়ায় অনেকদিন পরে আমি যেন নূতন ভাবে নূতন জীবনে জেগে উঠলাম ।

নূতন জীবনই বটে । এর সঙ্গে আমার সেই চির দুঃখ কষ্ট-সঙ্কুল অতীত জীবনের কোথাও এতটুকু মিল নেই । সেই স্নেহ দয়া মায়া ইত্যাদি হতে চিরবঞ্চিত, সেই অবিচার অত্যাচার আর অযথা উৎপীড়নের দ্বারা চিরউৎপীড়িত, সেই অশেষ দুর্ভাগা-ক্লিষ্ট আমি যেন সেই নদীতীরের তালগাছের তলায় ম'রে একটা অভিনব মায়ার রাজ্যে এসে জন্মগ্রহণ করেছি । সেখানে মায়ের অফুরন্ত স্নেহের সঞ্জীবনী-শক্তিতে জড় পাষাণেও জেগে ওঠে প্রাণের স্পন্দন, অমাবস্তার জমাট অন্ধকারের মধ্যে জলে ওঠে পৌর্ণমাসীর স্নিগ্ধ জ্যোৎস্না, নরকের তীব্র দহনছালার উপরে আপনা আপনিই এসে পড়ে অমৃতের প্রলেপ । কি পুণ্যফলে আমি যে এমন মায়ের স্নেহাশ্রয়ে এসে পড়েছিলাম, তা আজও আমি ভেবে ঠিক করতে পারি নি ।

রোগ থেকে মুক্তি পেলাম, পূর্বস্বাস্থ্যও ফিরে এল, কিন্তু

মৃত্যুপথের যাত্রী

আমি সেখানে মায়ের কাছে একেবারেই বাঁধা পড়ে গেলাম। মায়ের একটি মাত্র মেয়ে অনিতা তখন দু'বছরের শিশু। আমিই ছলাম মায়ের বড় ছেলে, মায়ের অতি আদরের পালিত সন্তান।

আদর যে এত মিষ্টি, স্নেহ যে এত কোমল, মায়া যে এমন মনোহর, এর আগে কোনদিন তার একটুও জানতে পারিনি। জানলাম এই চৌদ্দ বছর বয়সে, এই সাক্ষাৎ ভগবতীর মত মা আর ননীর পুতুলের মত বোন পেয়ে। হায় রে! স্বর্গের এমন আশীর্বাদ,—পৃথিবীতে থাকতেও যারা অপরকে তা থেকে বঞ্চিত করে রাখে, তাদের মত মহাপাপী কি আর ব্রহ্মাণ্ডে আছে ?

বড় সুখে, বড় আনন্দে দিন কাটাতে লাগলাম। মায়ের কাছে আমার আত্মকথা সবিস্তারে সবই বলেছিলাম। সেই সঙ্গে বলেছিলাম আমার জীবনের প্রধান সঙ্কল্পের কথা! মানুষের প্রতি মানুষের অত্যাচার, গরীবের প্রতি বড়লোকের প্রাণহীন নিষ্ঠুর ব্যবহার, বাংলার দিকে দিকে যে হাহাকারের সৃষ্টি করে তুলেছে, আমি যে তারই প্রতিহিংসা নিতে কৃতসঙ্কল্প, সে কথা মায়ের চরণে বেশ প্রাণ খুলেই নিবেদন করেছিলাম।

চোখের জলে ভাসতে ভাসতে মা আমার মাথাটা তাঁর কোলের উপর স্নেহে টেনে নিয়ে গদগদ স্বরে উত্তর করেছিলেন :

“বাছারে! এতটুকু বয়সে যে পাহাড়-প্রমাণ দুঃখ তুই পেয়েছিস, আমার সমস্ত বুকটা দিয়েও আমি তা মেপে উঠতে

মৃত্যুপথের মাত্রী

পারছি না। তোর যে এমন কঠোর সঙ্কল্প হবে, এ তো স্বাভাবিক। আমার বোধ হয় যে এ ভগবানেরই খেলা। তিনি যে তোকে তোর জন্ম হতেই এতটা নির্যাতন সহিতে দিয়েছেন, সে শুধু তাঁরই উদ্দেশ্য সিদ্ধির জন্তে। দরিদ্রনারায়ণের দুঃখে নারায়ণের আসন টলেছে নিশ্চয়। তাই হয় তো তোকে দিয়েই তিনি এর প্রতিকার করতে চান। নইলে এই কচি বয়সে, এই দারুণ প্রতিহিংসার প্রবৃত্তি তোর হবে কেন? যাক—তাঁরই ইচ্ছা পূর্ণ হবে—কেই বা তা রোধ করবে বল? তবে যাই করিস, দেখিস বাবা! যেন নিজের জন্তে পরের অনিষ্ট করতে যাস না। নিঃস্বার্থভাবে যা করা যায় সেইটাই কাজ—তাতে পাপ নেই। কিন্তু স্বার্থের দন্ধ থাকলেই সেটা পাপ-কাজ—ভগবানের দয়া তাতে পাবি না। এইটুকু সর্বদাই বুঝে চলিস। এর বেশী তোকে আমার বলবার কিছু নেই।”

মায়ের সে উপদেশ আমার ভবিষ্যৎ দস্যাজীবনে যে কি প্রভাব বিস্তার করে এসেছে, তা আমি বলে শেষ করতে পারি না। প্রতিহিংসার তাড়নায় আর সঙ্কল্পের খাতিরে অত্যাচারী ধনী মহাজনদের সর্বস্ব লুট করে তাদের মধ্যে অনেককেই নিষ্ঠুর ভাবে হত্যা করে এসেছি, কিন্তু একদিনের জন্তেও আমার মনে হয় নি যে, আমি কোন পাপ করেছি। যা কিছু আমি করেছি, তাতে প্রেরণা জুগিয়েছে শত সহস্র নিগৃহীত দরিদ্রনারায়ণের কাতর আবেদন, আর তাতে উৎকৃত হয়েছে তারাই।

মৃত্যুপথের যাত্রী

যাক্ । সে সব পরের কথা । এমন অশেষ করুণাময়ী জননীর কোলে আশ্রয় পাবার পরে, আবার কেমন করে আমি এমন দুর্দান্ত দস্যু হয়ে উঠলাম, সেই কথাই আগে তোমাকে সংক্ষেপে বলছি শোনো :

মায়ের কাছে খুব যত্নের সঙ্গেই আমি প্রতিপালিত হতে লাগলাম । একদিকে যেমন প্রচুর ভোগ অন্তর্দিকে তেমনি নানারকম স্বাস্থ্যোন্নতির ব্যবস্থা । কুস্তি, ব্যায়াম, লাঠি, সড়কী-খেলা, ঘোড়দৌড়, সাঁতার—সব তাতেই হয়ে উঠলাম অসাধারণ দক্ষ । দু'বৎসর পরে আমার ওস্তাদেরা আর আমার স্মুখে দাঁড়াতে পারে না । পাণ্ডবগুরু দ্রোণাচার্যের কাছে অস্ত্র-শিক্ষা পেয়ে মধ্যম পাণ্ডব অর্জুন যেমন তাঁরই আশীর্ব্বাদে তাঁকেই অতিক্রম করে গিয়েছিলেন, আমিও তেমনি আমার ওস্তাদের অনেক উপরে উঠে গেলাম । গায়ের জোর আর অস্ত্রচালনায় আমার সমকক্ষ বলতে কেউ আর রইলো না ।

আমার মায়ের অবস্থা পূর্বের খুবই ভাল ছিল । তাঁর স্বামী ছিলেন ওই অঞ্চলের পুরুষানুক্রমে বিশিষ্ট ঐকজন জমিদার । কিন্তু তাঁরই একজন দূর-সম্পর্কীয় জ্ঞাতি গোবিন্দলাল নানা কৌশল, ছলনা, জাল, জুয়াচুরি করে জমিদারীর প্রায় চৌদ্দ আনা অংশ ফাঁকি দিয়ে নিয়েছিল । তিনি এ ব্যথা সহ করতে পারেন নি । তাই অনিতার জন্মের ঠিক পরেই অকস্মাৎ হার্টফেল হয়ে তিনি মারা গিয়েছিলেন ।

গোবিন্দলালের অত্যাচার কিন্তু চলছিল ঠিক সমান ভাবে ।

মৃত্যুপথের ষাত্রী

সে জন্মে আমার মাকে খুব সাবধানে আর ভয়ে ভয়ে বাস করতে হতো। কিন্তু আমি সেই রকম বলবান আর খেলোয়াড় হয়ে ওঠার পর হতে সে ভয় তাঁর আর রইলো না।

কিন্তু গরীব প্রজাদের উপর হতে লাগলো অকথ্য অত্যাচার। ইতিপূর্বে চিরদিন তারা মায়েরই প্রজা ছিল। ইদানীং গোবিন্দলালই হয়ে উঠেছে প্রায় সবটুকু জমিদারীর মালিক। মায়ের যেটুকু সামান্য অংশ অবশেষ আছে তাও সে গায়ের জোরে দখল করতে চায়। প্রজারা কিন্তু বেইমানী করতে চায় না। এই জন্মেই তাদের উপর নানা রকম জুলুম চলতে লাগলো।

রাধানগরে যে পশুত্বের অভিনয় দেখে এসেছি, এখানেও প্রায় তাই। প্রজারা দলে দলে মায়ের কাছে এসে কাঁদতে থাকে। কিন্তু মা আমার নিরুপায়। কি প্রতিকার তিনি করবেন? তিনিও তাই তাদের দুঃখে তাদের সঙ্গেই কাঁদতে বসে যান।

আমার দেহে আগুন জ্বলতে থাকে। মায়ের চোখে জল দেখে আমার আর কোন নীতি, কোন আইন মানবার প্রবৃত্তি থাকে না। মনে হয় তখনই বাঘের মত লাফিয়ে গিয়ে পড়ি। গোবিন্দলাল আর তার সাহায্যকারীদের সবংশে ধ্বংস করে আমার মায়ের চোখের জল মুছিয়ে দি। মায়ের প্রজারাও সেই সঙ্গে পেয়ে যাক নিকৃতি।

কিন্তু সে কাজে বাধা পাই মায়ের মৃদু ভৎসনায় আর অনিতার কান্নাতে। আমাকে রাগতে দেখলেই সে কেমন

মৃত্যুপথের যাত্রী

যেন ভয় পেয়ে যায়, আর প্রাণপণে আমার গলা আঁকড়ে ধরে চীৎকার করে কাঁদতে থাকে। বাধ্য হয়ে মনের আগুন মনে চেপে, নানা উপায়ে তাকে শাস্ত করতে ব্যস্ত হয়ে উঠি।

কিন্তু মন আর কিছুতেই মানতে চায় না। শৈশব থেকে যে তুষের আগুন চিরদিন বুকের মধ্যে ধিকি ধিকি জ্বলছে, সে আর কিছুতেই চাপা থাকতে রাজী নয়। সে চায় এইবার দাবানলের মত জ্বলে উঠে এক নিমেষে সারা দেশটা ছারখার করে দিতে। মানুষ হয়ে জন্মে, মানুষের প্রতি পশুর অত্যাচার যদি দমন করতে না পারি, তবে কিসের জীবন? কেন তবে এত উৎপাঁড়ন স'য়ে বেঁচে থাকা? মায়ের চোখের জল, আর ভায়ের করুণ আর্তনাদই যদি দেখতে বা শুনতে হয়, তবে নিজের ভোগ-বিলাস, সুখ-স্বাচ্ছন্দ্য নিয়ে মত্ত থাকার চেয়ে পশুত্বের নিদর্শন আর কি থাকতে পারে?

ভিখারী কি বেদমন্ত্রই আমার কানে ঢেলে দিয়েছিল! তার প্রতি শব্দটি আমার বুকের মধ্যে গাঁকা হয়ে গিয়েছে। সে বলেছিল—“আমি মানি আর আমি বিশ্বাস করি যে এই পৃথিবীতে যারা হতভাগ্য, যারা দীনহীন, তারা সকলেই আমার ভাই—আমার আপনার লোক। কিন্তু ভদ্রলোক বা বড়লোকেরা আমাদের শত্রু।”

সেই গরীব ভাইদের প্রতি নৃশংস জমিদার ও বড়লোকদের এত অত্যাচার! এর প্রতিশোধ না নেওয়া পর্য্যন্ত কিছুতেই আর মনকে শাস্ত রাখতে পারি না।

মৃত্যুপথের যাত্রী

কিন্তু কি উপায় ? কোথায় সেই প্রতিশোধের পথ ? ভেবে আর কিছু ঠিক করতে পারি না। যত দিন যায়, মন ততই অধীর হ'য়ে ওঠে। তার উপরে নিত্য নতুন অত্যাচারের সংবাদ আমার জ্বলন্ত হিংসার আগুনে আরও যেন ইন্ধন যোগাতে থাকে।

মায়ের কাছে আদরে, যত্নে, ভোগে, বিলাসে দিন কাটে, কিন্তু তবু মনের অধীরতা ক্রমেই যেন বেড়ে ওঠে। আমি যথাসাধ্য গোপন করে চলি, কিন্তু মায়ের তীক্ষ্ণ দৃষ্টিতে তা ধরা পড়ে যায়। মা আমাকে কত উপদেশ দেন, কত বোঝান ; কিন্তু সে সব কথায় নূতনত্ব কিছুই খুঁজে পাই না। আমারও প্রাণ তাই তাতে সান্ত্বনা মানে না।

তখন কুড়ি বৎসরে পা দিয়েছি। এই বয়সেই আমি একজন মস্ত পালোয়ান। বাল্যের সেই ভীক, গুজ্জুজে, দুর্বল ছেলের পরিবর্তে এখন আমি যেমন বলবান, তেমনি দুঃসাহসী, আবার তেমনি খেলোয়াড়। মায়ের আশীর্ব্বাদে আমার সেই গৌজন্ম ঘুচে গিয়ে, আমি যেন এখন একটা দস্তুরমত মানুষ হয়ে উঠেছি।

এন্নি সময়ে আমাদের গ্রামের পাশে নদীর তীরে সেই জোড়া তালগাছের তলায় একজন সাধু এসে আড্ডা গাড়লেন। সাধুর বেশ-ভূষায় ভগ্নামীর বাল্য নেই। তাঁর না আছে দীর্ঘ জটা, না আছে ফোঁটা তিলক চন্দনের ঘটা, না আছে গাঁজা টানার ধুম। গৈরিক বসন আর গলায় একছড়া রুদ্রাক্ষের

মৃত্যুপথের বাতী

মালা—এই তাঁর সাধুত্বের একমাত্র নিদর্শন। হাতদেখা, ভাগ্যগণনা, বা কবচ-মাদুলী দান একেবারেই নেই। কাজে কাজেই প্রথম হ'তে তাঁর প্রতি অনেকেরই কেমন একটা শ্রদ্ধা এসে গেল।

সাধুর কোন অহঙ্কার নেই। যে যায়, তার সঙ্গেই তিনি হেসে কথা বলেন। কোতূহলী হ'য়ে আমিও একদিন গেলাম তাঁর সঙ্গে সাক্ষাৎ করতে।

সেই দিনই বুঝলাম, সাধু এক অপূর্ব ধরনের লোক। সাধু হলেও ধর্মের কোন গোঁড়ামী তাঁর ভিতরে নেই। দেব দেবী পূজা বা লৌকিক ধর্মাচারকে তিনি প্রকৃত ধর্ম বলে স্বীকার করেন না। তিনি বলেন, “ওগুলি সব ভণ্ডামী। তাঁর মতে ভগবান বা ঈশ্বর একটা স্বতন্ত্র সত্তা নয়, এই বিশ্বব্রহ্মাণ্ডই ভগবান। পৃথিবীর জীব জন্তু মানুষ প্রভৃতিকে অবহেলা বা ঘৃণা করে, মাটি বা পাথর দিয়ে ভগবানের মূর্তি গড়ে পূজা করলেই ভগবানের পূজা করা হয় না। সর্ব জীবের সেবা আর বিশেষ করে মানুষের উপকার করলেই প্রকৃত ধর্মাচরণ করা হয়— কারণ মানুষই ভগবানের স্বরূপ।”

অবাক হয়ে গেলাম। সাধুর উপর প্রগাঢ় ভক্তি এসে গেল। সেই থেকে প্রতিদিনই তাঁর কাছে আসা যাওয়া করতে লাগলাম। আমার নিজের জীবনের আত্মস্ত ইতিহাস ও আমার সঙ্কল্পের কথা সবই তাঁর কাছে প্রকাশ করলুম। তিনি কেবল একটু হাসলেন।

মৃত্যুপথের যাত্রী

খানিক চুপ করে থেকে তিনি বলেন—“বেটা আজও তুই বুঝতে পারলি না যে, ভগবান তোরই বুকের মধ্যে রয়েছেন ? তিনিই তোকে চোখে আঙুল দিয়ে দেখিয়ে দিচ্ছেন যে, কোন্-গুলো পাপ আর কোন্-গুলো ধর্ম্য । আর যে সঙ্কল্পের কথা তুই বলছিস, ওটা তোর বাহাদুরী নয়—ওটা হচ্ছে তাঁরই নির্দেশ । তিনি চান একের ভিতরে তাঁর দণ্ডশক্তি জাগিয়ে তুলে অপর দশজনের মহাপাপের দণ্ড দিতে । তাঁর তো আর স্বতন্ত্র অস্তিত্ব নেই ! তাই মানুষকে দিয়েই তিনি তাঁর কাজ করিয়ে নেন ।

মহাভারতের কথা ভেবে ছাখ । শ্রীকৃষ্ণ নিজেই ভগবান । তিনি কি ইচ্ছে করলে একদিনেই পৃথিবীর ভার হরণ করতে পারতেন না ? তবে কোঁরব আর পাণ্ডবদের মধ্যে কুরুক্ষেত্র বাধিয়ে দিয়ে তিনি পাপী আর পুণ্যাত্মা দুই দলেরই মৃত্যু ঘটালেন কেন ? কাজ ভগবানের, কিন্তু করে মানুষে—কারণ মানুষই তাঁর পূর্ণ স্বরূপ ।”

সাধুর কথায় কি উৎসাহ যে প্রাণে এসে গেল, তা আর বলতে পারি না । আমি তখন তাঁর পা জড়িয়ে ধরে বললাম :

“আমি বুঝতে পেরেছি যে আপনি একজন মহাপুরুষ । দয়া করে আপনি আমায় শিষ্য করে নিন, আর আমায় বলে দিন যে,—এখন আমি কি করবো ? মানুষের ওপর মানুষের অণ্যায় অত্যাচার দেখে দেখে আমার মনের ভিতরটা পুড়ে কয়লা হয়ে গিয়েছে । আমি অতি সামান্য লোক—তবু আমার মনে এর

মৃত্যুপথের যাত্রী

প্রতিহিংসার বাসনা জেগে উঠলো কেন, তা আমি বুঝতে পারতাম না। এখন জানলাম সেটা ভগবানের নির্দেশ। তবে বলুন, কি করলে আমি তাঁর আদেশ পালন করতে পারবো ?”

সাধু আমার মাথায় হাত বুলাতে লাগলেন। বললেন—
“বেটা! তোকে উপদেশ দেওয়া আমার সাধ্য নয়। তোর ভিতরে যে অগ্নিমন্ত্রের বীজ রয়েছে তাকে জাগিয়ে তোলা আমার কাজ নয়। আমার গুরুদেব অগ্নিমন্ত্রের সিদ্ধ সাধক। তিনিই কেবল তোকে পথ দেখাতে সমর্থ। যাবি তুই তাঁর সঙ্গে সাক্ষাৎ করতে? কিন্তু যেতে হবে গোপনে। আর, হয়তো একবার গেলে আর সহজে ফিরতেও পারবি না।
—পারবি যেতে?”

দৃঢ়স্বরে বললাম—“হ্যাঁ, পারবো। যদি মনের মত পথ খুঁজে পাই তো ফিরে আসবার চেষ্টা করবো না—আসতে চাই না। এখন বলুন, দয়া করে আমায় সেই মহাপুরুষের কাছে নিয়ে যাবেন কি না।”

সাধু সন্তুষ্ট হলেন। যাত্রা সম্বন্ধে পরামর্শ শেষ করে আমি মায়ের কাছে ফিরে এলাম। দুদিন আর কোথাও গেলাম না। অনিতাকে কত রকম আদর-যত্ন করতে লাগলাম। মায়ের জন্মে ভারী কষ্ট হতে লাগল, তবু মনের অসাধারণ শক্তিতে তা দমন করে রাখলাম। আমার কঠোর উদ্দেশ্য সম্বন্ধে বিন্দু-মাত্র আভাসও মাকে জানতে দিলাম না।

তৃতীয় দিনের গভীর রাত্রে সাধুর সঙ্গে সেই মহাপুরুষের দর্শন আশায় আবার সেই অনির্দিষ্টের পথে যাত্রা করলাম।

ভৌন্দ

তেজশঙ্কর আবার একটু বিশ্রাম করে নিলে। তারপর আবার শুরু করলে :

“এইবার খুব সংক্ষেপেই আমার জীবনী শেষ করবো— কারণ সত্য গোপন না করলেও এমন কথা আমি তোমাকে জানাতে পারি না, যাতে পরের অনিষ্ট হওয়া সুনিশ্চিত। আমি শুধু আমার পরবর্তী জীবনের মোটামুটি আভাস তোমাকে দিচ্ছি যাবো।

সাধুর সঙ্গে হাজির হলাম বল দূরবর্তী একটা পাহাড়ে।

সেখানে একটা দেবালয়কে কেন্দ্র করে কয়েক জন সাধু সন্ন্যাসীর একটা আশ্রম আছে। সাধুদের সঙ্গে কয়েকদিন আমাকে সেই আশ্রমেই কাটাতে হ'লো।

আশ্রমের যিনি প্রধান সাধু, তিনি একে একে আমার সব কথাই জেনে নিলেন। তারপর আরম্ভ হ'লো পরীক্ষা। সে যে কি ব্যাপার, তা আর তোমাকে কি বলবো। মোটের উপর কিছুদিন পরে জানতে পারলাম যে আমি পরীক্ষায় উত্তীর্ণ হয়েছি। তখন সেই মহাপুরুষের কাছে অগ্নিমন্ত্রে আমার হ'লো দীক্ষা।

দীক্ষার কথা তোমাকে বলেই বা ফল কি? তবে জেনে রাখো যে, সেইদিন থেকে আমার জীবনের প্রধান কর্তব্যই হ'লো দেশের দরিদ্রনারায়ণের দুঃখ পূরণ। নিজের ভোগ, বিলাস,

ঐশ্বর্য, সুখ শান্তি সব বিসর্জন দিয়ে কেবল দরিদ্র ও দুর্বলদের সকল দায় থেকে যথাসাধ্য রক্ষার উদ্দেশ্যে সেই আশ্রমের নির্দেশ ও আদেশ মত আমাকে যে কোন কাজ অবনত মস্তকে মেনে নিতে হবে। তাতে গায়-অগায়, ধর্ম-অধর্ম, উচিত-অনুচিত—কোন বিচারই আমি করতে পারবো না।

আমার চিরদিনের সঙ্গী ছিল তাই। সুতরাং এই অগ্নি-মন্ত্রকেই আমার জীবনের একমাত্র সাধনা বলে সগর্বে অঁকড়ে ধরলাম।

মন্ত্রের সাধনায় তার পরেই ঝাঁপিয়ে পড়লাম কর্মক্ষেত্রে। বাংলা ও বিহারের যে যে স্থানে এই আশ্রমের গুপ্ত শাখা-প্রশাখা ছিল, আর যে যে দেশে বা সহরে অগ্নিমন্ত্রের গুপ্ত সাধক বাস করতো, তারা অতি অল্প দিনের মধ্যে আমাকেই তাদের কর্ণধার বলে স্বীকার করে নিলে। ফলে সেই মহাপুরুষের কৃপায় আমিই হলাম তাঁর অগ্নিমন্ত্রের শ্রেষ্ঠ সাধক—আমিই হলাম তাঁর প্রধান কর্মী।

আশ্রমের নিয়ম অনুসারে আমার প্রকৃত নাম গোপন রেখে মহাপুরুষপ্রদত্ত তেজশঙ্কর নামেই আমি অল্পদিনের মধ্যেই দেশ-বিদেশে বিখ্যাত হ'য়ে পড়লাম।

ইতিপূর্বে অগ্নিমন্ত্রীদের সংখ্যা হয়েছিল বিস্তর। নানা বশে, নানা কাজে তারা আত্ম গোপন ক'রে ফিরতো, কিন্তু উপযুক্ত নেতার অভাবে তাদের কাজ তেমন সুশৃঙ্খলে চ'লতো না। আমাকে কর্ণধার রূপে পেতেই তাদের উৎসাহ দশ গুণ

মৃত্যুপথের যাত্রী

বেড়ে গেল। তারপর হ'তেই তেজশঙ্করের নামে দেশ-বিদেশের টনক নড়ে উঠতে শুরু করলে।

অগ্নিমন্ত্রের কস্মী বেষে সব প্রথমেই আত্মপ্রকাশ করলাম রাখানগরে। তখন লাটের কিস্তির মুখ। গরীব প্রজাদের রক্ত শোষণ করে জমিদারের খাজাঞ্চিখানা তখন ভরপুর। গভীর রাতে 'মার মার' রব করে জমিদারের বাড়ীতে গিয়ে পড়লাম। জানি যে তাদের বন্দুক, পিস্তল, তরোয়াল, সবই আছে—কিন্তু চালায় কে? গরীবদের ওপর যারা জুলুম করে, তারা কখনো বীর হতে পারে না। ঘা দিলে পাছে দস্যুরা আরও ক্ষেপে যায়, সেই ভয়ে অস্ত্র ফেলে দিয়ে কেউ খাটের তলায়, কেউ পায়খানায়, কেউ বা খড়গাদার নীচে ঢুকে পড়লো। নগদ দশহাজার টাকা, আর বাড়ীর মেয়েদের সোনা, রূপো আর জহরতের গহনাতে আরও প্রায় দশহাজার নিয়ে বুক ফুলিয়ে চ'লে গেলাম। বাধা কেউ দেয়নি ব'লে প্রথম যাত্রায় মানুষের রক্ত পাত করতে হ'লো না।

তখন দারুণ দুর্ভিক্ষের রাজ্য। বন্ধ্যায় শত শত গ্রাম ডুবে যাওয়ার কলে উত্তর আর পূর্ববঙ্গে গরীব চাষীদের ঘরে ঘরে হাহাকার। দয়াল দাদার নাম করে আশ্রম থেকে সাহায্য বিতরণ শুরু হয়ে গেল। নরখাদক রাক্ষসের বুকের রক্তে হ'লো কত মানব শিশুর ক্ষুধা দূর।

তারপর একের পর একটা ক'রে বাংলার বহু স্থানে হানা দিতে শুরু করলাম। মায়ের আশ্রয়ে থাকবার কালে মায়েরই

মৃত্যুপথের যাত্রী

দয়ায় যে অটুট শক্তি আর তীর চালনা শিক্ষা করেছিলাম, তার বলে আমি হ'য়ে উঠতে লাগলাম এক দুর্দর্শ দস্যু। আমার গতি রোধ করে, কিংবা ঐশ্বর্য চালনায় আমাকে পরাস্ত করে, এমন লোক বাংলা দেশে আমার নজরে পড়লো না। কাজেই সর্বত্রই আমাদের জয় জয়কার। ধনীর ভাণ্ডার শূন্য করে এনে দীন-দুঃখীদের মধ্যে তা বিলিয়ে দিতে লাগলাম। বিলানোর কাজটা অবশ্য আশ্রমের সাধুদের দ্বারাই হতে লাগলো। বিভিন্ন স্থানের বিভিন্ন শাখার মারফৎ দরিদ্রেরা তাদের একান্ত অসময়ে সাহায্য পেতে লাগলো।

ধনীদের উপর বাল্য হতেই আমি বীতশ্রদ্ধ। ধনবানদের সর্বনাশ সাধন আমার জীবনের সঙ্কল্প বলেই গ্রহণ করেছিলাম। তাই এই দস্যুতার কাজে একটি দিনের জন্তেও আমার প্রাণে বিন্দুমাত্র অনুতাপ আসে নি। আমি বরং উত্তরোত্তর অধিকতর উৎসাহের সঙ্গেই অগ্নিমন্ত্রের সাধনা করে চলেছিলাম। কারণ, আমাদের লক্ষ্য ছিল কেবল সেই সব ঐশ্বর্যশালী ব্যক্তি, যারা তাদের ধনভাণ্ডার পূর্ণ করে থাকে শত শত দীন দরিদ্র লোককে অগ্রায় ভাবে বঞ্চিত করে; কিংবা যারা তাদের ভাগ্যলব্ধ বিপুল সম্পদ কেবলমাত্র নিজেদেরই ভোগ-বিলাসে ব্যয় করে যায়; কিন্তু দেশের শত শত নিরন্ন, বুড়ুকিত হতভাগ্যের দিকে একটি দিনের জন্তেও মানুষের প্রাণ নিয়ে ফিরেও তাকায় না।

এ কাজে মাঝে মাঝে নরহত্যা যে হয় না, তা নয়। কিন্তু

মৃত্যুপথের যাত্রী

আমি যথাসাধ্য এ কাজ এড়িয়ে চলতাম। আত্মরক্ষায় নিতান্ত প্রয়োজন না হ'লে আমি কারও প্রাণ নষ্ট করিনি। সঙ্গীদের উপরেও আমার কঠিন আদেশ দেওয়া ছিল। নারীজাতির প্রতি অত্যাচার কিংবা বিনা প্রয়োজনে নরহত্যা অগ্নিমন্ত্রের নীতি-বিরুদ্ধ।

কিন্তু তবুও দু'-চার ক্ষেত্রে ইচ্ছা ক'রেই আমি নিজের হাতে নৃশংসভাবে নরহত্যা করেছি। মহাদুর্নৃত্তদের বিরুদ্ধে যে দারুণ প্রতিহিংসার প্রবৃত্তি পূর্ব হতেই আমার মনে পুঞ্জীভূত হয়ে ছিল, তার কঠিন প্রেরণা থেকে কিছুতেই আমি আমাকে মুক্ত করতে পারিনি। সেই সব হতভাগ্যদের জন্য দুঃখ হয়,— দুঃখ হয় এই ভেবে যে, তারা মানুষ হয়েও মানুষের মত হয়নি; নিজেকে ছাড়া আর কাউকে মানুষ বলে ভাবতে শেখেনি!

প্রথম নরহত্যা করি খঞ্জনপুরে। দুর্নৃত্ত গোবিন্দলাল নহুদিনের চেফটায় একদল গুণ্ডা সংগ্রহ করে আমার মায়ের ঘরে ডাকাতি করতে এসেছিল। তার উদ্দেশ্য ছিল আমার মা আর অনিতাকে খুন করিয়ে তার জমিদারী নিষ্কণ্টক করতে। কিন্তু আমি পূর্ব হ'তেই তার বিরুদ্ধে চর নিযুক্ত করে রেখেছিলাম—সে সন্ধান সে রাখতো না। ফলে ডাকাতিদের উপরেই হ'লো ডাকাতি। দারুণ আক্রোশে পড়ে তার দলের ৫৬ জনকে হত্যা তো করলামই, উপরন্তু গোবিন্দলালের নাথাতাও আমলাম নিজের হাতে কেটে। একদিন মায়ের


মৃত্যুপথের যাত্রী

চোখের জলে যে আঙুনের সৃষ্টি হয়েছিল, তাতেই পাষণ্ড গোবিন্দলালকে সদলবলে দগ্ধ করে দিলে।

ইতিমধ্যে তেজশঙ্করের নামে দেশ বিদেশে আতঙ্কের সৃষ্টি হয়ে পড়েছিল। সরকার বাহাদুর যথাসাধ্য চেষ্টা শুরু করেছিলেন আমাকে দমন করতে। কিন্তু কোথায় পাবেন আমার সন্ধান? গভীর অরণ্যের নিবিড়তম প্রদেশে যে লাস করে, লাঠির ওপর ভর দিয়ে যে রাতের অন্ধকারে দশ দিশ ক্রোশ পথ ঘুরে আসে—তাকে ধরা সহজ নয়।

রংপুরের জমিদার দুর্গাশঙ্কর ঐশ্বৰ্য্যের অহঙ্কারে ধরাকে সরা জ্ঞান করতো। যাদের রক্ত শোষণ করে তার অভ ঐশ্বৰ্য্য, সেই প্রজাদের উপর সে ভয়ানক অত্যাচার শুরু করলে। লোকটা নিজে প্রচণ্ড মাতাল, তার উপরে আবার চরিত্রহীন। তার অত্যাচারে গরীব প্রজাদের জাত-মান বজায় রাখা দুঃসাধ্য হয়ে উঠলো। অনেক সময়ে, শেষে তারা করলে ধর্মঘট।—আর যায় কোথায়? অহঙ্কারে অন্ধ জমিদার প্রজাদের উপরে হিংস্র পশুর মত আচরণ করতে লাগলো। প্রজারা একেবারে পরিত্রাহি চীৎকার শুরু করে দিলে।

দলে দলে প্রজাদের উপর জমিদারের লাঠিয়ালরা লাঠি চালিয়ে দিলে। কত প্রজা মরলো, কত হ'লো সাংঘাতিক রূপে আহত। তাতেও নিকৃতি নেই। বিস্তর প্রজার ঘর আঙুনে পুড়লো। অনেকের ক্ষেতের শস্য, গোলায় ধান জমিদারের



রাতের অন্ধকারে লাঠির ওপর ভর দিয়ে ক্রোশের পর ক্রোশ বারা এগিয়ে চলে...

—১১০ পৃষ্ঠা

মৃত্যুপথের যাত্রী

পাইকেরা লুট করে নিয়ে গেল। নিরীহ দরিদ্র প্রজাদের হাহাকারে আকাশ-বাতাস ভরে যেতে লাগলো।

বাংলার প্রায় সর্বত্রই আমার দলবল আছে; অথচ আজ পর্যন্ত কেউ জানে না যে তারা কে? দুর্গাশঙ্করের কীর্তির কথা আমার ঐ দলবলের মারফৎ আমার কানে এসে বাজলো। দারুণ পণ নিয়ে চললাম তার উপরে প্রতিহিংসা নিতে।

তোমরা সে কথা শুনেছ নিশ্চয়। জহরীর ছদ্মবেশে তার বাড়ীতে উঠে দিন-রপুରେই তার বুকে ছুরি বসিয়ে দিইছি; তারপর তার অনুচরদের মধ্যে কয়জনকে জন্মের মত অঙ্গহীন করে দিয়ে এমন ভাবে চলে এসেছি যে, কারও সাধ্য হয়নি আমার গতিরোধ করতে। আসবার সময় তাদের জানিয়ে দিয়ে এসেছি দুর্গাশঙ্করকে যে দণ্ড দিয়ে গেল—সে আর কেউ নয়, স্বয়ং দস্যু-সম্রাট তেজশঙ্কর।

এই ভাবে রাজত্ব করে এসেছি এক আধ দিন নয়, এক যুগ—বারো বছর। বাংলা আর বিহারের বুকের উপরে এন্নিভাবে আমি বড় সৃষ্টি করে নেড়িয়েছি।

আমি স্পষ্ট বুঝলুম যে, ভগবান আমার অন্তরের মধ্যেই আছেন। তিনি আমার শৈশব হতে আমার মনে প্রাণে যে প্রবৃত্তির উৎস ফুটিয়ে তুলেছেন, সেটা তারই ইঙ্গিত ছাড়া কিছুই নয়। দরিদ্রনারায়ণের সাহায্য কল্পে তাই আমি কঠোর পথ অবলম্বন করেছি। ভগবানেরই একাজ, আর তিনি তা

মৃত্যুপথের যাত্রী

করিয়ে নিচ্ছেন আমাকে দিয়ে—কারণ দরিদ্রনারায়ণের সেবক রূপে আমি তার একজন প্রধান ভক্ত।

আমি অনুভব করলাম, আমার কর্তব্যই হচ্ছে দুষ্টির দমন আর শিষ্টির পালন। গত বারো বছর ধরে আমি তা একান্ত নিঃস্বার্থভাবেই পালন করে এসেছি। মায়ের সে উপদেশ আমি একটি দিনের জন্তুও বিস্মৃত হই নি। মা বলেছিলেন—
“দেখিস্ বাবা! নিজের জন্তু যেন কিছু করতে যাস্ নি। নিঃস্বার্থ ভাবে যা করা যায় সেইটিই কাজ, তাতে পাপ নেই।”
আমিও তাই কেবল মাত্র দরিদ্রনারায়ণদের জন্তুই করে এসেছি অত্যাচারী ধনিকদের ধনের উপর দস্যুতা—করে এসেছি শয়তানের উপাসক স্বরূপ নির্ম্মম নরপশুদের হত্যা। তাতে আমার নিজের স্বার্থের নামগন্ধ পর্য্যন্ত নেই।

আমি থাকি, বনে জঙ্গলে, গাছতলায় আর পাহাড়ের গুহায়। খাই নিরামিষ অন্ন, আর ফলমূল। সন্ন্যাসীর বেশে গৈরিক বস্ত্র আর রুদ্রাঙ্ক পরে যখন দেশে দেশে দরিদ্রনারায়ণদের কুটীরে কুটীরে ঘুরে বেড়াই, তখন আমি তাদের সকলেরই দয়াল দাদা। আমারই নাম করে আমারই দস্যুতার অর্থ আশ্রমের সন্ন্যাসীরা সময়ে অসময়ে তাদের দান করে থাকেন, তাই তারা সবাই আমাকে দয়ার অবতার বলেই মনে করে। কিন্তু তারা জানে না যে, আমিই সেই তেজশঙ্কর, সেই বিখ্যাত দস্যু-সম্রাট, যার নামে সারা বাংলা আর বিহারে পড়ে গিয়েছে ধরহরি কল্প।

মৃত্যুপথের বাত্রী

আজ আমি নিজেই এসে সরকারের কাছে আত্ম সমর্পণ করেছি। নিজেই সেধে নিজের গলায় তুলে নিচ্ছি ফাঁসির দড়ি, নইলে কারও সাধ্য হ'তো না তেজস্করকে এই পাখীর খাঁচার মধ্যে এনে পূরতে। আমি মরছি, আমার দরিদ্রনারায়ণের উপকার আরও পরিপূর্ণরূপে সার্থক করে তুলতে—আত্মাবলি দিয়ে!

দরিদ্রদের সেবক আমি। আমি তাদের রক্ষক, তাদের পৃষ্ঠ-পোষক। কিন্তু, আমারই জন্মে আজ তাদের শুরু হয়েছে নির্যাতন। তাদের যে কি দুর্গতি ভোগ করতে হ'চ্ছে তা তুমি নিশ্চয় দেখতে পাচ্ছ—কারণ তুমি জেলার।

আমার কোন সন্ধান না করতে পেরেই তোমার অযোগ্য সহযোগীরা এই নিরীহ গরীবদের প্রাণ নিয়ে ছিনিমিনি শুরু করে দিয়েছে। এই তাদের বিচার! এই তাদের ধর্মজ্ঞান!

আমি তা কিছুতেই হতে দেব না। আমার জন্মে শত শত নিরীহ লোকের দণ্ড হয়, প্রাণ থাকতে আমি তা সহ করবো না; তাদের নিকৃতি যেমন করেই হোক আমাকে দিতে হবে। কিন্তু আর কোন উপায় নেই। আমি ধরা না দেওয়া পর্যন্ত তাদের উপরে অন্যায় জুলুম চলতেই থাকবে। তাই নিরুপায় হয়ে আমি নিজে এসে আত্ম সমর্পণ করেছি! আমার ভাগ্যে যা ঘটে ঘটুক, কিন্তু তাদের তো নিকৃতি মিলবে?

ফাঁসি হবে, আগেই তা জানতাম। তা কেনেই ধরা দিতে

এসেছি। তবে আর তাতে ভয়টা কিসের? এই তো ভোর হয়ে গেছে। তোমার সঙ্গে কথা কইতে কইতে রাতটা কাটিয়ে দিয়েছি। আর বড় জোর আধ ঘণ্টা। তারপরেই সব চুকে যাবে। একটা উৎপীড়িত প্রতিহিংসা পরায়ণ জীবনের উদ্দেশ্য অক্ষুণ্ণ রেখে তেজস্কর চলে যাবে, যেখানে তার ভগবান তাঁকে নিয়ে যান। এতে দুঃখ করবার কিছু নেই। দুঃখ যা-কিছু সে কেবল আমার গরীব ভাইদের জন্য। আর ত আমি তাদের সেবা করতে পারব না! তা যাক। তুমি এখন যাও নিজের কাজে যোগ দাও গে। অনিতাকে আমার আশীর্বাদ আর সেই সঙ্গে আমার স্নেহ জানিয়ে ব'লো, তার দাদা মরবার কালেও তাকে ভোলে নি; তাকে আশীর্বাদ করতে করতেই মরেছে।

মাকে আর কি বলবে? তাঁকে আমার কোটি কোটি প্রণাম জানিও, আর বলো যে, তাঁর ছেলে তাঁর উপদেশ পূর্ণ-মাত্রাতেই পালন করেছে। ফাঁসি কাঠে কোলবার পূর্বমুহূর্ত পর্যন্ত সে তার নিজের জন্মে কিছুই করে নি। এতেও কি সে ভগবানের দয়া পাবে না।”

তেজস্করের বিচিত্র জীবন-কাহিনী সব শুনে উঠে আসবার পূর্বে জিজ্ঞাসা করলুম—“কিন্তু একটি কথার জবাব দিন—এই যে আপনার আপ্রাণ চেষ্টা, কঠোর সাধনা, এত করে দরিদ্র সাধারণের স্থায়ী উন্নতি আপনি কি করে গেলেন? আপনার

মৃত্যুপথের ষাটী

অসুস্থকানের সঙ্গে সঙ্গে, সামান্য যে স্বাচ্ছন্দ্যটুকু তারা পেত তাও তঁ
চিরদিনের মত ঘুচে যাবে ?”—

একটু চুপ করে থেকে তেজশঙ্কর বলে—“তা হয়ত যাবে—
হিংসার পথে স্থায়ী কল্যাণ গড়ে ওঠে না, শুধু প্রতিশোধ
নেওয়া যায় মাত্র। সমাজের উন্নতি না হলে এর মীমাংসা হবে
না ভাই! সব জানি—আমি শুধু প্রচণ্ড হিংসা বৃত্তিই চরিতার্থ
করে গেলাম, আর সেই জন্য তার মূল্য স্বরূপ এই প্রাণটাও
দিতে হল—হয়ত একদিক দিয়ে খুব ভুল করেছি, কিন্তু আমার
উপায় ছিল না। আমার ভরসা এই, ভবিষ্যতে এই পৃথিবীর
নূতন মানুষ হয়ে যারা জন্ম নেবে—তারা আমার গল্প শুনে
নিজেদের শুধরে নিয়ে একটা উন্নত নিয়ম প্রচলন করবে যার
জন্যে ভবিষ্যতে আর কোন তেজশঙ্কর অনর্থক প্রাণ দেবে না।”

জেলখানার ঘড়িতে ছ’টা বাজবার সঙ্গে সঙ্গেই তেজশঙ্করের
ফাঁসি হয়ে গেল।

যে দুর্দান্ত দস্যুর দাপটে পুলিশের লোকদের আহাৰ নিদ্রা
ত্যাগ হয়ে এসেছিল, তার চরম দণ্ড হওয়ায় সকলে নিশ্চিন্ত
হ’ল। ফাঁসির খবরটা শুনে হাসতে হাসতে যে যার বাসায়
ফিরে গেল।

আমিও ফিরলুম। কিন্তু প্রাণের মধ্যে কেমন একটা
অস্বস্তি বোধ করতে লাগলাম। ঘুরে ফিরে কেবলই আমার
মনে হ’তে লাগলো যে,—আজ যে মহা অপরাধীর মত

মৃত্যুপথের যাত্রী

ফাঁসির মধ্যে তার প্রাণ বিসর্জন দিলে, সে একজন মহা পরোপকারী আত্মত্যাগী মহারীর । তেজশক্তির সেই কথাটাই বার বার মনে পড়ছে—এই পৃথিবীর নূতন মানুষ হয়ে যারা জন্ম নেবে—তারা করবে এমন একটা সমাজ ব্যবস্থা—যার ফলে ভবিষ্যতে আর কোন তেজশক্তির অনর্থক প্রাণ বলি দেবে না,—তারা গড়ে তুলবে স্বর্গরাজ্য, যেখানে হিংসা নেই, রাগ নেই, অভাব নেই, বৈষম্য নেই—আছে শুধু অফুরন্ত স্নেহ-প্রীতি আর ভালবাসা । সে দিন কি সত্যই আসবে ? মানুষ কি সত্যই মানুষ হবে ?

